

KAPITULU 1

ANTESEDÉNSIA PNDS

1. Antesedénsia PNDS

Timor-Leste nia Planu Estratéjiku ba Dezenvolvimentu Nasionál (PEDN) 2011-2030 define nasaun nia vizaun ba dezenvolvimentu ekonómiku no sosiál. Atu alkansa objetivu sira iha PEDN, Governu Timor-Leste (GoTL) dezenvolve no implementa programa sira ne'ebé desentralizadu, hodi konsentra ba dezenvolvimentu lokál iha nivel komunitáriu iha Suku no Aldeia sira. PEDN mós ezizi atu GoTL fornese espasu no oportunidade hodi hasa'e sidadaun sira-nia partisipasaun no envolvimentu iha dezenvolvimentu lokál. Melhoramentu iha dezenvolvimentu infraestrutura hodi hadi'ak comunidade nia asesu ba atendimentu públiku sira (edukasaun, saude) sai hanesan kondisaun importante ida atu alkansa objetivu dezenvolvimentu ne'ebé hatur ona iha PEDN. Melhoramentu iha dezenvolvimentu infraestrutura sei hamosu mós benefísiu sosiál no ekonómiku iha nivel lokál hodi kontribui ba dezenvolvimentu nasional ne'ebé forte, sustentavel no ekuitativu.

Rezolusaun Governu nu. 1/2012, 25 Janeiru no Diploma Ministeriál Konjuntu nu. 22/2012, 27 Juñu, formalmente aprova política ida atu harii mekanizmu nasional hodi aselera dezenvolvimentu komunitáriu no tulun alkansa objetivu sira iha PEDN. Mekanizmu ida-ne'e nia objetivu mak atu hakbi'it comunidade sira liu husi fó apoiu ba sira hodi deside no jere sira-nia nesesidade infraestrutura eskala ki'ik, no mós fornese oportunidade serbisu (empregu) hodi bele hadi'ak kondisaun ekonomia (aumenta rendimentu) uma-kain nian.

Governu Timor-Leste aprova *Dekretu Lei nu. 1/2014 iha 15 Janeiru 2014* hodi harii Komisaun Kordenasaun Inter-Ministeriál (KKIM) ho objetivu atu kordena no fornese orientasaun política kona-ba implementasaun Dezenvolvimentu Integradu iha Munisípiu, inklui PNDS. KKIM kompostu husi Ministériu Saúde, Edukasaun, Obras Públika, Agrikultura & Peska no Solidariedade Sosiál. Iha tempu hanesan estabesele mós Grupu Servisu Tékniku Inter-Ministeriál (GSTIM) hodi implementa Programa Dezenvolvimentu Integradu Munisípiu (PDIM), inklui PNDS. GSTIM kompostu husi Diretór Jerál no Diretór Nasionál sira husi ministériu sira mensiona ona iha leten, no Ministériu Administrasaun Estatál no Ministériu Finansas mak lidera hamutuk grupu ne'e liu husi preside kordenasaun servisu grupu nian rotativamente. Ajénsia seluk mós partisipa iha grupu ne'e, hanesan Komisaun Funsan Públika, Ajénsia Dezenvolvimentu Nasionál, Sekretáriu Estadu ba Formasaun Profesionál, Política no Empregu, no Sekretária Estadu ba Igualdade no Inklusaun (SEII).

Dekretu Lei Nú 8/2013, 26 Juñu, ho nia alterasaun da ne'en *Dekretu Lei Nú 4/2025, 22 Janeiru* no *Dekretu Governu Nú 1/2025, 22 Janeiru* mak nudar baze legal ba ezekusaun PNDS. Sekretariadu Tékniku PNDS (ST-PNDS) ne'ebé tutela iha MAE nia okos mak responsabiliza ba planeamentu, implementasaun no kordenasaun PNDS ba RAEOA no ba prestasaun assistensia teknika ba Autoriedade Municipais 13. ST-PNDS lidera husi Sekretariu Ezekutivu ida (ekiparadu ho nivel DG) no hetan apoiu husi Diresaun Nasional h'at hanesan Diresaun Nasional Administrasaun no Finansas (DNAF), Diresaun Nasional Patrimoniu no Logistika (DNPL), Diresaun Nasional Planeamentu no Implementasaun (DNPI) no Diresaun Nasional Kapasitasaun Monitorizasaun no Avaliasaun (DNKMA).

Iha nivel rejional ka RAEOA, ST-PNDS reprezenta husi Diresaun Regional Sekretariadu Tékniku de Oe-cusse Ambeno ne'ebé iha kna'ar prinsipál atu asegura qualidade implementasaun PNDS iha RAEOA. Iha nivel Autoriedade Munisípais PNDS eziste hanesan Servisu Munisípiu Apoiu PNDS (SMA-PNDS) ne'ebé iha kna'ar prinsipál atu asegura qualidade implementasaun PNDS iha nivel Administrasaun no Autoriedade Munisípiu. Iha nivel Postu Administrativu eziste hanesan Fasilitador Postu Administrativu PNDS (FPA-PNDS) ne'ebé iha kna'ar prinsipál atu asegura qualidade implementasaun PNDS iha nivel Posto Administrativu.

Iha nivel Suku, estabese Estrutura Suku PNDS, ne'ebé iha kna'ar prinsipál atu asegura qualidade implementasaun PNDS liu husi enkoraza partisipasaun masímu comunidade nian iha prosesu identifikasaun, akompanamentu no avaliasaun projetu sira ne'ebé atu implementa liu husi subsídiu PNDS.

Autor PNDS iha kada nivel nudar temi iha leten sei kordena no servisu besik liu ho partes, parseiru no setor relevante sira iha ida-idak nia nivel hodi asegura PNDS implementa ho qualidade, efikas, kumpri matadalan no prinsipiu orientador sira. Iha nivel nasional Sekretariadu Tékniku PNDS sei kordena ho lina ministerias no setor relevante sira hodi haforsa kordenasaun servisu.

Iha nivel Administrasaun no Autoriedade Munisípiu ekipa SMA-PNDS sei kordena no servisu besik liu ho Presidente Autoriedade, Konsellu Konsultivu - Kordenasaun Munisípiu, Servisu Munisípiu sira, parseiru dezvoltamentu sira no organizasaun sociedade sivil sira (OSS) hodi asegura katak partes relevantes sira ne'e hetan informasaun loloos kona-ba PNDS, ho nune'e bele fó apoiu mós ba implementasaun PNDS iha Munisípiu.

Iha nivel Posto Administrativu ekipa FPA-PNDS sei servisu hamutuk ho Administrador Posto Administrativu, Assembleia Postu Administrativu, Servisu lokal planeamentu no Dezenvolvimentu no organizasaun sociedade sivil sira hodi asegura parte sira ne'e hetan informasaun PNDS ho loloos, ho nune'e sira mós bele fo apoiu masímu ba implementasaun PNDS iha nivel nivel Posto no Suku.

Manuál Operasaun Programa (MOP) ida-ne'e esplika kona-ba sistema, prosesu no prosedimentu sira ne'ebé nesesáriu ba planeamentu no jestaun Subsídium Suku nian iha nivel hotu-hotu hahu husi Nasional, Munisípiu, Postu Administrativu to'o iha nivel Suku no Aldeia sira.

1.1. Kuadru Regulamentár

Kuadru regularmentar ho nia revizaun sira ne'ebé hetan ona aprovasaun mak nudar baze legal ba implementasaun PNDS. PNDS suporta kooperasaun entre comunidade no governu atu harii no mantein infraestrutura hodi kontribui ba dezvoltamentu komunitariu ne'ebé sustentavel.

Tuir divizaun administrativa, Timor-Leste fahe ba Munisípiu 12, Rejiaun Administrativu Espesial 1 no Autoridade Administrativa Atauro, no Postu Administrativu 66. Iha nivel Postu Administrativu nia okos iha Suku 466, nu'udar estrutura governasaun komunitária tradisionál ne'ebé ekiparadu ho povoasaun ida, ne'ebé la'ós parte husi sistema governu formál, maibé organizadu ho di'ak. Suku sira fahe fali ba maizumenus aldeia 2,233. Suku no aldeia mós iha lideransa ereditária "tuar jersaun" no lideransa eleitu. Lideransa tradisionál hetan ona rekoñesementu liu husi *Lei no. 3/2009, 8 Jullu*.

Dekretu Lei 36/2015, 15 Janeiru hamoris Planeamentu Dezenvolvimentu Integradu iha Munisípiu (PDIM) ne'ebé define no regula regras sira ne'ebé aplika ba kompeténsia, planeamentu, implementasaun no finansiamentu hodi ezejuta projetu Estadu nian iha nivel Munisípiu no Postu Administrativu.

Mekanizmu nasional hodi aselera dezvoltamentu komunitáriu bazeia ba *Rezolutaun Governu nu. 1/2012, 25 Janeiru*, nudar temi iha leten fou-foun hanaran Mekanizmu Aselera Dezenvolvimentu Komunitáriu. Mekanizmu ne'e ikus mai define nu'udar Programa Nasional Dezenvolvimentu Suku (PNDS) bazeia ba *Dekretu-Lei nu. 8/2013, 26 Juñu. Dekretu-Lei nu. 1/2014, 15 Janeiru* klarifika liu tan kna'ar no kompeténsia sira ne'ebé pertense ba Komisaun Inter-Ministeriál no Grupu Servisu Tékniku Inter-Ministeriál (GSTIM) inklui nomeasaun ba representante sira husi ministériu relevante ba Grupu Servisu Tékniku. Sekretariadu Tékniku ida estabesele hodi fó apoiu tékniku, funksional no administrativa ba PNDS.

Dekretu Lei Nú 8/2013, 26 Juñu ho nia alterasaun sira mak nudar baze legal ba implementasaun PNDS. Governu konstitusional da'sia halo alterasaun dane'en ba *Dekretu Lei PNDS nu. 8/2013, 26 de Junu* ho *Dekretu Lei PNDS nu. 4/2025, 22 Janeiru*, hodi introdus atividade Sede Aldeia, fatin ba Cultu, uma mahon ba labarik oan kiak no vitima violensia domestika no atividade manutensaun eskala ki'ik nudar atividade adisional PNDS nian. Manuál Operasaun Programa (MOP) ida-ne'e inkorpora ona mudansa sira husi alterasaun dekreto lei PNDS nian ne'ebe halo ona durante ne'e.

Ho konsiderasaun katak atividade ka projetu sira PNDS nian planea no implementa direta husi comunidade, no programa ne'e iha ámbitu boot, tenke iha fleksibilidade kona-ba ninian padraun prosedimentu no prosesu sira ne'ebé estabesidu ona. Sekretariu Ezekutivu PNDS mak responsabiliza ba kordenasaun no jestaun programa no membru governu responsavel husi area Administrasaun Estatal mak iha kompetensia atu aprova inovasaun no pilotu ki'ik sira, inklui revizaun no simplifikasaun sira ne'ebé presiza hodi tulun comunidade sira utiliza didi'ak subsídiu suku, implementa prioridade sira, responsabiliza ba rezultadu no fundu sira ne'ebé utiliza ona. Maibe tenke asegura katak mudansa no simplifikasaun sira ne'ebé atu introdus ne'e la viola lejizlasaun ne'ebé mak iha (n.e. Dekretu Lei PNDS 8/2013 ho nia alterasaun sira no Lei 13/2009 kona-ba jestaun finanseira pública no Lei 22/2022, 11 Maiu kona-ba rejime jeral aprovisionamentu).

Bazea ba esperensia implementasaun PNDS hahu husi faze teste terenu (pilotu), siklu dahuluk, daruak no to'o agora no inklui deskobrimentu sira husi konsultor independente no rezultadu monitorizasaun regular, hatudu katak presiza duni atu koko aprosimasaun oi-oin ne'ebé apropiadu liu ba implementasaun PNDS iha Suku urbanu sira iha Dili.

Suku urbanu sira iha Dili nesesita aprosimasaun espesiál ho ajustamentu ba prosedimentu no prosesu PNDS hodi bele fó empregu ka servisu temporaria (osan-ba-servisu) ba joven sira iha area urbana ne'ebé dezempregadu ka la iha servisu, liu husi atividade ka projetu sira ne'ebé orientadu ba hamoos no hafurak área urbana sira no inklui reabilita infraestrutura urbana bázika, liu liu iha área saúde, edukasaun, instalasaun bee mos no saneamentu públiku. Sekretariu Ezekutivu PNDS (membru governu responsavel husi area Administrasaun Estatal) mak sei fo sai orientasaun kona-ba prosedimentu no tratamentu/aprosimasaun espesiál PNDS nian ba suku urbana sira iha Dili, hodi membru governu responsavel nia naran.

Kuadru regulamentar relevante seluk kona-ba planeamenu, implementasaun no kordenasaun PNDS mak inklui *Dekretu lei nu.84/2023, 23 de Novembru*, ne'ebé regula Estatutu Administrasaun Munisípiu, *Autoridade Munsípiu no Grupu Tékniku Interministerial* ba Desentralizasaun Administrativa.

1.2. PNDS / Programa Nasionál Dezenvolvimentu Suku

Dekretu-Lei, Rezolusaun Governu no Diploma Ministeriál sira ne'ebé temi iha leten mak nu'udar baze legal ba governu atu dezenvolve no implementa Programa Nasionál Dezenvolvimentu Suku. Objetivu husi PNDS mak atu hadi'ak kondisaun sósiu-ekonómiku no governasaun lokál ba mane, feto no ema ho defisiensia sira iha suku laran iha Timor-Leste liu husi infraestrutura ne'ebé comunidade mak jere rasik."

Sekretariadu Tékniku PNDS ne'ebe tutela iha Ministeriu Administrasaun Estatal mak responsabiliza ba kordenasaun no jestaun global implementasaun PNDS iha teritoriu tomak. Sekretariadu Tékniku PNDS

lidera husi Sekretariu Ezekutivu ida, no hetan suporta husi Diresaun Nasional h'at. Kada Diresaun nasional ne'e lidera husi Diretor Nasional ida. Iha nivel Munisipiu PNDS eziste hanesan Servisu Munisipal Apoiu PNDS no lidera husi Diretor Servisu Munisipiu Apoiu PNDS (Dir SMA PNDS). Iha nivel Posto Administrativu PNDS eziste hanesan Fasilitador Postu Administrativu PNDS (FPA-PNDS) ne'ebé iha kna'ar prinsipál atu asegura qualidade implementasaun PNDS iha nivel Posto Administrativu.

PNDS diferente ho Programa Dezenvolvimentu Komunitariu seluk (PDD ka PDIM ka projetu dezenvolvimentu seluk governu nian) tanba PNDS ezizi partisipasaun masímu comunidade nia iha prosesu planeamentu, implementasaun, jestaun finanseiru, operasaun no manutensaun ba projetu sira ne'ebe sira rasik decide no harii. PNDS fornese rekursu finanseiru no assistensia tékniku ba 466 Suku iha Timor-Leste ho objetivu atu halo melhoramentu ba dezenvolvimentu infraestrutura bázika sira hodi hadi'ak asesu ba atendementu publiku sira. Iha etapa implementasaun walu (8) mak comunidade preziza lao tuir no implementa hodi garante partisipasaun ativu comunidade no qualidade implementasaun PNDS.

Fontes orsamentu ba PNDS mai husi Orsamentu Jeral Estadu (OJE) nian. Bazeia ba *Dekretu Lei nu. 8/2013, 26 Junu* ho nia alterasaun sira, governu sei aloka subsidu ho montante husi \$40,000 to'o \$70,000 dolar amerikanu ba kada suku iha kada tinan hodi planeia no implementa infraestrutura bázika no servisu públiku sira. Montante ida ne'e seidak inklui desizaun membru governu responsavel husi area Administrasaun Estatal nian atu fo tan apoiu finanseiru adisional ba suku balun iha kazu esesional ruma, ne'ebé bele rezulta iha Suku balun bele simu montante hanesa mensiona iha leten. Fontes finansamentu ba PNDS bele mós mai husi kontribuisaun comunidade no husi parte eksternal balun hanesan parseiru dezenvolvimentu sira.

Subsidu ne'ebé Suku simu liu husi PNDS fahe ba parte rua; Fundu Operasionál Suku, hodi apoiu atividade sira hanesan enkontru comunidade, formasaun ba comunidade, insentivu ba ES, kustu administrasaun projetu inklui kustu levantamentu ba dados & dezeniu; no Fundu Infraestrutura Suku, hodi halo investimentu kapitál iha infraestrutura suku no servisu publiku sira.

Susesu husi mekanizmu PNDS depende ba apoiu tomak husi GoTL no kolaborasaun di'ak husi comunidade Suku no Aldeia sira. Esperensia implementasaun programa husi Governu no parseiru dezenvolvimentu sira hatudu ona katak parseria entre comunidade lokál ho governu bele aselera konstrusaun infraestrutura bázika, hanesan klínika, eskola, irrigasaun, sistema bee mos, estrada no ponte sira.

Liu husi alterasaun da ne'en *Dekretu PNDS lei nu. 4/2025, 22 Janeiru*, Governu konstitucional da'sia introdus Projetu infraestrutura bazika sira ne'ebe comunidade suku no aldeia decide atu implementa ho

finansamentu PNDS tenke aliña ho menu indikativu programa nian ne'ebé kobre setor lima hanesan Edukasaun, Saude, Agrikultura (irigasaun), Bee mos no sanemaentu, estradas, pontes no setor seluk. *Manutensaun Ki'ik* hanesan menu inidikativu adisional PNDS nian.

1.2.1. Objetivu PNDS

Planu Estratéjiku ba Dezenvolvimentu Nasional (2011-2030) rekoñese katak povu Timor-Leste nia aspirasaun atu kria nasaun ida ne'ebé forte no prosperu mak atu dezenvolve infraestrutura ne'ebé bele fó benefísiu sósio-ekonómiku, hasa'e produtividade no kria servisu, liu liu iha área rurál. Ida-ne'e preziza povu Timor-Leste nia partisipasaun ativa no tenke hametin sira-nia konfiansa ba instituisaun públika sira.

PNDS nia objetivu atu fo apoiu ba vizaun tempu naruk ida-ne'e mak “ Hadi'ak kondisaun sósio-ekonómiku no governasaun lokál ba mane, feto no ema ho defisiensia sira iha suku laran iha Timor-Leste liu husi infraestrutura ne'ebé comunidade mak jere rasik. Objetivu prinsipal husi PNDS atu hadia padraun moris komuidade iha Suku liu husi meios hakbi'it komuidade no mós bele kompleta programa seluk.

Objetivu espesial husi PNDS:

- Hasa'e mekanismu ne'ebé nia objetivu hari relasaun ne'ebé besik entre Governu ho Suku sira.
- Enkoraja partisipasaun comunidade iha prosesu dezevolvimentu komunitária
- Kria kampu de traballu hodi estimulu iniciativa lokal hodi konstrui no halo manutensaun ba infraestrutura lokál ne'ebé hari'i ona.

1.2.2. Prinsípiu Orientadór sira

Programa PNDS nia dezeñu no implementasaun orientadu husi prinsípiu xave tuir mai:

Partisipasaun Komunidade	Komunidade mane, feto no ema ho defisiensia partisipa, jere no responsabiliza ba prosesu hahu husi identifikasaun no desizaun prioridades, planeamentu no implementasaun to'o operasaun no manutensaun
Hamenus kiak	Hadi'ak kondisaun moris, liu-liu ema ki'ak no mukiit sira iha área rurál; kria servisu, hasa'e uma-kain sira-nia rendimentu; no hadi'ak asesu ba atendimentu báziku sira, ba mane, feto no ema ho defisiensia sira.
Bazeia ba comunidade nia ezijénsia	Komunidade sira iha suku determina atividade liu husi prosesu konsulta, ne'ebé ativamente envolve mane, feto ho ema defisiensia sira husi aldeia hotu-hotu iha suku laran.

Jestaun komunitária	Prinsipiu comunidade mak foti desizaun aliña ho kompromisu governu sentrál nian atu apoia dezvoltimentu no kombate pobreza iha área rurál liuhosi desentraliza autóridade.
Igualdade Jéneru no Inkluzau sosial	Garante katak mane, feto no ema ho defisiensia sira iha direitu hanesan iha prosesu foti desizaun kona-ba kestaun dezvoltimentu komunitáriu.
Transparénsia	Demokratiza asesu ba informasaun hodi aseguira membru comunidade hotu fasil asesu ba informasaun kredível hotu-hotu ne'ebe presiza (finansas, tékniku & nst) hodi tulun sira foti (halo) desizaun
Responsabilizasaun	Komprende diak autór sira nia direitu no responsabilidade hodi nune'e bele halao responsabilizasaun (akontabilidade) ne'ebe efikas ba desizaun sira ne'ebe foti ona, fundu ne'ebe utiliza (gasta) ona no obras (projetus) sira ne'ebe harii ona.
Aprendizajen partisipativa	Membru comunidade (feto, mane no ema ho defisiensia sira) tenke envolve iha programa monitorizasaun no avaliasaun hodi nune'e bele hadiak liu tan kualidade implementasaun programa iha futuru no bele habi'it no hametin comunidade sira nia sentidu nain ba programa.
Protesaun ba Meiu Ambiente	Respeita no halo tuir regras no prinsipiu matadalan sira ne'ebé fo protesau ba meiu ambiente

1.2.3. Jéneru no Inkluzau Sosial

PNDS iha komitmentu atu fó apoiu no rekursu espesífiku ba iniciativa asaun afirmativa jéneru no inkluzau sosial nian hodi garante sidadaun hotu-hotu partisipa iha prosesu foti desizaun no iha asesu hanesan ba benefisiu sira ne'ebé PNDS fornese.

Planu Estratéjiku ba Dezenvolvimentu Nasionál define “sosiedade ne'ebé iha igualdade jéneru, ne'ebé iha dignidade umana no feto sira-nia direitu hetan respeito, protesau no promosaun husi ita-nia lei no kultura.” Husi estratéjia sanulu resin ida (11) ne'ebé identifika ona hodi promove igualdade jéneru no inkluzau sosial iha Planu ne'e, iha estratéjia espesífiku rua mak relevante no orienta dezvoltimentu no implementasaun programa PNDS:

Garante integrasaun jéneru hetan promosaun iha governu tomak iha area polítika, programa, prosesu no orsamentu sira. Dezenvolve Polítika, Programa formasaun no lideransa hodi apoia feto no ema ho defisiensia sira atu halo kna'ar foti desizaun nian iha setór públiku no privadu. Estratéjia jéneru no inkluzauun sosiál elabora rekursu no prosedimentu PNDS nian ne'ebé kompremitida atu garante katak feto, mane no ema ho defisiensia sira husi situasaun sósiu-ekonómiku oioin bele: Envolve ho efikásia iha forum foti desizaun sira ne'ebé importante.

Hola parte iha prosesu determina prioridade infraestrutura no hetan benefísiu husi oportunidade foun ne'ebé mai husi infraestrutura ne'ebé comunidade halo rasik. Hetan asesu ba oportunidade empregue ne'ebé programa oferese. Estratéjia ne'e sei hetan revizaun no avaliasaun kada tinan.

Estratéjia jéneru no inkluzauun sosiál ida-ne'e no Planu Asaun ne'ebé inklui orsamentu, ne'ebé inklui mós kapasitasaun ba fasilitadór no ekipa suku sira, garante katak iniciativa programa nian korresponde no fó apoiu ativu ba governu nia enkuadramentu polítika kona-ba igualdade jéneru no inkluzauun sosiál. Estratéjia ne'e identifika no tau matan ba barreira/obstakulu institusionál ne'ebé impede igualdade, no determina insentiva (no sansaun sira) hodi apoia feto sira, no mós ema oioin no grupu marjinalizadu (n.e. ema ne'ebé laiha mobilidade kompleta no ema ho defisiénsia) hodi hetan asesu di'ak liu ba oportunidade sira ne'ebé PNDS fornese.

Pontu referénsia ba estratéjia ida-ne'e mak lisaun sira ne'ebé aprende ona husi programa seluk, esperensia no lisaun aprendizazen husi Organizasaun Sosiedade Sivil (OSS) ne'ebé servisu iha área jéneru no inkluzauun sosiál, no esperiénsia husi PNDS rasik. Programa ne'e haree ba oportunidade atu kolabora no dezenvolve bazeia ba saida mak iha ona ("prátika di'ak" no susesu sira ne'ebé hetan ona). Revizaun kada tinan ba Estratéjia no Planu Asaun permite PNDS atu dezenvolve tan oportunidade sira ne'ebé mosu daudaun no lisaun sira ne'ebé aprende ona.

1.2.4. Kódigu Konduta

Autór hotu-hotu PNDS nian tenke iha hahalok profisionál no étiku hodi garante PNDS bele alkansa nia objetivu sira ho efetivu. Iha nesesidade atu aplika Kódigu Konduta ne'ebé klaru hodi orienta hahalok husi autór sira ne'ebé servisu no envolve iha PNDS.

Funsionáriu publiku hotu-hotu, inklui funsionáriu/a no ajente PNDS, iha obrigasaun legál atu tuir kódigu étika husi Lei Funsauun Públika (Aneksu iha Artigu 45) hanesan tuir mai:

Hahi'i país nia interese superiór, defende independénsia nasional ne'ebé proklama iha 28 Novembru 1975, no respeita Povu Timor-Leste nia valór morál no kulturál. Kumpre lei jerál no espesífiku kona-ba funsaun públika.

Implementa no promove respeito ba direitos umanus, estadu-direitu no prinsípiu democrátiku.

Sai modelu integridade pesoál, autenticidade no onestidade, sempre haka'as an atu kontribui ba funsaun públika nia reputasaun di'ak liuhosi hahalok loroloron ne'ebé exelente.

Serve públiku ho kortezia no dedikasaun, tau interesse públiku aas liu duka interesse privadu ruma.

Halo nia kargu ho kompromisu, inteligénsia no aptidaun, haka'as an atu hadi'ak nia dezempeñu liuhosi formasaun no kursu seluseluk hodi hala'o didi'ak tarefa sira ne'ebé relasiona ho nia pozisaun.

Tuir matadalan no instrusaun ne'ebé superiór sira estabelese legalmente no rejeita instrusaun ka tentativa seluk ruma, husi kualkér entidade ka indivíduu ne'ebé la'ós parte husi administrasaun públika Timor-Leste ne'ebé buka atu influensia ninia asaun ofisiál.

Kumpre lei no hahi'i obrigasaun pesoál, tuir desizaun husi tribunál sira.

Serve públiku sein kualkér diskriminasaun ka intimidasaun, inklui diskriminasaun seksuál, no sein abuzu verbál ka fiziku iha servisu-fatin.

Kontra kualkér ameasa, intimidasaun ka konduta ne'ebé iha intensaun direta ka la direta atu interrompe administrasaun públika Timor-Leste nia misaun.

Esplika loloos nia funsaun, kategoria no natureza ne'ebé relasiona ho ninia kargu iha administrasaun públika Timor-Leste ba ema ne'ebé la'ós parte husi sistema ne'e.

Rejeita kualkér favor, oferta, remunerasaun ka prenda seluk ruma ne'ebé oferese ba nia hodi husu nia halo ka la halo aktu ofisiál ruma.

Kona-ba propriedade ne'ebé pertense ba administrasaun públika Timor-Leste ka informasaun ne'ebé nia hetan enkuantu halo servisu ofisiál, só bele uza propriedade no informasaun ne'e ba atividade ne'ebé relasiona ho nia funsaun ka obrigasaun ofisiál.

Fó-hatene administrasaun públika kona-ba benefisiu diretu ka indiretu ne'ebé nia bele hetan husi atividade lukrativa, negósiu ka empreza tuir nia funsaun ka devér.

Kontribui atu konsolida unidade nasional nu'udar fatór determinante ba Timor-Leste nia desenvolvimentu ekonómiku no sosiál.

PNDS sei adopta Kódigu Konduta komplementár iha okos ne'ebé bandu maka'as hahalok ka asaun sira tuir mai husi funsionáriu/a PNDS no konsultadór sira:

- Foti desizaun, negoseia no promete, ka halo asaun ida ne'ebé hamosu impaktu negativu ba públiku.

- Influenzia (la'ós informa) atividade ne'ebé comunidade sira atu hili.
- Simu prenda, kompensasaun ka komisaun ne'ebé relasiona ho nia kargu iha PNDS, mézmuke nia husu ka la husu, aleinde remunerasaun ne'ebé determina ona iha nia kontratu.
- Sai forneseedor material no ekipamentu, favorese forneseedor partikular, ka sai intermediáriu, mézmuke hetan ka la hetan lukru pesoál.
- Sai kontabilista ka administrador hodi Ekipa Implementasaun Programa (EIP) nia naran ka grupu komunitáriu seluseluk nia naran.
- Kaer fundu subsidiu/osan direta PNDS nian ba kualker razaun.
- Empresta fundu PNDS ba kualker razaun, karik pesoál, família, ka grupu nian.
- Falsifika rejistu, assinatura ka deklarasaun, karik direktamente ka hatene no husik falsifikasaun hanesan ne'e.
- Ho hanoin/neon la relata irreguláridade ka taka irreguláridade ne'ebé akontese.
- Kualker forma asédu seksual ka abuza ka tratamentu ka falta kortezia no respeito ba membru comunidade, kolega servisu no ema seluk.
- Kódigu Konduta sei esplika iha formasaun no detallu liután sei fornese tuir nesiedade hodi orienta no apoia funsionáriu/a sira. Informasaun kona-ba Kódigu Konduta inklui iha funsionáriu/a sira-nia orientasaun no kontratu no disponivel ba ema hotu-hotu bainhira sira husu.

KAPITULU 2

AUTOR NO ESTRUTURA JESTAUN PROGRAMA

2.1. Introdusaun

PNDS koordena no jere husi Sekretariadu Tékniku PNDS ne'ebé tulela ba iha Ministériu Administrasaun Estatál (MAE) no supervizona direta husi Ministru. Sekretariadu Tékniku PNDS representa husi :

- Nivel Rejional - representa husi Delegasaun Sekretariadu Tékniku PNDS Oe-Cusse Ambeno ne'ebé responsabiliza ba implementasaun PNDS iha RAEOA.
- Nivel Suku – estabelese Estrutura Suku (ES) PNDS ne'ebé iha responsabilidade atu asegura partisipasaun comunidade nian iha identifikasaun, akompañamentu, avaliasaun projetu comunidade nian ne'ebé finansia husi orsamentu PNDS.

Sekretariadu Tékniku PNDS lidera husi Sekretáriu Ezekutivu ne'ebé iha responsabilidade atu garante kualidade global implementasaun PNDS nian iha teritoriu tomak. Sekretariadu Tékniku PNDS kompostu husi Diresaun Nasional, haat (4) mak hanesan:

- Diresaun Nasional Administrasaun no Finansas (DNAF)
- Diresaun Nasional Patrimonio no Logistika (DNPL)
- Diresaun Nasional Planeamentu no Implementasaun (DNPI)
- Diresaun Nasional Kapasitasaun, Monitorizasaun no Avaliasaun (DNKMA).

Diresaun sira ne'e nia kna'ar prinsipál mak atu koordena no jere atividade loron-loron programa nian durante siklu implementasaun programa. Funsionáriu/a sira iha PNDS inklui Sekretariadu Tékniku PNDS rekruta liu husi prosesu selesaun ka rekrutamentu nakloke ida ne'ebe jere direktamentu husi Funsan Públika. Enkuantu funsionáriu/a PNDS iha Munisípiu no Postu Administrativu nian mak funsionáriu públiku ne'ebé treinadu no koloka espesifikamente ba Programa ne'e.

GoTL ho apoiu husi parseiru dezvoltimentu sira fó assistensia tékniku iha área kapasitasaun liu husi fo formasaun ba funsionariu/a PNDS sira no fo apoiu tekniku ba implementasaun PNDS iha terenu. Objetivu importante husi assistensia ne'e la'ós atu harii de'it abilidade no kompeténsia hodi implementa programa, maibé atu harii mós baze forte ba kapasidade atu halo jestaun ba dezvoltimentu lokál ne'ebé sustentavel.

Autór xave iha PNDS mak comunidade, konsellu suku, ES-PNDS ne'ebé hetan apoiu fasilitasaun husi estrutura PNDS, partikularmente husi ekipa PNDS Postu, SMA-PNDS no ST-PNDS inklui funsionáriu sira husi Ministériu no entidade relevante seluk.

Sesaun sira tuir mai deskreve knaar no responsabilidade autór sira ne'e inklui autór seluk-seluk husi Governu.

2.2. Autór iha nivel Suku

Autór xave iha implementasaun PNDS mak comunidade ho nia estrutura PNDS suku. Komunitade tomak, mane, feto, ema ho defisiensia no grupu sósiu-ekonómiku oi-oin husi aldeia hotu-hotu, tenke envolve iha planeamentu, implementasaun, operasaun no manutensaun no foti desizaun ba investimentu sira ne'ebé fo benefisiu ba sira.

Estrutura Suku PNDS hanesan komisaun espesial ida, la iha personalidade jurídika, ne'ebé sei harii iha suku ida-idak, husi membru comunidade sira, ho objetivu úniku no eskuzivu atu partisipa iha planeamentu, ezekusaun, akompañamentu no avaliasaun ba implementasaun projetu sira ne'ebé hetan subsidiu husi PNDS. Membru comunidade balu iha suku no aldeia sei eleitu nu'udar estrutura suku hodi hala'o knaar espesifiku PNDS nian iha grupu komunitáriu ka ekipa nu'udar ekipa fasilitadór Suku. Konsellu Suku mós hala'o knaar xave ne'ebé importante tebes iha PNDS, ne'ebé korresponde ho sira-nia knaar ofisial no Estrutura Suku tenke responsabiliza ba comunidade tomak no konsellu Suku.

Komunitade nomeia kandidatu ES liu husi enkontru assembleia Aldeia no membru KPR sei hili ES-PNDS liu husi prosesu eleisaun demokrátiku iha nivel suku tuir kritériu jeral ne'ebé define ona iha matadalan ida-ne'e. Kualkér kritériu selesaun ne'ebé utiliza no rezultadu sira husi eleisaun hotu-hotu tenke dokumenta no tenke tau iha fatin públiku hodi informa ba comunidade.

Estrutura Suku sira inklui:

- Komite Planeamentu Responsabilizasaun (KPR) iha responsabilidade atu halo planu, decide, aprova, fiskaliza no monitoriza atividades PNDS iha jerál no garante katak membru hotu-hotu husi comunidade partisipa ho ativu.
- Ekipa Implementasaun Programa (EIP) - responsabiliza ba jestaun planeamentu no implementasaun projetu PNDS.
- Ekipa Fasilitadór iha responsabilidade atu suporta mobiliza comunidade, habelar informasaun kona-ba atividades PNDS no fasilita enkontru sira iha nivel aldeia no suku.

Komunitade Suku no Aldeia tenke komprende sira-nia direitu no responsabilidade relasiona ho implementasaun PNDS bainhira atividade sira hahu. Enkontru Sosializasaun iha suku sei hahu ho esplikaun no diskusaun kona-ba diretu, responsabilidade no Prinsípiu Orientadór Xave PNDS nian. Konvida entidade seluk hanesan Organizasaun Sosiedade Sivil (OSS) ne'ebé ativu iha area lokál atu partisipa mós iha Enkontru Sosializasaun sira atu komprende kona-ba prosesu implementasaun PNDS no kolabora ho suku hodi asegura implementasaun PNDS tuir matadalan.

Tuir matadalan PNDS, Komunitade tomak (mane, feto no ema ho defisiensia sira) iha direitu atu:

- Partisipa no foti desizaun iha prosesu planeamentu, implementasaun, operasaun no manutensaun.
- Hetan informasaun kona-ba programa – tékniku no finanseiru.
- Utiliza Fundus Subsídriu Suku tuir prosedimentu programa.
- Hato'o keixa, sujestaun, no hetan resposta.
- Hetan benefisiu husi infraestruturá no atendumtu ho kualidade di'ak.

Atu garante direitu komunitade nian iha implementasaun Komite Planeamentu Responsabilizasaun no Xefe Suku iha responsabilidade atu:

- Garante katak ema hotu-hotu iha komunitade bele partisipa, foti desizaun no hetan benefisiu.
- Avalia no identifika prioridades sira kada tinan ho partisipasaun masimu husi komunitade (mane, feto no ema ho defisiensia) sira husi aldeia hotu-hotu. Avaliasaun ne'e rekeztu mandatoriu atu iha asesu ba subsídriu Suku foun.
- Kontribui tempu no rekursu tuir knaar ne'ebé define ona.
- Garante implementasaun la'o tuir prosedimentu no kalendaru implementasaun.
- Asegura relatóriu sira submete tuir tempu determinadu.
- Garante infraestruturá harii tuir planu ne'ebé iha (inklui fiskalizasaun husi ekipa komunitade sira).
- Iha kompromisiu atu garante sustentabilidade infraestruturá liu husi halo jestaun ba operasaun no manutensaun.
- Informasaun kona-ba projetu tenke disponivel ba ema hotu-hotu, (taka ba kuandru avizo Suku).
- Responsabiliza ba utilizasaun fundu Subsídriu Suku liu husi sorumutu akontabilidade no publika informasaun iha kuadru avizu, (SRD no SRI).
- Rezolve kestaun sira ne'ebé bele impede progresu ba implementasaun no sustentabilidade PNDS (ezemplu kestaun kona-ba rai) liu husi kultura nahe biti (tur hamutuk).

Komite Planeamentu Responsabilizasaun no Xefe Suku tenke hatene didiak sira nia direitu no responsabilidade hodi garante jestaun komunitade ne'ebé efikas no sustentavel hodi utiliza Fundu Subsídriu Suku ho transparente no responsabilidade. Implementa mekanizmu efikas ida hodi responde ba keixa ka reklamasaun ne'ebé hato'o husi komunitade sira. Aleinde diskusaun sira iha enkontru regular komunitade nian, utiliza mós media seluk (media imprimi no media eletróniku) hodi garante komunitade tomak iha komprensaun diak kona-ba sira-nia direitu no responsabilidade relasiona ho PNDS.

Tabela 2.A. Autór Komunidade

Rezumu kona-ba Autór Nivel Komunitáriu: Knaar no Responsabilidade	
KOMUNIDADE & AUTORIDADE KOMUNITARIA	KNAAR & RESPONSABILIDADE
Membru comunidade Iha suku hotu-hotu iha Timor-Leste Mane, feto no ema ho defisiensia	• Identifika prioridade Aldeia no Suku • Enkoraza ema seluk atu partisipa. • Monitoriza implementasaun projetu no utilizaun fundu ho maneira transparante ho responsabilizasaun. • Fó kontribuisaun no apoiu ba Operasaun & Manutensaun (O&M). • Partisipa iha monitorizasaun no avaliasaun ba projetu.
Xefe Aldeia	• Lidera sosializasaun no enkontru seluk iha nivel Aldeia. • Enkoraza partisipasaun masímu no ativu comunidade (mane, feto no ema ho defisiensia sira) iha prosesu planeamentu no implementasaun. • Konvoka reuniaun assembleia aldeia hodi identifika proposta kandidatura projectu PNDS • Partisipa no fasilita prosesu identifika, decide no aprova prioridades Aldeia. • Representa Aldeia hodi hola parte iha diskusaun nivel Suku (Estabelese ES-PNDS, decide prioridades no implementasaun) • Rezolve keixa no konflitu iha Aldeia ho justu.
Xefe Suku	• Lidera enkontru iha nivel Suku. • Lidera sosializasaun no enkoraza mane, feto no ema ho defisiensia sira-nia partisipasaun iha Aldeia hotu-hotu. • Partisipa no observa eleisaun demokrátika no inkluzivu ba Estrutura Suku (KPR, EIP no EF). • Aprova no submete lista prioridade Suku ba Posto Administrativo.

- Simu relatóriu husi KPR no karik preziza, foti kestaun ka prekupasaun ne'ebé komunidadade ható'o.
- Fó apoiu ba ES-PNDS hodi relata progresu PNDS ba Assembleia Postu Administrativu.
- Verifika proposta prioridade hodi prevene duplikasaun projetu husi programa seluk.
- Promove grupu operasaun no manutensaun (ezemplu GMF ba bee-mos no grupu sira seluk) no asegura nia funcionamentu tuir planu ne'ebé iha.
- Apoiu rezolve keixa no konfliktu lokál ho justu no transparante.
- Garante koordenasaun, harmonizasaun ho Suku sira seluk tuir nesesidade.
- Regularmente halao monotorizasaun ba implementasaun projeto iha Suku laran

ESPESÍFIKU BA ESTRUTURA SUKU-PNDS

KNAAR & RESPONSABILIDADE

Komite Planeamentu no Responsabilizasaun (KPR) :

- **Prezidente KPR (Komite Planeamentu no Responsabilizasaun)**

- Tau matan ba servisu ekipa implementasaun projetu (EIP) hodi garante serbisu lao tuir planu no matadalan sira.
- Halo fiskalizasaun ba prosesu tomak PNDS nian no asegura katak prosesu sira ne'e bazeia ba matadalan PNDS.
- Asegura implementasaun PNDS tuir matadalan.
- Aprova planu serbisu no relatóriu husi EIP kona-ba implementasaun PNDS.
- Autoriza loke prosedimentu aprovizionamentu, aprova termu referensia no dokumentu ekivalente sira, deside ajudikasaun no asina kontratu sira.
- Koordena ho konsellu Suku etabelese Grupu Operasaun no Manutensaun (GOM), prepara planu O&M no asegura nia funcionamentu tuir planu ne'ebé iha.
- Garante katak komunidadade kompriende sira nia direitu no responsabilidade.

-
- **Sekretáriu/a KPR (*husi konselhu suku*)**
 - Organiza no partisipa iha enkontru comunidade kada Aldeia hodi propoin no klasifika prioridade dezvoltamentu nian ba PNDS.
 - Hato'o lista prioridades Suku no lista proposta projetu Suku ba Xefe Suku hodi verifika no aprova.
 - Koordena ho konsellu Suku hodi organiza eleisaun/re-estrutura ba Estrutura Suku PNDS (ES-PNDS).
 - Monitoriza progresu hodi garante kualidade projetu, inklusaun no transparénsia.
 - Relata progresu planeamentu no implementasaun projetu ba Xefe Suku no Konsellu Suku regularmente .
 - Informa ba Xefe Servisu Lokal Apoiu PNDS Postu Administrativu kona-ba Fasilitadór Postu Administrativu/ekipa sira-nia desempeñu.
 - Garente katak comunidade kompriende sira nia direitu, dever no responsabilidade.
 - Hato'o lista prioridades Suku no lista proposta projetu Suku ba Xefe Suku hodi aprova.
 - Koordena ho membru KPR hodi organiza eleisaun/re-estrutura ba Estrutura Suku (ES-PNDS).
 - Halo distituisaun ba membru EIP wainhira la respeitu kuadrus jurídico iha implementasaun PNDS liu husi enkontru KPR ho prezensa dois tersus (2/3) husi membru KPR, substituisaun ba membru EIP tuir prosedimentu ne'ebe hatur ona iha diploma.
 - Organiza no partisipa iha enkontru comunidade kada Aldeia hodi propoin no klasifika prioridade dezvoltamentu nian ba PNDS.
 - Koordena ho membru KPR hodi organiza eleisaun/re-estrutura ba Estrutura Suku (ES-PNDS).
 - Prepara akta reuniaun atividade KPR.
-

	• Simu relatorio husi EIP hodi submete ba presidente KPR.
Ekipa Fasilitador (EF) ema nain rua (<i>feto ida no mane ida husi comunidade</i>):	• Fasilita enkontru iha nivel Aldeia no Suku. • Fahe informasaun ba Aldeia hotu-hotu. • Promove no apoiu partisipasaun ativu husi fetu no ema ho defisensia sira. • Apoiu mantein Kuadru Avizu Komunitade/Públiku (atrativu, atualizadu, no informativu). • Enkoraza trabalhador sira atu halao sira nia atividade tuir kalendariu ne'ebe defini ona ba ezekusaun projeitu. • Halibur dados konaba implementasaun programa ne'e, liu-liu sira ne'ebe relasiona ho partisipasaun membru comunidade sira nia iha atividade ne'ebe hala'o no benefisiáriu sira husi projeitu ne'ebe ezekuta ka ezekuta hela.
Ekipa Implementasaun Programa (EIP) : • Xefe EIP (Rep. Komunitade).	• Asegura jestaun ba subsidiu sira ne'ebé fó ba Estrutura Suku PNDS, ho supervizaun husi Komité Planeamentu Responsabilidade no ho asisténsia téknika husi Fasilitadór Postu Administrativu. • Asegura preparasaun ba proposta projetu sira, nomeadamente parte sira ne'ebé dezeńha, mapa kuantidade sira, kalendáriu implementasaun projetu no dokumentu sira seluk ne'ebé nesesáriu ba sira-nia instrusaun, ho akompañamentu hosi Komité Planeamentu no Responsabilidade no asisténsia hosi Fasilitadór Postu Administrativu. • Rejistu kandidatu fornecedor no trabalhador sira. • Prepara pedidu ba fornecimentu materiál konstrusaun nian. • Rejistu ba materiál konstrusaun nian ne'ebé prevee ba ezekusaun fizika projetu sira-nian no asegura inventáriu ba materiál no ekipamentu hotu-hotu ne'ebé rai hela. • Partisipa iha enkontru sira ne'ebé ko'alia kona-ba asuntu sira ne'ebé iha relasaun ho

-
- planeamentu no implementasaun PND nian.
 - Apresenta ba Prezidente Komite Responsabilidade relatório ezelesaun fizika no finanseira projetu sira nian.
 - Koordena ho konsellu Suku estabese Grupu Operasaun no Manutensaun (GOM), prepara planu O&M no asegu nia funsionamentu tuir planu ne'ebé iha.
 - Prepara, iha koordensaun ho Konsellu Suku, Planu Operasaun no Manutensaun.
 - Partisipa iha enkontru dala-rua iha Konsellu Suku nian kona-ba responsabilidade, ezelesaun fizika no finanseira projetu sira-nian.
 - Estabese, iha koordensaun ho Konsellu Suku, Grupu Operasaun Manutensaun nian no garante katak nia atividade halao tuir Planu Operasaun no Manutensaun nian.
 - Aranja entrega obra hirak ne'ebé hala'o ona, no mós materiál no ekipamentu ne'ebé restu, ba Konsellu Suku no Grupu Operasaun Manutensaun.
 - Jere planeamentu no implementasaun globál projetu PND (konstrusaun, reabilitasaun, estensaun no manutensaun).
 - Prepara deskrisaun no proposta projetu (dezeñu, POI, orariu implementasaun projetu no dokumentu sira seluk tuir lista revista proposta projetu) ho akompañamentu husi KPA no asistensia husi FPA sira
 - Entrega facilidade, material restu no ekipamentu ba konsellu Suku no GOM.
- **Tezoureiru/a EIP I (*Ofisial Financas Suku*).**
 - Jere subsidiu Suku, hodi Suku nia naran ho supervizaun husi KPR no asistensia tékniku husi FPA.
 - Partisipa iha enkontru sira kona-ba planeamentu no implementasaun PND.
 - Tezoreiru I no II mak ema prinsipal hodi asessu ba konta bancaria PND suku
-

• Tezoureiru/a EIP II (<i>rep. comunidade</i>).	• Tezoreiru I no II mak halo Levantamentu Orsamentu PNDS iha Banku • Halo pagamentu, uza subsídiu ne'ebé depozita iha konta bankária ne'ebé loke espesifikamente ba ida-ne'e, liu husi tezoureiru. • Partisipa iha enkontru akuntabilidade (SRD no SRI) kona-ba ezekeusaun fízika no finanseira projetu PNDS. • Asegura realizaun atividades nesesárias hodi promove ezekeusaun projetus, liu-liu movimentasaun ka levantamentu subsídios ne'ebé depozita iha konta bankária Estrutura Suku-PNDS. • Jere no Prepara relatóriu ezekeusaun finanseira projetu PNDS hetan apoiu husi Tezoreiru I. • Tezoureiru nu'udar ema prinsipál ne'ebé jere osan no prepara relatóriu finansas.
---	--

2.3. Autór iha nivel Postu Administrativu

Autór Postu Administrativu sira mak besik liu ho comunidade sira hodi hala'o kna'ar importante loron-loron nian durante implementasaun siklu PNDS, hahu husi sosializasaun, planeamentu, avaliasaun téknika, formasaun, supervizaun ba konstrusaun no jestaun finanseira, akompañamentu, monitorizasaun no avaliasaun.

Autór Postu Administrativu sira fasilita prosesu no fó apoiu ba comunidade atu nune'e ema barak bele partisipa ativu no komprende di'ak kona-ba prinsípiu orientadór sira, no kontinua fó apoiu ba comunidade hodi hasa'e sira nia abilidade no kapasidade.

Tabela 2.B. Autór Postu Administrativu

Rezumu kona-ba Autór sira iha Nivel Postu Administrativu - Knaar no Responsabilidade	
AUTÓR GOVERNU SIRA SELUK IHA NIVEL POSTU ADMINISTRATIVU	KNAAR & RESPONSABILIDADE

Servisu Lokal ba Planeamentu no Dezenvolvimentu Local (SLPDL)	• Simu lista proposta comunidade husi ES-PNDS. • Apoiu Administradór Postu Administrativu hodi disemina informasaun kona-ba PNDS iha Postu Administrativu. • Analisa no elabora informasaun ruma konaba Implementasaun PNDS iha Nivel Suku. • Kontribui ba ezekusaun projeitu sira ne'ebe mak tama iha proposta hodi mellora kualidade moris comunidade. • Halo aliñamentu ba ezekusaun projeitu ho opsoens no solusaun husi planemantu no Dezenvolvimentu komunitaria nomos Dezenvolvimentu Munisipal liu-liu iha area Postu Administrativu nian. • Koordena komunikaun di'ak ho representante sira husi ajénsia setorál sira hodi rezolve kestaun sira ne'ebé relasiona ho apoiu ba Operasaun no Manutensaun (O&M). • Garante katak comunidade nia prioridade sira ne'ebé determina liu husi PNDS hetan konsiderasaun iha revizaun no planeamentu PDIM no governu nia programa dezenvolvimentu sira seluk. • Simu relatóriu kona-ba progresu implementasaun PNDS bainhira presiza. • Apoiu Fasilitadór Postu Administrativu PNDS sira-nia servisu.
Administradór Postu Administrativu (APA)	• Partisipa sosializasaun PNDS iha nivel Munisípiu. • Konvoka reuniaun assembleia Postu hodi diskuti lista proposta prioridade Suku. • Lidera enkontru regulár Assembleia Postu Administrativu nian. • Asegura prioridade no proposta projetu ne'ebé Suku sira apresenta liu husi PNDS responde ba nesesidades Suku no aliña ho planu dezenvolvimentu Postu Adminitrativu. • Fó informasaun ba PAM kona-ba atualizasaun lista sasán no facilidades sektoral PNDS nian inklui planu utilizasaun no jestaun

	• Fasilita koordenasaun ho autór relevante sira iha área dezinvovimentu iha Postu Administrativu, inklui Organizasaun Sociedade Sivil sira no representante husi programa parseiru dezinvolvimentu sira. • Fahe informasaun importante, inklui fó-sai iha fatin públiku. • Apoiu rezolve problema no keixa sira husi comunidade. • Aprova lista prezensa ba funsionáriu/a Postu Administrativu.
FUNSIONÁRIU/A POSTU ADMINISTRATIVU PNDS	KNAAR & RESPONSABILIDADE
Fasilitadór Sosiál Postu Administrativu (FSPA-PNDS)	• Asegura comunidade asesu ba informasaun ho lolós, transparente no akontabilidade relasiona ho implementasaun PNDS. • Fasilita treinamentu no halo akompañamentu ba Estrutura Suku - PNDS hodi planu, implementa no monitorizasaun partisipativu. • Garante katak comunidade komprende sira nia direitu no responsabilidade relasiona ho implementasaun PNDS. • Halao vizita regulár (monitorizasaun) ba Suku hodi fó apoiu jerál no fasilita prosesu implementasaun tuir matadalan PNDS. • Fasilita enkontru comunidade no enkoraja feto no ema ho defisiensia sira atu envolve ativu iha implementasaun PNDS. • Apoiu rezolve no dokumenta reklamasaun ka keixa sira, bazeia ba sistema responde keixa PNDS. • Prepara relatóriu progresu mensál (partisipasaun, jestaun keixa, verifikasaun dadus sosial, nst). • Partisipa enkontru regulár PNDS iha Postu Administrativu no Munisípiu. • Kumpre Kódigu Konduta (atu evita konfliktu interesse) no Kódigu Etika funsaun publiku nian.

	Hala'o knaar ka atividade seluk tuir orientasaun superiór hodi prienxe objetivu PNDS.
Fasilitadór Tékniku Postu Administrativu (FTPA-PNDS)	- Dezenvolve planu serbisu mensál/ no oráriu ne'ebé iha (planu viajen) aliña ho implementasaun programa ne'ebé efetivu. - Fasilita comunidade sira (feto, mane no ema ho defisiensia) atu hetan asesu ba nesesidade no prioridade infraestrutura nian, no hasa'e sira-nia abilidade atu konstrui rasik (no mantein) infraestrutura suku la ho kompania sira. - Fasilita comunidade sira atu prepara proposta, inklui levantamentu dados, dezeńu no orsamentu (konsidera kestaun sira kona-ba asesibilidade, O&M) no prepara oráriu implementasaun. - Suporta no facilita mobilizasaun comunidade no prosesu aprovizionamentu. - Supervizona no orienta konstrusaun projetu comunidade. - Fo treinamentu EIP kona-ba dezeńu, konstrusaun, jestaun implementasaun no materia sira seluk ne'ebé relevante. - Apoiou KPR no konsellu Suku estabeselese ekipa operasaun no manutensaun inklui treinamentu kona-ba operasaun no manutensaun. Presiza koordena ho setór relevante (ezemplu be'e-mos ba SMASA, nst). - Servisu ho tékniku Munisípiu no Postu Administrativu sira seluk inklui Ofisiál Tékniku SMASA, Ministériu Agrikultura no Peska nia Ofisiál Estensaun Postu nian, Ministériu Obras Públika nia enjeñeiru rejionál sira no ajensia relevante sira seluk hodi fó apoiu ba Projetu Suku. - Monitoriza no relata kona-ba kestaun téknika no hala'o sertifikasaun ba obras ne'ebé harii ona no partisipa iha sosialisasaun, SRD no SRI. - Vizita suku hodi monitoriza funksionamentu obras PNDS anterior sira no fo tulun ba GOM tuir nesesidades.

	• Servisu nu'udar ekipa ida ho Fasilitadór Postu Administrativu sira seluk, no fó apoiu nesesáriu ba malu. • Partisipa enkontru regulár PNDS iha Postu Administrativu no Munisípiu. • Halao vizita regulár ba suku hodi fó apoiu Tékniku ba prosesu implementasaun tuir matadalan PNDS. • Kumpre Kódigu Konduta PNDS no Kódigu Etika funsaun publiku nian. • Hala'o knaar ka atividade seluk tuir orientasaun superiór hodi prienxe objetivu PNDS.
Fasilitadór Finansas Postu Administrativu (FFPA-PNDS)	• Dezenvolve planu serbisu mensál/ no oráriu ne'ebé iha (planu viajen) aliña ho implementasaun programa ne'ebé efetu. • Fó apoiu ba estrutura Suku hodi planeia, utiliza no responsabiliza fundu operasionál no infraestrutur ne'ebé simu tiha ona. • Fo treinamentu no sai mentór ba ekipa implementasaun programa, liu-liu tezoureiru/a EIP kona-ba jestaun finanseira, prosesu aprovizionamentu no halo relatóriu. • Halao vizita regulár ba Suku hodi fó apoiu tékniku ba prosesu jestaun finanseiru tuir matadalan PNDS. • Halo monitorizasaun finansas kada fulan ba Suku sira hotu iha postu administrativu. • Garante katak comunidade sira iha komprensaun klaru kona-ba prosesu jestaun finanseiru no aprovizionamentu. • Serbisu hamutuk ho KM hodi rekonsilia deklarasaun bankária. • Halo sertifikasaun finansas antes SRD. • Suporta tezoureiru/a EIP hodi prepara relatóriu ba SRD no SRI. • Servisu nu'udar ekipa ida ho Fasilitadór Postu Administrativu sira seluk, no fó apoiu nesesáriu ba malu. • Partisipa enkontru regulár PNDS iha Postu Administrativu no Munisípiu.

-
- Kumpre Kódigu Konduta PNDS no Kódigu Etika Funsan Publiku nian.
 - Hala'o knaar ka atividade seluk tuir orientasaun superiór hodi prienxe objetivu PNDS.
-

2.4. Autór iha nivel Munisípiu

Servisu Apoiu Munisipál ba Nasionál Dezenvolvimentu Suku ne'e, Autoridade nia servisu Munisípiu ne'ebé nia misaun atu asegura apoiu tékniku no administrativu ba Prezidente Autoridade Munisipál, ba órgaun no servisu sira seluk husi Autoridade Munisipál iha planeamentu, ezekeusaun no avaliasaun ba implementasaun Programa Nasionál Dezenvolvimentu Suku nian.

Autór sira iha nivel Munisípiu tau matan ba servisu sira hotu iha Postu Administrativu no Suku. Sira nia responsabilidade prinsipál mak atu garante koordenasaun, fornese apoiu tékniku ho kualidade no monitorizasaun hodi garante partisipasaun comunidade, kualidade konstrusaun no utilizasaun fundus ho transparente no responsavel, inklui prepara dados no relatóriu regulár hodi submete ba Autoridade Munisipal no Sekretariadu Tékniku PNDS tuir tempu determinadu liu husi Sistema Jestaun Informasaun. Ekipa PNDS Munisípiu sira sei ajuda hodi rezolve kazu no problema sira ne'ebé difisil liu husi utiliza Sistema Atendementu Keixas programa nian.

Ekipa PNDS Munisípiu serbisu hamutuk ho Presidente Autoridade Munisípiu (PAM), no setór relevante sira ne'ebé iha Munisípiu (Saúde, Edukasaun, Agrikultura, Obras publiku, nst), no liu husi ST-PNDS haforsa komunikasaun ho liñas ministeriais sira iha nivel Nasionál (MAE no MF) hodi garante subsídiu Suku transfere ba konta bankária Suku tuir tempu determinadu.

Liu husi sorumutu koordenasaun hanesan Konsellu Koordenasaun Munisipál no Konsellu Konsultivu Munisipál, funionáriu PNDS iha Munisípiu sei garante autór lokál sira iha área Dezenvolvimentu (Governu, organizasaun sosiedade sivil, no parseiru dezenvolvimentu sira) hetan komprensaun di'ak kona-ba PNDS, haforsa koordenasaun hodi suporta implementa PNDS. Iha tempu hanesan fahe informasaun kona-ba prioridades Suku ne'ebé boot no kompleksu ne'ebé labele implementa liu husi PNDS.

Liu husi monitorizasaun regulár, autór sira iha nivel Munisípiu sei identifika, tau matan no relata progresu no problema ne'ebé presiza atensaun liután husi Autoridade Munisipal no Sekretariadu Tékniku PNDS.

Diretór Servisu Munisipál Apoiu PNDS (DSMA-PNDS) asegura funsionariu sira hala'o sira nia knaar ho efikas no profesional. Diretór SMA-PNDS sira hetan asistensia husi Sekretáriu Ezekutivu no Diresaun Nasional haat.

Tabela 2.C. Autór Munisípiu

Rezumu kona-ba Autór sira iha Nivel Munisípiu - Knaar & Responsabilidade	
AUTÓR GOVERNUN SIRA SELUK IHA NIVEL MUNISÍPIU	KNAAR & RESPONSABILIDADE
Konselhu Konsultivu Munisipal (KKM)	Diskuti informasaun husi servisu munisipal PNDS no propoin alterasaun tenke aprova ho votu maoria
Konsellu Koordenasaun Munisipal (KKM)	- Aprova relatóriu progresu sira kona-ba fíziku no aspetu finanseiru hosi planu investimentu munisipál no projetu sira ne'ebé finansia liuhosi Programa Nasionál ba Dezenvolvimentu husi Suku sira, hafoin rona assembleia postu administrativu sira, no hatama sira, liu husi Prezidente Autoridade Munisipál, ih membru Governu responsável ba administrasaun estadu; - Aprova proposta ba projetu sira ne'ebé atu hetan subsídiu, liuhosi Programa Nasionál ba Dezenvolvimentu Suku nian (PNDS), iha área munisípiu nian; - Simu relatóriu regulár husi PAM kona-ba progresu implementasaun PNDS.
Prezidente Autoridade Munisipal (PAM)	- Nu'udar lideransa masimu no representa governu sentral iha Munisípiu. - Lidera enkontru regulár ba Konsellu Konsultivu Munisipal no Konsellu Koordenasaun Munisipal. - Garante no lidera sosializasaun PNDS nia prinsípiu no prosesu sira iha nivel Munisípiu. - Garante koordenasaun no harmonizasaun entre programa oi-oin iha Sekretariu Munisipal Planeamentu Infraestrutura Dezenvolvimentu (SMPID) nia okos, no ho iniciativa dezenvolvimentu lokál sira seluk. - Koordena no garante komunikasaun di'ak no rezolve kestaun sira ne'ebé relasiona ho jestaun patrimóniu no fornimentu apoiu ba Operasaun no Manutensaun husi ajénsia sektorál sira.

- Submete lista final projectu PNDS aprovado husi Konseihu Koordenasaun munisipal ba Secretariu Ezekutivu ST.PNDS
- Ajuda hodi tau matan ba problema ka reklamasaun sériu, inklui hirak-ne'ebé envolve transferénsia ka utilizasaun fundus, no ható'o problema/reklamasaun ne'e ba autóridade nasional tuir nesesidade.
- Fasilita koordenasaun ho ministériu sektorál sira ba atividade dezinvovimentu sira hotu ne'ebé relevante hodi garante apoiu kontinua ba supervizaun téknika no kustu Operasaun no Manutensaun (O&M).
- Garante atu fahe informasaun importante, inklui fó-sai iha fatin públiku.
- Ho delegasaun husi Ministru MAE, Asina kontrato subvensaun publiku, akordu implementasaun projetu no pedido transferénsia.


FUNSIONÁRIU/A MUNISÍPIU PNDS	KNAAR & RESPONSABILIDADE
Diretór Servisu Munisipál Apoiu PNDS (DSMA-PNDS)	• Responsavel masimu ba planu no implementasaun PNDS iha nivel Munisípiu. • Halo komunikasaun no koordenasaun ne'ebé efektivu ho Sekretariadu Tékniku PNDS, Prezidente Autoridade Munisípiu no autór desenvolvimentu sira seluk. • Garante implementasaun programa tuir prosesu no planu servisu anuál PNDS nian, inklui relata problema no solusaun sira ba ST-PNDS. • Garante no tane aas valores no prinsípiu implementasaun PNDS. • Servisu ho Prezidente Autoridade Munisípiu no Sekretáriu Munisípiu hodi harmoniza atividades PNDS ho programa desenvolvimentu sira seluk (ezemplu PDIM). • Desenvolve no fiskaliza implementasaun PNDS inklui supervizona ekipa Munisípiu nia planu servisu mensál/ kalendáriu vizita Suku; ne'ebé sei utiliza nu'udar instrumentu atu halo relatóriu no monitoriza dezempeñu. • Halo vizita regulár no intensivu ba tereñu, halo inspesaun ba prosesu planeamentu comunidade no jestaun ho atensaun partikulár ba feto, ema ho defisiensia no grupu marjinalizadu sira seluk nia partisipasaun no transparénsia.

	• Organiza enkontru regulár ho ekipa Munisípiu no Postu Administrativu hodi koalia kona-ba progresu, revee planu serbisu tuir nesesidade no relata problema ho nia solusaun sira. • Konsolida no entrega relatóriu kada fulan ba Sekretariadu Tékniku PNDS, no fó kópia ba Prezidente Autoridade Munisípiu. • Garante kualidades dadus JSI atualizadu regularmente iha aplikasaun sistema jestaun informasaun PNDS. • Partisipa iha enkontru koordenaun nasionál no dezenvolve matadalan no rezolve kestaun sira tuir instrusaun. • Konsolida relatóriu administrativa mensál hodi submete ba PAM no Sekretáriu Ezekutivu PNDS. • Kumpre Dekretu-Lei no Diploma Ministerial sira hotu husi Governu kona-ba Administrasaun no Jestaun Rekursu Umanu. • Sempre komporta-an ho nivel aas liu hotu nu'udar funsionáriu públiku exelente no kumpre devér jerál no espesífiku, nomós Kódigu Konduta ba funsionáriu públiku ne'ebé aneksa ba dokumentu ne'e. • Kumpre Kódigu Konduta PNDS no Kódigu Etika funsaun publiku nian. • Hala'o knaar ka atividade seluk tuir orientasaun superiór hodi prienxe objetivu PNDS.
Enjeñeiru Munisípiu PNDS (EM-PNDS)	• Hala'o akompañamentu téknika, treinamentu no orientasaun ba Fasilitadór Tékniku Postu Administrativu (FTPA) sira. • Halo levantamentu dadus kona-ba folin sasan (material lokal no fabrikadu) iha Postu Administrativu no Munisípiu ne'ebé atualizadu, apropriadu no disponivel pelumenus tinan ida dala tolu. • Verifika dezeñu no POI Projetu Suku inklui nia revizaun sira tuir prosedimentu ne'ebé iha. • Prepara relatóriu kada fulan kona-ba aspetu tékniku husi progresu implementasaun iha Munisípiu tomak, bazeia ba dadus husi Fasilitadór Tékniku Postu Administrativu sira. • Servisu ho ofisial SJI Munisípiu hodi atualiza dadus Tékniku (Deskrisaun Projetu, Progresu fíziku, nst). • Halo vizita regulár ba tereñu, monitoriza qualidade infraestrutura ne'ebé harii dau-daun, inspesaun ba

	funsonamentu infraestrutura ne'ebé harii ona inklui O&M bainhira presiza. • Halo sertifikasaun ba projetu ne'ebé atinje ona 100% hodi fo sai lista defeitu ka sertifikadu kompletasaun no aseitasaun. • Koordena ho setór relevante ka servisu delegasaun teritoriál Munisipál sira hanesan SMASA, BTL E.P. no Diresaun relevante sira seluk hodi hala'o supervizaun no verifikasaun conjunta, harmoniza projetu atu evita duplikasaun, no asegura suporta ba operasaun no manutensaun ne'ebé presiza. • Apoio ba auditoria/avaliasaun tékniku finál. • Apoio FTPA sira hodi mobiliza traballadór no aprovizionamentu nomos fo treinamentu ba membru EIP no KPR tuir nesesidade. • Kumpre Kódigu Konduta PNDS no Kódigu Etika funsaun publiku nian. • Hala'o knaar ka atividade seluk tuir orientasaun superiór hodi prienxe objetivu PNDS.
Kontabilista Munisípiu PNDS (KM-PNDS)	• Hala'o akompañamentu téknika, treinamentu no orientasaun ba Fasilitadór Finansas Postu Administrativu (FFPA) sira. • Halo monitorizasaun intensiva ba utilizaun no responsabilizasaun ba subsidiu Suku (Fundus Infraestrutura no Operasionál), inklui inspesaun regulár ba livru kontabilidade projetu Suku nian (no kuadru avizu públiku). • Hamutuk ho EM fo kuinesimentu ba Tezoreiru I no Tezoreiru II foti osan iha banku tuir prosedimentu ne'ebé iha. • Apoio revee relatóriu finanseiru mensál Postu Administrativu nian no kolabora ho oficial SJI Munisípiu. • Apoio ekipa Postu Administrativu sira hodi prepara dokumentus ne'ebé nesesáriu atu transfere Fundu Subsidiu. • Apoio ekipa Postu Administrativu no esturutura suku PNDS sira hodi halo rekonsiliaun ba Konta Bankária Suku tuir nesesidade. • Halo ligasaun ho Sukursál Banku Nasionál Kómersiu Timor-Leste Munisípiu hodi garante servisu ne'ebé efisiente, identifika no rezolve problema ka atrazu ruma. • Fiskaliza aprovizionamentu comunidade no pagamentu ba fornecedor sira liu husi inspesaun/kontrolu.

	• Apoiu FFPA sira fo formasaun ba ES-PNDS tuir nesesidade. • Partisipa no apresenta progresu serbisu iha enkontru regulár PNDS Munisípiu nian. • Kumpre Kódigu Konduta PNDS no Kódigu Etika funsaun publiku nian. • Halao knaar ka atividade seluk tuir orientasaun superiór hodi prienxe objetivu PNDS.
Ofisiál Jestaun Sistema Informasaun PNDS Munisípiu (OJSI- PNDS)	• Garante katak dados husi relatóriu mensal hetan verifikasaun no entrega iha tempu determinadu, hare liu-ba no hadia problema ka inkonsisténsia ruma, no hatama dados ba SJI iha tempu determinadu. • Fó formasaun no apoiu periódiku ba Fasilitadór Postu Administrativu no ekipa Munisípiu kona-ba halibur, análise no hatama dados. • Fó komentáriu kona-ba problema ho dados ka garante katak dados ne'e tranzmite ho lalais. • Fó relatóriu Munisípiu bazeia ba SJI ba autór PNDS sira no Administradór Munisípiu / Presidente Autoridade Munisipiu liu husi Diretór SMA-PNDS. • Fó apoiu atu verifika no análise dados (ba Enkontru Koordinasaun Mensál, relatóriu, no pedidu husi Konsellu Koordinasaun Munisípiu no ninia Xefe, Administradór Munisípiu / Presidente Autoridade Munisípiu). • Ajuda ho pedidu sira seluk hanesan padraun dezeńu ne'ebé uza komputadór, deklarasaun finanseira, pájina website, relatóriu SMS, arkiva keixa, arquivu dokumentus nst tuir nesesidade. • Relata diretamente ba xefe DSMA-PNDS, ho apoiu supervizaun téknika ba Espesialista SJI Nasionál no Espesialista Monitorizasaun no Avaliasaun (M&A) iha Sekretariadu Tékniku PNDS. • Partisipa no apresenta progresu serbisu iha enkontru regulár PNDS Munisípiu kada fulan. • Kumpri Sekretariadu PNDS nia Kódigu Konduta no Kódigu Etika funsaun publiku nian • Hala'o knaar ka atividade seluk tuir orientasaun superiór hodi prienxe objetivu PNDS

ESTRUTURA PROGRAMA NASIONAL DEZENVOLVIMENTU SUKU – Autoridade Munisipiu 12



Rezumu kona-ba Autór sira iha Nivel Autoridade Administrativa Atauro - Knaar & Responsabilidade

AUTÓR GOVERNU SIRA SELUK IHA

NIVEL AUTORIDADE ADMINISTRATIVA

ATAURO

KNAAR & RESPONSABILIDADE

Agencia Planeamentu /Departamentu Dezenvolvimentu Suku PNDS

- Simu proposta husi suku hodi kompila hamutuk lista final submete ba Presidente Autoridade Administrativa
- Promove implementasaun fizika no finaceira ba projectu PNDS
- Elobora relatoriu regular sobre ezekusaun projectu PNDS
- Promove fiskalizasuan no avalizasaun projectu PNDS

Konselhu Jeral	• Diskuti informasaun husi Departamentu Dezenvolvimentu Suku PNDS no propoin alterasaun ba PAAA • Aprova lista final proposta suku PNDS ho votus maioria, 15 afavor • Aprova relatóriu progresu sira kona-ba fiziku no aspetu finanseiru hosi planu investimentu Atauro no projetu sira ne'ebé finansia liu hosi Programa Nasionál ba Dezenvolvimentu husi Suku. • Simu relatóriu regulár husi PAAA kona-ba progresu implementasaun PNDS.
Prezidente Autoridade Administrativa Atauro (PAAA)	• Nu'udar lideransa masimu no representa governu sentral iha Atauro. • Lidera enkontru regulár ba Konsellu Jeral. • Garante no lidera sosialisasaun PNDS nia prinsípiu no prosesu sira iha nivel Atauro. • Koordena no garante komunikasaun di'ak no rezolve kestaun sira ne'ebé relasiona ho PNDS no fornecimentu apoiu ba Operasaun no Manutensaun husi ajénsia sektorál sira. • Submete lista projectu PNDS husi Departamentu Dezenvolvimentu Suku PNDS ba verifikasaun konformidade husi ST-PNDS • Submete lista final projectu PNDS aprovado husi Konselhu Jeral ba Secretariu Ezeutivu ST-PNDS • Ajuda hodi tau matan ba problema ka reklamasaun sériu, inklui hirak-ne'ebé envolve transferénsia ka utilizasaun fundus, no hatu'o problema/reklamasaun ne'e ba autóridade nasional tuir nesesidade. • Fasilita koordenaun ho ministériu sektorál sira ba atividade dezinvolvimentu sira hotu ne'ebé relevante hodi garante apoiu kontinua ba supervizaun téknika no kustu Operasaun no Manutensaun (O&M). • Garante atu fahe informasaun importante, inklui fó-sai iha fatin públiku. • Ho delegasaun husi Ministru MAE, asina kontrato subvensaun publiku, akordu implementasaun projetu no pedido transferensia.

Enjeñeiru PNDS Atauro


- Hala'o akompañamentu téknika, treinamentu no orientasaun ba ES-PNDS.
- Halo levantamentu dados kona-ba folin sasan (material lokal no fabrikadu) iha Atauro ne'ebé atualizadu, apropriadu no disponivel pelumenus tinan ida dala tolu.
- Verifika dezeńu no POI Projetu Suku inklui nia revizaun sira tuir prosedimentu ne'ebé iha.
- Prepara relatóriu kada fulan kona-ba aspetu tékniku husi progresu implementasaun iha Atauro tomak, bazeia ba dados husi ES – PNDS Suku.
- Servisu ho ofisial SJI atu atualiza dados Tékniku (Deskrisaun Projetu, Progresu fíziku, nst).
- Halo vizita regulár ba tereñu, monitoriza qualidade infraestrutura ne'ebé harii dau-daun, inspesaun ba funsionamentu infraestrutura ne'ebé harii ona inklui O&M bainhira presiza.
- Halo sertifikasaun ba projetu ne'ebé atinje ona 100% hodi fo sai lista defeitu ka sertifikadu kompletasaun no aseitasaun.
- Koordena ho servisu autoridade relevante sira, hodi hala'o supervizaun no verifikasaun conjunta, harmoniza projetu atu evita duplikasaun, no asegura suporta ba operasaun no manutensaun ne'ebé presiza.
- Apoiu ba auditoria/avaliasaun tékniku finál.
- Apoiu prosesu mobiliza traballadór no aprovizionamentu nomos fo treinamentu ba ES-PNDS
- Kumpre Kódigu Konduta no Kódigu Etika funsaun publiku nian.
- Hala'o knaar ka atividade seluk tuir orientasaun superiór hodi prienxe objetivu PNDS.

Kontabilista PNDS Atauro

- Hala'o akompañamentu téknika, treinamentu no orientasaun ba ES-PNDS.
- Halo monitorizasaun intensiva ba utilizaun no responsabilizasaun ba subsidiu Suku (Fundus Infraestrutura no Operasionál), inklui inspesaun regulár ba livru kontabilidade projetu Suku nian (no kuadru avizu públiku).
- Hamutuk ho Engineru fo kapasitasaun ba Tezoreiru I no Tezoreiru II foti osan iha banku tuir prosedimentu ne'ebé iha.
- Apoiu reeve relatóriu finanseiru mensál ES-PNDS nian no kolabora ho ofisial SJI.

	• Apoiu ekipa ES-PNDS sira hodi prepara dokumentus ne'ebé nesesáriu atu transfere Fundu Subsídriu. • Apoiu ekipa ES-PNDS hodi halo rekonsiliasaun ba Konta Bankária Suku tuir nesesidade. • Halo ligasaun ho Sukursál Banku Nasionál Kómersiu Timor-Leste Atauro hodi garante servisu ne'ebé efisiente, identifika no rezolve problema ka atrazu ruma. • Fiskaliza aprovizionamentu comunidade no pagamentu ba fornecedor sira liu husi inspesaun/kontrolu. • Partisipa no apresenta progresu serbisu iha enkontru regulár PNDS Atauro. • Kumpre Kódigu Konduta no Kódigu Etika funsaun publiku nian. • Halao knaar ka atividade seluk tuir orientasaun superiór hodi prienxe objetivu PNDS.
Ofisiál Jestaun Sistema Informasaun PNDS Atauro (OJSI- PNDS)	• Garante katak dados husi relatóriu mensal hetan verifikasaun no entrega iha tempu determinadu, hare liu-ba no hadia problema ka inkonsisténsia ruma, no hatama dados ba SJI iha tempu determinadu. • Fó komentáriu kona-ba problema ho dados ka garante katak dados ne'e tranzmite ho lalais. • Apresenta relatoriu regular ba Departamentu Dezenvolvimentu suku PNDS. • Fó apoiu atu verifika no análise dados (ba Enkontru Koordinasaun Mensál, relatóriu, no pedidu husi Konsellu Jeral no PAAA. • Ajuda ho pedidu sira seluk hanesan padraun dezeńu ne'ebé uza komputadór, deklarasaun finanseira, pájina website, relatóriu SMS, arkiva keixa, arkiva dokumentus nst tuir nesesidade. • Kumpri Kódigu Konduta no Kódigu Etika funsaun publiku nian • Hala'o knaar ka atividade seluk tuir orientasaun superiór hodi prienxe objetivu PNDS.

ESTRUTURA PROGRAMA NASIONÁL DEZENVOLVIMENTU SUKU – Autoridade Administrativa Atauro



Rezumu kona-ba Autór sira iha Nivel Autoridade RAEOA - Knaar & Responsabilidade

AUTÓR GOVERNUN SIRA SELUK IHA NIVEL AUTORIDADE RAEOA

KNAAR & RESPONSABILIDADE

Diretur Regional Oucuse Ambeno PNDS (DROA-PNDS)


- Ezekuta Programa Nasionál Dezenvolvimentu Suku iha Rejiaun Administrativa Oe-Cusse Ambeno;
- Define no koordena apoiu tékniku no administrativu ne'ebé sei fó ba Estrutura Suku sira Programa Nasionál Dezenvolvimentu Suku nian, iha koordenasaun ho Sekretariadu Tékniku Programa Nasionál Dezenvolvimentu Suku nian;
- Formula proposta ba projetu sira ne'ebé atu hetan subsídiu husi Programa Nasionál Dezenvolvimentu Suku nian no apresenta ba Sekretáriu Ezekutivu Sekretariadu Tékniku Programa Nasionál Dezenvolvimentu Suku nian;

	• Promove ezelesaun fízika no finanseira ba projetu sira ne'ebé finansia husi Programa Nasionál Dezenvolvimentu Suku; • Promove fiskalizaun no avaliasaun ba ezelesaun projetu sira ne'ebé finansia husi Programa Nasionál Dezenvolvimentu Suku iha Rejiaun Administrativa Oe-Cusse Ambeno; • Prepara relatóriu kona-ba evolusaun ezelesaun fízika projetu sira ne'ebé finansia liuhosi Programa Nasionál Dezenvolvimentu Suku; • Iha responsabilidade atu hala'o knaar sira ne'ebé hatuur iha artigu 18 Diploma Ministerial n° 19/2024, loron 6 fulan-marsu nian, nune'e mós hala'o knaar ka atividade sira seluk ne'ebé determina hosi lei, regulamentu ka husi superiór.
Enjeñeiru PNDS RAEOA	• Hala'o akompañamentu téknika, treinamentu no orientasaun ba Fasilitador Postu Administrativu. • Halo levantamentu dados kona-ba folin sasan (material lokal no fabrikadu) iha Munisipiu ne'ebé atualizadu, apropriadu no disponivel pelumenus tinan ida dala tolu. • Verifika dezeńu no POI Projetu Suku inklui nia revizaun sira tuir prosedimentu ne'ebé iha. • Prepara relatóriu kada fulan kona-ba aspetu tékniku husi progresu implementasaun iha RAEOA tomak, bazeia ba dados husi Fasilitador Postu Administrativu. • Servisu ho ofisial SJI atu atualiza dados Tékniku (Deskrisaun Projetu, Progresu fíziku, nst). • Halo vizita regulár ba tereñu, monitoriza qualidade infraestrutura ne'ebé harii dau-daun, inspesaun ba funksionamentu infraestrutura ne'ebé harii ona inklui O&M bainhira presiza. • Halo sertifikasaun ba projetu ne'ebé atinje ona 100% hodi fo sai lista defeitu ka sertifikadu kompletasaun no aseitasaun. • Koordena ho servisu autoridade relevante sira, hodi hala'o supervizaun no verifikasaun conjunta, harmoniza projetu atu evita duplikasaun, no asegura suporta ba operasaun no manutensaun ne'ebé presiza. • Apoiu ba auditoria/avaliasaun tékniku final.

	• Apoiu prosesu mobiliza traballadór no aprovizionamentu nomos fo treinamentu ba Fasilitador Postu Administrativu • Kumpre Kódigu Konduta no Kódigu Etika funsaun publiku nian. • Hala'o knaar ka atividade seluk tuir orientasaun superiór hodi prienxe objetivu PNDS.
Kontabilista PNDS RAEOA	• Hala'o akompañamentu téknika, treinamentu no orientasaun ba Fasilitador Postu Administrativu. • Halo monitorizasaun intensiva ba utilizasaun no responsabilizasaun ba subsídiu Suku (Fundus Infraestrutura no Operasionál), inklui inspesaun regulár ba livru kontabilidade projetu Suku nian (no kuadru avizu públiku). • Hamutuk ho Fasilitador Financas fo kapasitasaun ba Tezoreiru I no Tezoreiru II foti osan iha banku tuir prosedimentu ne'ebé iha. • Apoiu revee relatóriu finanseiru mensál ES-PNDS nian no kolabora ho ofisial SJI. • Apoiu ekipa Fasilitador Financas sira hodi prepara dokumentus ne'ebé nesesáriu atu transfere Fundu Subsídiu. • Apoiu ekipa Fasilitador Financas hodi halo rekonsiliasaun ba Konta Bankária Suku tuir nesesidade. • Halo ligasaun ho Sukursál Banku Nasionál Kómersiu Timor-Leste RAEOA hodi garante servisu ne'ebé efisiente, identifika no rezolve problema ka atrazu ruma. • Fiskaliza aprovizionamentu comunidade no pagamentu ba fornecedor sira liu husi inspesaun/kontrolu. • Partisipa no apresenta progresu serbisu iha enkontru regulár PNDS Atauro. • Kumpre Kódigu Konduta no Kódigu Etika funsaun publiku nian. • Halao knaar ka atividade seluk tuir orientasaun superiór hodi prienxe objetivu PNDS.
Ofisiál Jestaun Sistema Informasaun PNDS RAEOA (OJSI- PNDS)	• Garante katak dados husi relatóriu mensal hetan verifikasaun no entrega iha tempu determinadu, hare liu-ba no hadia problema ka inkonsisténsia ruma, no hatama dados ba SJI iha tempu determinadu.

- Fó komentáriu kona-ba problema ho dadus ka garante katak dadus ne'e tranzmite ho lalais.
- Apresenta relatoriu regular ba Departamentu Dezenvolvimentu suku PNDS.
- Fó apoiu atu verifika no análiza dadus (ba Enkontru Koordinasaun Mensál, relatóriu, no pedidu husi Konsellu Jeral no PAAA.
- Ajuda ho pedidu sira seluk hanesan padraun dezeñu ne'ebé uza komputadór, deklarasaun finanseira, pájina website, relatóriu SMS, arkiva keixa, arquivu dokumentus nst tuir nesesidade.
- Kumpri Kódigu Konduta no Kódigu Etika funsaun publiku nian
- Hala'o knaar ka atividade seluk tuir orientasaun superiór hodi prienxe objetivu PNDS.

ESTRUTURA PROGRAMA NASIONAL DEZENVOLVIMENTU SUKU – RAEOA



2.5. Autór iha nivel Nasionál

Sekretariadu Tékniku PNDS mak suporta tekniku, iha elaborasaun kandidatura ba financiamentu PNDS nian nomos ezelesaun ba projeitus iha area Munisipio ida-idak. Kapasitasaun tekniku no formasaun pesoal ba jesatun no implementasaun projietu. Asistensia ba mobiliazasaun rekursu finanseiru no lojistika nesesariu ba ezelesaun projeitus. Asistensia iha organizasaun no realizasaun reuniaun KKM I no II iha asembleia Postu Administrativu tuir ordem servisu ba diskusaun ou deliberaun relasiona ho asuntu implementasaun PNDS.

Sekretariadu Tékniku PNDS lidera husi Sekretáriu Ezekutivu ida no hetan apoiu husi Diresaun Nasionál haat (4) no Departamentu sira no Secsaun sira kada Diresaun Nasionál sei kria liu husi Diploma Ministerial husi Ministeriu Adminitrasaun Estatal ho konformidade Dec. Lei Nu.25/2016, 29 Junu alterado ba Dec. Lei Nu.7/2024, 24 Janeiro, no Dekretu Governu PNDS Nu.1/2025, 22 Janeiro.

Diresaun iha Sekretariadu Tékniku PNDS.

- Diresaun Nasionál Administrasaun no Finansas (DN-AF)
Diresaun ida ne'e lidera husi Diretór Nasionál ida ne'ebé iha responsabilidade atu asegura apoiu tékniku no administrativu iha área finansas no administrasaun jerál, rekursus umanus no jestaun dokumentasaun.
- Diresaun Nasionál Patrimonio no Lojístika (DN-PL)
Diresaun ida ne'e lidera husi Diretór Nasionál ida ne'ebé iha responsabilidade ba jestaun patrimonio, Logistika, teknologia informasaun no komunikasaun.
- Diresaun Nasionál Planeamentu no Implementasaun (DN-PI)
Diresaun ida ne'e lidera husi Diretór Nasionál ida ne'ebé iha responsabilidade atu asegura apoiu tekniku no administrativu iha area planeamento implementasuan projectu PNDS.
- Diresaun Nasionál Kapasitasaun Monitorizasaun no Avaliasaun (DN-KMA)
Diresaun ida ne'e lidera husi Diretór Nasionál ida ne'ebé iha responsabilidade atu asegura apoiu tékniku no administrativu iha área kapasitasaun rekursu humanu no servisu sira ne'ebe involve iha implementasaun PNDS, Monitorizasau no Avaliasaun ba kualidade projectu sira ne'ebe hetan subsidu liu husi programa PNDS.

Knaar no responsabilidade detallu ba Diresaun ida ne'e haree iha tabela 2D.

Tabela 2D. Autór Nasionál

Rezumu kona-ba Autór sira iha Nivel Nasionál - Knaar & Responsabilidade	
AUTÓR GOVERNU IHA NIVEL NASIONÁL	KNAAR & RESPONSABILIDADE
Tezoureira (Ministériu Finansas)	- Garante alokasaun no transferénsia fundu tuir tempu determinadu ba konta bankária Suku no "rejista fundu hirak-ne'e" iha sistema Free Balance. - Halo koordinasaun iha nivel nasionál ho Banco Nacional de Comércio de Timor-Leste (BNCTL) relaciona ho kestaun dezempeñu sobre konta bankária Suku. - Garante katak iha auditoria esterna no akompañamentu ba rezultadu sira, no publika rezultadu sira.
JESTAUN SEKRETARIADU TÉKNIKU PNDS	KNAAR & RESPONSABILIDADE
Sekretáriu Ezekutivu ST-PNDS	- Define enkuadramentu prinsipál programa PNDS nian. - Propoin, sujere no apresenta proposta política no regulamentu ne'ebé presiza ba desenvolvimentu atividades PNDS. - Kria, desenvolve no mantein Sistema Jestaun Informasaun (SJI) ne'ebé bele rekolla, análiza no desimina dados no informasaun ne'ebé relevantes ba PNDS. - Elabora relatóriu periódika kona-ba asaun husi avaliasaun impaktu. - Halo peskiza, konsulta no estudu sira. - Asegura ezekeusaun ne'ebé diak kona-ba finansiamentu no orsamentu ne'ebé alokadu ba PNDS. - Prepara planu asaun anuál ho nia orsamentu sira. - Asegura koordinasaun ho parte relevantes husi Ministériu Administrasaun Estatal, nomos Komisaun Funsan Publiku kona-ba jestaun rekursu umanu ba pesoal sira ne'ebé koloka ba PNDS. - Garante armonizasaun, integrasaun no objetivu ne'ebé hanesan, matadalan programa, atividade no projetu sira ne'ebé finansia husi PNDS ho sira ne'ebé define husi

	programa governamentál, rejionál ka munisipál sira kona-ba dezvoltamentu lokál no rurál. • Fo apoiu administrativu no lojístiku ba PNDS. • Estabelese no mantein sistema jestaun ba sasan no ekipamentus ne'ebé utiliza husi PNDS. • Asegura kualidade konstrusaun projetu infraestrutura ki'ik sira ne'ebé iha interese kolektivu, projetu abitasaun sosiál no konservasaun, manutensaun no reparasaun ne'ebé harii ho finansiamentu husi PNDS. • Dezenvolve estratéjia desiminaun no infromasaun PNDS nian liu husi koordenaun ho entidade relevante Ministeriu Adminstrasaun Estatal nian. • Apresenta relatóriu atividades trimestráil nian ba entidade relevante sira. • Fo apoiu tékniku, material no lojístika ba Administrasaun Munsípiu, Autoridade Munisípiu sira no estrutura PNDS Suku. • Organiza no mantein lista atualizadu iha Nasionál kona-ba estrutura PNDS suku. • Kumpre Kódigu Konduta no Kódigu Etika funsaun públiku nian. • Halao knaar seluk ne'ebé fo sai legalmente ka determina liu husi Ministeriu Adminstrasaun Estatal.
Diresaun Nasional Administrasaun no Finanzas	
Diretór Nasional Administrasaun & Finanzas (DNAF)	• Asegura jestaun dokumentál ba prosesu administrativu sira ne'ebé hala'o hosi órgaun ka servisu Sekretariadu Tékniku Programa Nasionál Dezenvolvimentu Suku nian; • Asegura ezisténsia sistema distribuiaun documental internal ST-PNDS no distribuiaun postal ba komunikasoens husi orgauns servisu sira; • Asegura koordenaun administrativa entre ST-PNDS ho Komisaun Funsan Públika iha ámbitu jestaun rekursu umanu; • Prepara informasaun, relatóriu, pareser no proposta desizaun kona-ba nesesidade ST-PNDS nian, kona-ba rekursu umanu; • Organiza prosesu sira kona-ba destakamentu ka transferénsia funsionáriu públiku no ajente administrasaun públika nian hodi hatán ba nesesidade

	rekursu umanu ST-PNDS nian, iha koordinasaun ho servisu administrativu relevante sira seluk; • Organiza prosesu progresaun karreira ka promosaun funsionáriu públiku sira ne'ebé hala'o sira-nia servisu profisionl ida-idak iha ST-PNDS; • Organiza no promove prosesamentu prosesu sira ba kontratasaun traballadór sira ba períodu termu sertu (determinadu) no garante legalidade no regularidade ba prosedimentu kontratasaun nian; • Prepara proposta ba mapa férias anuál ba rekursu umanu ne'ebé preta atividade profisionál iha ST-PNDS; • Organiza prosesu sira avaliasaun dezempeñu profisionál rekursu umanu nian ne'ebé presta atividade profisionál iha ST-PNDS nian, iha koordinasaun ho servisu relevante sira seluk; • Garante kriaun, jestaun, konservasaun no seguransa ba arkivu ativu no arkivu inativu Sekretariadu Tékniku Programa Nasionál Dezenvolvimentu Suco nian; • Prepara proposta ba planu asaun anual ba ST-PNDS, proposta sira ba alterasaun nian no relatóriu ezelesaun • Prepara proposta orsamentu anuál ba ST-PNDS proposta sira ba alterasaun nian no relatóriu ezelesaun • Prepara proposta sira ba autorizasaun hodi hala'o despesa no garante ninia legalidade no regularidade; • Garante ezisténsia arkivu kontabilístiku ba ST-PNDS • Hala'o kna'ar ka atividade seluk tan ne'ebé determina tuir lei, tuir regulamentu ka husi superior.
Diresaun Nasionál Parrimonio no Lojístika	
Diretór Nasionál Património no Lojístika (DNPL)	• Asegura manutensaun, konservasaun no limpeza ba bens imóveis ne'ebé instaladu iha servisu Sekretariadu Tékniku Programa Nasionál Dezenvolvimentu Suku nian; • Kria, jere no mantein atualizadu inventáriu patrimóniu móveis Estadu nian ne'ebé liga ba órgaun no servisu Sekretariadu Tékniku Programa Nasionál Dezenvolvimentu Suco nian; • Informa ba servisu públiku relevante sira kona-ba patrimóniu móveis ne'ebé hetan hosi Sekretariadu Tékniku Programa Nasionál Dezenvolvimentu Suku nian;

-
- Asegura ligasaun entre Sekretariadu Tékniku Programa Nasionál Dezenvolvimentu Suku nian no servisu públiku sira ne'ebé relevante ba operasalizaun prosedimentu sira ba realokasaun ka alienasaun patrimóniu móveis Estadu;
 - Asegura kriasaun no jestaun ba sistema jestaun ida ba frota veikulu Estadu nian ne'ebé liga ba Sekretariadu Tékniku Programa Nasionál Dezenvolvimentu Suku nian ho kontrolu ba identidade utilizadór veikulu nian, períodu uzu veikulu sira nian, distánsia sira ne'ebé veikulu ne'e kobre, konsumu kombustível veikulu ida-idak nian, estadu konsersasaun veikulu ida-idak nian no número oras manutensaun ka reparasaun veikulu ida-idak nian;
 - Kria no mantein rejistu atualizadu ida kona-ba ekipamentu informátiku, *software* no lisensa *software* nian, ne'ebé jere husi ST-PNDS, no mós rejista operasaun faan nian, oho ka destruisaun ba patrimóniu sira, expirasaun ka renovasaun lisensa *software* ka informátika nian;
 - Asegura funcionalidade no manutensaun periódika ba ekipamentu informátiku no *software* ne'ebé jere husi ST-PNDS;
 - Promove instalasaun no manutensaun no halo jestaun ba servidor *hosting* dados informatizadu husi orgaun no servisu Sekretariadu Tékniku Programa Nasionál Dezenvolvimentu Suco nian;
 - Promove instalasaun, garante funcionalidade no jere rede intranet Sekretariadu Tékniku Programa Nasionál Dezenvolvimentu Suco;
 - Dezenvolve no habelar informasaun kona-ba regra no prátika di'ak sira ba utilizaun konta eletróniku institusionál Sekretariadu Tékniku Programa Nasionál Dezenvolvimentu Suku nian, no mós utilizaun internet;
 - Asegura seguransa no integridade ba dados eletróniku husi órgaun no servisu Sekretariadu Tékniku Programa Nasionál Dezenvolvimentu Suku no komunikaun informátika no eletrónika;
 - Jere *website* Sekretariadu Tékniku Programa Nasionál Dezenvolvimentu Suco nian iha internet no iha mídia sosiál;
-

-
- Hala'o kna'ar ka atividade seluk tan ne'ebé determina tuir lei, tuir regulamentu ka husi superior.
-

Diresaun Nasional Planeamentu no Implementasaun

Diretór Nasional Planeamentu & Implementasaun (DNPI)

- Fó apoiu ba servisu relevante sira hosi Autoridade Munisipál sira iha elaborasaun planu anuál aprovizionamentu ba estrutura suku PNDS nian;
 - Fó apoiu ba servisu Autoridade Munisipál sira-nian iha supervizaun ba implementasaun efetiva programa nian tuir planeamentu ne'ebé estabese liu hosi Sistema Jestaun Informasaun (SIG);
 - Apoia servisu sira Autoridade Munisipál sira-nian iha fiskalizaun ba jestaun finanseira projetu sira-nian no hala'o auditoria informál no periódika ba prosedimentu sira ba selesaun prioridade investimentu nian, ezekusaun fízika no finanseira obra subsidiada sira-nian no relatóriu;
 - Dizemina liu hosi servisu Autoridade Munisipál sira padraun qualidade no dezeńu konstrusaun projetu sira-nian, depende ba tipolojia respetiva sira, no fó apoiu ba servisu sira-ne'e iha koordenasaun asaun supervizaun no verifikasaun nian iha fatin ho liña ministeriál sira;
 - Apoia téknikamente ba servisu Autoridade Munisipál sira nian iha jestaun kontratu públiku ka kontratu subsidiu no implementasaun, ne'ebé adjudika iha âmbito implementasaun lokál PNDS nian;
 - Fó apoiu ba servisu Autoridade Munisipál sira nian iha kriaun no jestaun ba sistema monitorizasaun ba keixa ka reklamasaun sira relasiona ho ezekusaun fízika ka finanseira ba projetu sira ne'ebé hetan subsidiu iha PNDS ka qualidade obra sira ne'ebé hala'o ona, nune'e mós fó resposta no solusaun ba sira;
 - Fó apoiu ba Autoridade Munisipál sira iha atividade koordenasaun no kolaborasaun ho departamentu governu nian ne'ebé iha ligasaun ba setór sira ne'ebé elejível ba konsesaun subvensaun públika iha âmbito PNDS;
 - Organiza no garante ezekusaun medida, atividade no asaun apoiu tékniku no administrativu ba Autoridade Munisipál no Autoridade Administrativa Ataúro nian, iha âmbito planeamentu no ezekusaun PNDS nian;
-

- Hala'o funsaun sira seluk ne'ebé Diresaun Nasionál Avaliasaun, Formasaun no Monitorizasaun identifika nu'udar útil, hodi alkansa objetivu sira PNDS nian;
- Hala'o kna'ar ka atividade seluk tan ne'ebé determina tuir lei, tuir regulamentu ka husi superior.

Diresaun Nasionál Kapasitasaun, Monitorizasaun no Avaliasaun

Diretór Nasionál Kapasitasaun, Monitorizasaun no Avaliasaun (DNKMA)

- Dezenvolve planu nasional formasaun ba servisu Autoridade Munisipál sira no Autoridade Administrativa Ataúro nian ba implementasaun lokál PNDS nian;
- Hala'o atividade formasaun no kapasitasaun ne'ebé prevee ona iha planu ne'ebé temi iha alínea anteriór;
- Prepara manuál sira no instrumentu apoiu sira seluk ba Autoridade Munisipál sira no Autoridade Administrativa Ataúro nian ba implementasaun lokál PNDS nian;
- Prepara relatóriu periódiku sira ne'ebé avalia kapasidade servisu Autoridade Munisipál sira no Autoridade Administrativa Ataúro nian ba implementasaun lokál PNDS nian;
- Fó apoiu ba Autoridade Munisipál sira no Autoridade Administrativa Ataúro nian iha elaborasaun planu monitorizasaun no avaliasaun ba projetu sira ne'ebé hetan subsídiu hosi PNDS;
- Fó apoiu tékniku ba Autoridade Munisipál sira no ba Autoridade Administrativa Ataúro nian hodi hala'o atividade monitorizasaun no avaliasaun ba projetu sira ne'ebé hetan subsídiu hosi PNDS;
- Halo avaliasaun no monitorizasaun ba projetu sira PNDS nian bazeia ba informasaun ne'ebé apresenta husi servisu Autoridade Munisipál sira no Autoridade Administrativa Ataúro nian, jere Sistema Jestaun Informasaun (SIG) no prepara relatóriu progresu nasional sira;
- Elabora informasaun, relatóriu no pareser sira kona-ba evolusaun ezelesaun projetu sira ne'ebé hetan subsídiu hosi PNDS, bazeia ba dados ne'ebé ható'o husi Autoridade Munisipál sira no Autoridade Administrativa Ataúro;
- Elabora informasaun, relatóriu no pareser sira, bazeia ba dados ne'ebé transmite hosi Autoridade Munisipál sira no Autoridade Administrativa Ataúro nian, kona-ba impaktu hosi projetu sira ne'ebé hetan subsídiu iha PNDS iha prosesu desenvolvimentu komunitáriu;

-
- Prepara informasaun, relatóriu no opiniaun sira kona-ba adekuasaun área sira ne'ebé bele hetan benefísiu hosi subvensaun públika hodi promove dezvoltamentu komunitáriu;
 - Hala'o kna'ar ka atividade seluk tan ne'ebé determina tuir lei, tuir regulamentu ka husi superior.
-

KAPITULU 3

SIKLU IMPLEMENTASAUŃ PROGRAMAMA

3.1 Siklu Programa PNDS

Siklu Implementasaun Programa Nasionál Dezenvolvimentu Suku (PNDS) kompostu husi etapa no 46iagram ab lubuk ida ne'ebé utiliza abordajen komprovada ba Dezenvolvimentu ne'ebé kondúz husi comunidade rasik no mós esperiênsia iha Timor-Leste ho programa seluk hanesan Programa Dezenvolvimentu Lokál (PDL), Programa Dezenvolvimentu Desentralizadu (PDD), Planu Dezenvolvimentu Integradu Munisípiu (PDIM) no esperiênsia sira husi nasaun seluk. Siklu implementasaun programa PNDS haktuir mos normas nebee hatuur ona iha diploma ministerial 46iagram aba kompetente ba programa PNDS. Etapa sira iha siklu implementasaun ida ne'e nia lalaok no ezekusaun sei lidera husi Estrutura Suku PNDS. Siklus implementasaun programa kompostu husi Sosializasaun, Planeamentu, Kontratu konsesaun subsidiu, no Implementasaun, ne'ebé bele haree iha diagrama iha kraik ne'e:

SOSIALIZASAUŃ (Janeiru – Fevereiru)		Etapa 1	Sosializasaun Nivel Munisipiu
		Etapa 2	Estabelese no Formasaun ba Estrutura Suku (ES)
PLANEAMENTU (Fevereiru – Abril)		Etapa 3	Prosedimentu Identifikasaun, Planeamentu ho Selesaun ba Projetu PNDS
KONTRATU KONSESAUN SUBSIDIU (Abril – Maiu)		Etapa 4	Prepara Proposta Projetu Komunitade (PPK)
		Etapa 5	Selebra Kontratu Subvensaun
			Públiku (KSP) no Akordu Implementasaun Projetu (AIP)
IMPLEMENTASAUŃ (Maiu – Setembru)		Etapa 6	Mobilizasaun traballadór, aprovizionamentu no hahuu Konstrusaun
		Etapa 7	Sertifikasaun dahuluk, Sorumutu Responsabilizasaun Dahuluk (SRD)
			Etapa 8 Sertifikasaun ikus, Sorumutu Responsabilizasaun Ikus (SRI)

Siklu Implementasaun Programa PNDS aliñadu no armonizadu ho GoTL nia planu no prosedimentu sira, no programa sira seluk, ho objetivu atu apoiu dezvoltamentu infraestrutura krítika no servisu públiku iha comunidade.

Etapa walu (8) iha Siklu Implementasaun Programa PNDS bazeia ba prosesu sira hanesan preparasaun avalia nesesidade, determina prioridade sira, planeamentu no validasaun ba projetu, no implementasaun, avaliasaun, operasaun no manutensaun.

Autór sira ne'ebé importante liu hotu iha PNDS mak comunidade rasik no sira 47iagram kontrolu tomak ba avaliasaun, desizaun, planeamentu, implementasaun no rezultadu. Siklu implementasaun PNDS kompostu husi etapa walu ne'ebé estabese ona ho sistemátiku no simples hodi permite, facilita no apoiu membru hotu-hotu iha comunidade atu envolve an ka partisipa iha prosesu. Etapa hirak-ne'e enkoraza no fó oportunidade ba comunidade atu partisipa ativa iha prosesu hodi identifika nesesidade, determina prioridade, asaun planeamentu no implementasaun hodi hadi'ak comunidade sira nia asesu ba infraestrutura báziku no atendimentu públiku liu husi subsídiu Suku. Prosesu no rezultadu sira ne'e mós iha intensaun atu kontribui liu tan ba oportunidade dezvoltamentu iha Suku no Aldeia sira.

Siklu Implementasaun Programa PNDS mós integra salvaguarda iha etapa sira hodi promove transparénsia, responsabilizasaun, reforsa inklusaun no igualidade jéneru ne'ebé kontribui ba dezvoltar governasaun di'ak.

Importante tebes atu halo facilidadesaun efikáz no fó apoiu ba formasun hodi kapasita comunidade no apoiu kada etapa iha Siklu Implementasaun Programa.

3.2. Deskrisaun Jerál kona-ba Atividade/Etapa sira iha Siklu Implementasaun Programa

ETAPA/ATIVIDADE	REZUMU KONA-BA ASAUN PRINSIPAL
Etapa 1. Sosializasaun Nivel Munisípiu	Objetivu prinsipál husi sosializasaun Munisípiu mak atu fahe informasaun importante PNDS nian ba parseiru sira iha Munisípiu no Postu Administrativu liu-liu kona-ba PNDS nia objetivu, prinsipiu, prosedimentu, siklu implementasaun, menu indikativu, orsamentu, no mudansa polítika sira inklui mós 47iag parseiru no setorál sira nian, hodi nune'e fó apoia ba Suku sira ezerse sira-nia

	direitu no responsabilidade durante implementa atividade PNDS.
	Partisipantes Sosializasaun Munisípiu sei inklui membru Komisaun Koordenasau Munisípiu, Administrasau Munisípiu, serbisu munisípiu, ministériu relevante, representante husi partidu polítiku, Organizasaun Sosiedade Sivil sira ne'ebé relevante no ajénsia seluk-seluk ne'ebé servisu iha Munisípiu.
Etapu 2. Estabelese no Formasaun ba Estrutura Suku	Depois sosializasaun sei hala'o eleisaun ba comunidade ne'ebé nomeia ona husi kada Aldeia atu hala'o 48iag iha membru Estrutura Suku (ES). Membru konsellu Suku sei nomeia sira nia membru ida 48iagram a 48iagram hanesan 48iagram a KPR. Hafoin sei hili tan membru ES sira seluk sira seluk, exeptu Tezoreiru I, nebee sei asumi husi ofisial finansas administrasau suku. Iha tinan tuir mai, sei la halo tan ona eleisaun ba ES maibe halo deit prosesu re-estrutura ES karik iha membru ruma mate, resigna an ka la ativu ona. Re-estrutura ba ES bele akontese iha tinan nia laran ka kada tinan wainhira iha identifikaun no provas katak membru ES balun la ativu iha servisu, komete fraude no erru seluk tan nebee la tuir ona matadalan implementasaun. Fasilitadór Postu Administrativu sira sei fó formasaun ba Ekipa Jestaun Suku sira ho asisténsia husi ekipa sira husi PNDS Munisípiu. Formasaun ne'e atu fó abilidade 48iagram aba48ve no téknika ne'ebé nesesáriu ba Ekipa Jestaun Suku sira hodi implementa no jere atividade PNDS.

	Objetivu;husi formasaun ne'e mak atu dezenvolve Ekipa Jestaun Suku sira- nia abilidade no kapasidade ho nune'e 49iagram a hetan abilidade 49iagram aba49ve no téknika ne'ebé nesesáriu hodi planeia, implementa, jere, halo avaliasaun no mantein projetu Subsídium Suku nian ho didi'ak, no mós apoia inkluzsaun membru hotu – hotu iha comunidade no garante transparénsia, responsabilizasaun. Formasaun ba comunidade sei akontese durante siklu implementasaun programa, tuir nesesidade.
Etapa 3. Prosesu Identifikasaun, Planeamentu ho Selesaun ba Projetu PNDS.	Objetivu husi etapa ida nee mak atu organiza comunidade iha Aldeia sira atu tuur hamutuk hodi halo mapamentu no diskute kona-ba prioridade sira ne'ebé Aldeia presiza atu implementa no propoin ba Suku hodi define hanesan prioridade Suku nian. Kada Aldeia sei submete sira nia prioridade (inklui prioridade feto nian) ba Suku hodi determina hanesan prioridade Suku nian. Partisipasaun comunidade iha deit durante sorumutu determinasaun prioridade nivel Aldeia nian. Prosesu tuir mai mak kompetensia husi autoridade lokal, autoridade postu no autoridade munisipiu ho nia membru sira analiza no verifica prioridade hotu-hotu antes halao selesaun final.
Etapa 4. Prepara Proposta Projetu Komunitade (PPK).	Objetivu husi etapa ida ne'e mak suku atu dezenvolve sira nia Proposta Projetu Komunitade (PPK) ba prioridade rua (2) nebee aprovalu ona iha Minutas Aprovasaun husi konsellu suku, no sei finansia liu husi PNDS. Prioridade rua (2) ne'e sei hetan verifikasaun

	no desenvolve ba iha Planu Orsamentu Implementasaun (POI) tuir alokasaun subsidiu Suku iha tinan atual.
Etapa 5. Selebra Kontratu Subvensaun Públiku (KSP) no Akordu Implementasaun Projetu (AIP).	Prosesu final husi etapa 1 maka selebra Kontratu Konsesaun Subvensaun Publika (KSP) nebee hetan autorizasaun no outorga husi ministru administrasaun estatal. Asina KSP sei selebra husi ES, representa husi Presidente KPR ho PAM. Objetivu husi selebra Kontratu Subvensaun Públiku maka atu hahuu prosesu transferensia fundus, nomos fo dalan ba Estrutura Suku loke prosesu aprovizionamentu ba material no servisu sira ba implementasaun konstrusaun projetu nebee finansia husi PNDS. Iha etapa no momentu nebee hanesan ES continua kedan ho asina Akordu Implementasaun Projetu (AIP) ho Presidente Autoridade Munisipiu ba implementasaun projetu PNDS.
Etapa 6. Mobilizasaun Traballador, Aprovizionamentu no hahuu Konstrusaun.	Objetivu husi etapa ida ne'e mak ES mobiliza comunidade hodi identifika kandidatu traballador (feto, mane no ema ho defisiénsia) sai servisu nain ba projetu Suku, konkordansia ba taxa-insentivu ho pagamentu no metodu servisu ne'ebé atu aplika. ES atu prepara planu aprovizionamentu hodi defini pakote materiál, metodu aprovizionamentu no defini forneseedor atu fornese materiál konstrusaun. Halo planu kompras no fornese materiál ba projetu no hahú konstrusaun. Identifika no dokumenta kontribuisaun comunidade (partisipasaun iha servisu ka fornese sasan/materiál).

Etapa 7. Sertifikasaun Dahuluk, Sorumutu
Responsabilizasaun Dahuluk (SRD)

Ekipa PNDS Postu Administartivu (FPA) halo verifikasaun ba relatóriu finansas no avaliasaun ba kualidade konstrusaun tuir padraun PNDS, no fó sai Sertifikadu Aseitasaun.

Hala'o Sorumutu Responsabilizasaun Dahuluk (SRD) comunidade nian, ES relata rezultadu utilizaun fundus 50% dahuluk (Gastus kontra Progresu Orsamentu no progresu fiziku) inklui partisipasaun no kontribuisaun comunidade.

Aseitasaun comunidade ba relatóriu EIP iha sorumutu, hodi utiliza 50% fundus infraestrutur daruak.

Etapa 8. Sertifikasaun Ikus, Sorumutu
Responsabilizasaun Ikus (SRI)

Hanesan etapa finál iha siklu implementasaun PNDS, ES sei konklui sira nia servisu hotu inklui relatóriu gastu, kompleta konstrusaun 100%.

Objetivu mak:

Ekipa PNDS Munisípiu (EM no KM) verifica relatóriu finansas no avaliasaun kualidade konstrusaun tuir padraun PNDS. Fó sai sertifikadu kompletasaun no aseitasaun. Hala'o Sorumutu Responsabilizasaun Ikus, ES relata rezultadu utilizaun fundus (gastus kontra progresu orsamentu no progresu fiziku) inklui partisipasaun no kontribuisaun comunidade.

Aseitasaun comunidade, entrega obra no planu Operasaun no Manutensaun (O&M).

Depois SRI remata, EIP ho ekipa PNDS Postu Administrativu sei koordena ho Kontabilista Munisípiu/Nasionál hodi prepara Dokumentu FF 15 – hodi taka (desativa) temporariu Suku nia

konta bankária infraestrutura, loron 7 (hitu)
bainhira SRI remata.

Diagrama Etapa sira iha Siklu Programa PNDS



Diagrama Prosedementu Identifikasaun, Planeamentu no Selesaun Projektu Infrastrutura Ki'ik Koletiva ne'ebe hetan Subsidiu husi PNDS. DM Nu.19/2024, 06 Marsu.

Diagrama ba 12 Munisipiu;




Diagrama ba Autoriedade Administrativa Atauro;





Diagrama ba Autoridade RAEOA;



Deskrisaun Detalhu Etapa Sira iha Siklu Implementasaun Programa

Etapa 1. SosIALIZASAUN NIVEL MUNISIPIU

Siklu implementasaun PNDS hahú uluk ho prosesu planeamentu ne'ebé sei hala'o liu husi prosesu determinasaun prioridade no prepara proposta projetu comunidade hodi hetan aprovasaun husi KKM no aprovasaun husi membru governu responsavel husi área Administrasaun Estatál. Atu garante prosesu implementasaun ne'ebé di'ak, etapa ka pasu importante ida mak hala'o sosIALIZASAUN iha nivel Munisípiu hodi fahe informasaun ba autór prinsipál, parseiru no setór importante sira hodi kumpriende di'ak kona-ba PNDS no bele hafasil liu tan liña koordinasaun entre setór sira no comunidade sira iha Suku.

Sekretariadu Tékniku PNDS sei prepara oráriu anuál ba sorumutu sosIALIZASAUN iha Munisípiu sira hamutuk ho Prezidente Autoridade Munisípiu, Administradór Postu Administrativu sira, Xefe Suku sira, setór relevante no ONG sira. Dadus kona-ba númeru partisipante no sira-nia jéneru iha kada sorumutu sei kolekta liu husi 'lista prezensa ida' no dadus ne'e (númeru/persentajen) sei hatama iha Jestaun Informasaun PNDS (JI-PNDS).

Sorumutu sosializasaun no koordinasaun ne'e sei inklui apresentasaun no diskusaun kona-ba:

- Deskrisaun jerál kona-ba PNDS
- Prinsípiu xave PNDS.
- Siklus Implementasaun PNDS
- Oráriu Implementasaun Anuál
- Mudansa Política Implementasaun PNDS (karik iha)
- Asuntu Jéneru, Defisiénsia no Inklusaun sosiál.
- Menu Indikativu PNDS ka Atividade ne'ebé PNDS bele halo
- Orsamentu anuál PNDS.
- Papél & Responsabilidade Autór prinsipál sira nian.
- Prosedimentu Jestaun Keixa no sansaun bainhira uza autóridade ka fundu ho maneira la loos.

Iha sorumutu sosializasaun Munisípiu ne'e sei inklui avaliasaun ba prosesu tinan anteriór nian, hodi diskute kona-ba: progresu implementasaun, número projetu, utilizaun orsamentu, partisipasaun no kontribuisaun comunidade no asuntu seluk.

- **Autór Sira Iha Sosializasaun Munisípiu**

Partisipantes ba Sosializasaun Munisípiu sei inklui membru Konsellu Koordinasaun Munisipal, PAM, ministériu relevante, Xefe Suku sira no ONG sira ne'ebé relevante no ajénsia sel-seluk ne'ebé servisu iha Munisípiu.

- **Avaliasaun Anuál**

Iha sorumutu sosializasaun Munisípiu nia rohan sei halo mós avaliasaun jerál ida kona-ba implementasaun PNDS ba tinan kotuk nian. Iha prosesu avaliasaun jerál ne'e sei kolia kona-ba asuntu importante sira hanesan tuir mai ne'e:

- Número projetu ne'ebé konstrui ona, número projetu ne'ebé funsiona ho di'ak no número projetu ne'ebé la funsiona ka ladun funsiona ho di'ak. Inklui mós número projetu sira ne'ebé presiza halo manutensaun.
- Partisipasaun comunidade (feto, mane no Ema ho Defisiénsia).
- Orsamentu Suku.
- Kontribuisaun comunidade.
- Jestaun keixa.

Etapas 2. Estabelese no Formasaun ba Estrutura Suku PNDS

Definisaun ES-PNDS (DM 73/2024, 11 Dezembru)

Estrutura suku PNDS hanesan komisaun espesial ida, la iha personalidade juridika, ne'ebé sei harii iha suku ida-idak, husi membru comunidade, ho objetivu uniku no eskuzivu atu partisipa iha planeamentu, ezekeusaun, akompaniamentu no avaliasaun ba ezekeusaun projetu sira ne'ebé hetan subsidiu husi PNDS.

Estabelese Estrutura Suku PNDS

Iha momentu depois sosialisasaun munisipiu remata tuir mai estabesimentu ba Estrutura Suku PNDS (ES-PNDS). Estabelese ES nudar etapa inisiu antes hahuu prosedimentu identifikasaun, planeamentu ho selesaun ba projetu PNDS. Estrutura Suku tenki iha ona molok celebra Kontratu Subvensaun Publiku (KSP) ho Akordu Implementasaun Projetu (AIP). Estrutura Suku PNDS sei diriji no representa husi representante Estrutura Suku. Membru Estrutura Suku kompostu husi unidade tolu mak hanesan, Komite Planeamentu & Responsabilizasaun (KPR), Ekipa Implementasaun Programa (EIP), no Ekipa Fasilitadores, Kompozisaun membru kada unidade hanesan tuir mai:

1. Komite Planeamentu & Responsabilizasaun
 - Prezidente Komite Planeamentu & Responsabilizasaun
 - Sekretariu Komite Planeamentu & Responsabilizasaun
2. Ekipa Implementasaun Programa
 - Xefe Ekipa Implementasaun Programa
 - Tezoreiru I
 - Tezoreiru II
3. Ekipa Fasilitadores
 - Fasilitador Mane
 - Fasilitador Feto

Membru KPR, liu-liu presidente KPR sei nomeia liu husi reuniaun membru konsellu suku. Membru konsellu suku sei nomeia sira nia membru ida atu asumi knaar nudar presidente KPR iha Estrutura Suku PNDS liu husi elisaun. Depois Presidente KPR elitu iha biban ne'e kedan presidente KPR lidera fila fali elisaun ba Sekretariu KPR.

Iha biban ne'e mós sei halo eleisaun ba membru comunidade Aldeia sira ne'ebé nomeia ona atu prienxe pozisaun sira hanesan Xefe EIP, Tezoreiru II, no EF Feto no EF Mane. Eleisaun ida nee sei lidera husi Presidente KPR eleitu.

Xefe aldeia konvoka reuniaun assembleia aldeia hodi nomea ka hili kandidatu ES-PNDS nivel aldeia;
Membu sira husi Assembleia Aldeia ida-idak tenke nomea ka hili númeru mane no fetu sira ne'ebé hanesan ba eleisaun EIP no EF tuir rekizitus sira ne'ebe estabesele ona; nomeadamente:

Suku ne'ebe ho numeru aldeia 1: sei nomea ka hili kandidatu nain 8 (Feto 4; Mane 4);

Suku ne'ebe ho numeru aldeia 2-3: sei nomea ka hili kandidatu nain 4 (Feto 2; Mane 2);

Suku ne'ebe ho numeru aldeia 4 ba leten: sei nomea ka hili kandidatu nain 2 (Feto 1; Mane 1).

Wainhira nomeasaun no eleisaun membrus ES-PNDS nivel aldeia remata, Xefe aldeia sei submete lista nomeasaun aldeia ba Prezidente KPR

Eleisaun ba mandatu foun Estrutura Suku sei hala'o kada tinan tolu, no kada tinan sei hala'o avaliasaun ba sira-nia dezempeñu. Wainhira rezultadu avaliasaun anuál hatudu katak ema barak iha comunidade la kontente ho dezempeñu membru ES balun, tanba sira la ativu, rezigna an, hetan serbisu seluk ka mate, Prezidente KPR bele re-estrutura fali ES Suku refere liu husi prosesu normál (métodu eleisaun liu husi votasaun segredu). Karik KPR mak la ativu sei substitui provizoriamente husi Sekretariu KPR nudar Prezidente KPR Interinu. Prezidente KPR Interinu sei konvoka sorumutu membru KPR (membru konselhu suku) nian ba elisaun presidente KPR foun. Tenke iha prezensa 1/3 (Um Terçu) husi membru konselhu/membu KPR

Pozisaun ES tenke garante igualidade jéneru no inklusivu, katak ES sira tenke garante envolvimento fetu iha membru ES no nakloke ba ema ho defisiénsia sira atu bele mós nomeia sira husi Aldeia no hetan votus husi konsellu Suku atu tuur iha pozisaun ES.

Tuir mai sumáriu badak kona-ba pozisaun ES ida-idak no sira nia knaar no responsabilidade:

1. Komite Planeamentu no Responsabilizasaun (KPR)

Nudar unidade estrutura funsionál husi ES-PNDS, ne'ebé responsavel ba hala'o atividade planeamentu, inspesaun no monitorizasaun.

a. Pozisaun Prinsipál Iha KPR

Komite Planeamentu no Responsabilizasaun (KPR) kompostu husi pozisaun prinsipál rua mak hanesan Prezidente KPR no Sekretáriu/a KPR. Pozisaun Prezidente KPR sei prienxe husi membru konsellu suku ida no Sekretáriu/a KPR mos prienxe husi membru konselhu suku ida.

b. Prosesu Eleisaun ba KPR

- Prosesu eleisaun ba Prezidente KPR sei hala'o iha reuniaun dahuluk membrus KPR nian ne'ebe sei konvoka no dirije husi membru KPR ne'ebe ho idade bot liu, (*wainhira sidauk existe ka sidauk estabesele ES-PNDS iha suku*);
- Membrus KPR kompostu husi Membrus Konsellu Suku hotu-hotu exeptu Xefe Suku;

- Fo explikasaun jeral kona-ba rekizitus sira eleisaun nian inklui knar no responsabilidade KPR nian;
- Kandidatura ba Prezidente KPR nakloke ba membrus hot-hotu KPR nian, no iha interese hodi kandidata-an;
- Wainhira hetan ona lista kandidatura tuir mai kontinua ho eleisaun, kandidatu ne'ebe hetan votus aas liu mak sei eleje ba Prezidente;
- Bainhira kandidatu na'in-rua hetan númeru votus hanesan, votasaun daruak sei hala'o ba Kandidatu rua ne'ebé votus hanesan;
- Wainhira Prezidente KPR eleitu ona, Prezidente KPR konvoka no lidera enkontru membrus KPR nian hodi halao elisaun ba Sekretariu KPR;
- Mandatu Prezidente no Sekretariu ba tinan tolu.
- Wainhira kompozisaun KPR (Prezidenti ho Sekretariu) estabesele ona, Prezidente KPR hahu ona prosesu nomeasaun membrus ES-PNDS nivel aldeia no realiza eleisaun ba kompozisaun EIP no EF iha nivel suku ho kumprimentu ba regras no prosedimentu sira ba estabesimentu ES-PNDS.

2. Ekipa Implementasaun Programa (EIP)

Nudar unidade funsionál husi ES-PNDS nian, ne'ebé responsavel ba hala'o jestaun, implementasaun no supervizaun ba atividade ezekusaun fiziku projetu sira-nian.

a. Pozisaun Prinsipál EIP

Kompostu husi pozisaun prinsipál tolu mak hanesan Xefe EIP, Tezoreiru I no Tezoreiru II. Pozisaun Tezoreiru I la liu husi eleisaun no sei prienxe husi ofisial finansas suku. Pozisaun xefe EIP no Tezoreiru II prienxe husi membru comunidade sira ne'ebé hetan nomeasaun husi kada Aldeia.

b. Requezitus ba nomeiasaun ba kandidatu membru EIP

- Idade 21 ba leten
- Hela iha Suku refere/atural
- Minimu Remata iha Escola Secundariu ka Ekiparadu.
- Iha kuinesimentu kona ba preparasaun projectu konstrusaun ka hadia edifisiu infraestrutura.
- Hatudu abilidade no kapasidade komprende dezena projectu konstrusaun ka hadia edifisiu infraestrutura sira.
- Hatudu abilidade iha area jestaun finanseiru..
- Iha esperensia no kuinesimentu tekniku hodi halao atividade supervisaun no jestaun projectu.

c. Prosesu Eleisaun

- Wainhira Prezidente KPR eleitu ona, Prezidente KPR konvoka no lidera enkontru membrus KPR nian hodi eleje kompozisaun ba EIP;

- Kandidatu ba Xefe no Tezoreiru 2 nakloke membrus hot-hotu nomeadu aldeia hodi kandidata an no kumprimentu ba rekizitus baziku sira hanesan kompetensia teknika no esperiensia adekuada hodi ezerse nia funsoens hanesan Xefe EIP no Tezoreiru 2;
- Fo explikasaun jeral kona-ba rekizitus nomeasaun no prinsipiu jeral eleisaun nian inklui knar no responsabilidade EIP nian;
- Halo verifikasaun ba membrus elejivel sira bazeia ba rekizitus sira;
- Sei prepara lista 2 (Lista kandidatu Xefe EIP no Lista kandidatu Tezoreiru 2);
- Eleisaun sei hala'o simultaneamente ba Xefe EIP no Tezoreiru 2;
- Kandidatu ne'ebe ho votus aas liu mak sei eleje ba Xefe EIP no Tezoreiru 2;
- Bainhira kandidatu na'in-rua hetan númeru votus hanesan, votasaun daruak hala'o ba Kandidatu rua ne'ebé empata maka sei elizivel ba sufrájiu;
- Mandatu Xefe EIP no Tezoreiru 2 ba tinan tolu;

3. Ekipa Fasilitadór (EF)

Nudar unidade funksionál husi ES-PNDS, ne'ebe mak responsavel ba habelar informasaun no mobiliza comunidade sira atu partisipa iha atividade sira ne'ebé hala'o iha âmbito programa nian.

a. Pozisaun Prinsipal EF

Kompostu husi pozisaun prinsipál rua husi Feto ho Mane. Pozisaun EF Feto no EF mane se liu husi eleisaun no prienxe husi membru comunidade sira ne'ebé hetan nomeasaun husi kada Aldeia.

b. Requezitus ba nomeiasaun ba membru EF

- Idade 21 ba leten;
- Tenha residência habitual na área do suco;
- hela fatin iha Suku refere.
- Minimu Remata iha Escola Secundariu ka Ekiparadu
- iha kapasidade komunikasaun no fahe informasaun .

c. Prosesu Eleisaun

- Wainhira elisaun ba kompozisaun EIP remata ona, Presidente KPR konvoka no lidera enkontru membrus KPR nian hodi eleje kompozisaun ba EF;
- Kandidatu ba Fasilitador Feto no Fasilitador Mane nakloke membrus hot-hotu nomeadu aldeia hodi kandidata an no kumprimentu ba rekizitus baziku sira hanesan kompetensia teknika no esperiensia adekuada hodi ezerse nia funsoens hanesan Fasilitador;
- Fo explikasaun jeral kona-ba rekizitus nomeasaun no prinsipiu jeral eleisaun nian inklui knar no responsabilidade EF nian;
- Halo verifikasaun ba membrus elejivel sira bazeia ba rekizitus sira;
- Sei prepara lista 2 (Lista kandidatu Feto no Lista kandidatu Mane);
- Kandidatu ne'ebe ho votus aas liu iha lista Feto mak sei eleje nudar Fasilitador Feto no kandidatu ne'ebe hetan votus aas liu iha lista Mane mak sei eleje nudar Fasilitador Mane;
- Bainhira kandidatu na'in-rua hetan númeru votus hanesan, votasaun daruak hala'o ba Kandidatu rua ne'ebé empata maka sei elizivel ba sufrájiu;
- Mandatu Xefe EIP no Tezoreiru 2 ba tinan tolu;

Operasaun no Manutensaun Projetu PNDS

Atu garante sustentabilidade projetu PNDS, iha sorumutu membru konsellu suku ba determinasaun prioridade suku tenki inklui ona diskusaun ba operasaun no manutensaun depois projetu finaliza no entrega ba suku. Ba projetu bee mos sira operasaun & manutensaun sei halao husi grupu GMF. Projetu sira ne'ebé presiza grupu O&M no seidak iha bele harii tuir padraun setór relevante nian, karik iha.

Estabelese Grupo Operasaun no Manutensaun (GOM)

Durante prosesu sosializasaun Suku, projetu sira ne'ebé presiza grupu O&M no seidak iha bele harii tuir padraun setór relevante nian, karik iha.

Tipu Infraestrutura	Tipu Projetu	Mekanizmu Suku halo O&M
Bee moos	Konstrusaun, Rehabilitasaun, Manutensaun	GMF (padraun iha)
Irrigasaun	Manutensaun	Suku jere ho comunidade (ezemplu: liu husi grupu representa natar nain)
Dalan	Manutensaun	Suku jere ho comunidade (ezemplu: liu husi grupu representa comunidade ne'ebé impaktu husi estragus)

Projetu konstrusaun, rehabilitasaun no manutensaun sistema bee moos ne'ebé seidak estabelese GMF ka seidak eziste, konsellu Suku hamutuk ho KPR no EIP ho apoiu husi FPA PNDS no FPA SMASA sei fasilita prosesu Planu Asaun Komunitade (PAK) hodi estabelese GMF tuir padraun setór bee moos nian. Detailu kona-ba informasaun ne'e bele refere ba iha Matadalan PAK.

Bainhira konstrusaun ka rehabilitasaun kompleta 100% no "SRI" finaliza ona, GMF sei foti responsabilidade tomak hodi kontinua hala'o operasaun no manutensaun ba sistema bee moos refere.

Projetu manutensaun ba projetu irrigasaun no estrada anteriór konsellu Suku sei asegura katak iha grupu O&M ne'ebé prontu halo manutensaun ne'ebé propoin. Ezemplu, karik projetu manutensaun atu hadi'ak kanal irrigasaun ne'ebé nakfera no GOM seidak iha, konsellu Suku bele sorumutu ho comunidade natar nain hodi hili GOM ne'ebé sei regularmente halo inspeksaun, limpeza no manutensaun tuir nesesidade. Karik projetu manutensaun atu responde ba estrada ne'ebé aat, konsellu Suku bele sorumutu ho comunidade ne'ebé hetan benefisiu husi estrada refere hodi harii ekipa ida ne'ebé bele halo manutensaun ba projetu ne'e.

Etapas 3. Prosedimentu identifikasaun, planeamentu ho selesaun ba projetu PNDS

Prosesu determinasaun prioridade Suku hahú husi sorumutu determinasaun prioridade iha nivel Aldeia. Husi sorumutu nivel Aldeia, Assembleia Aldeia ne'ebé lidera husi Xefe Aldeia sei halibur comunidade sira hodi halo diskusaun kona-ba prioridade dezvoltamentu Aldeia nian no halo mapamentu Aldeia nian hodi hatene di'ak liu kona-ba kondisaun ekonomia no sosiál comunidade nian molok prepara no decide Lista Prioridade Aldeia (LPA) inklui kustu estimativu hodi haruka ba Suku atu hetan finansiamentu husi PNDS.

Apoi husi FPA PNDS atu konsidera mos aspetu oin -oin durante halao mapamentu aldeia atu identifika projetu ne'ebe maka propoin husi comunidade sira. Aspetu esensial ida maka asesibilidade ba fatin projetu, FPA PNDS presija fasilita comunidade sira atu identifika prioridade ida ne'ebe prioridade liu. Ezemplu; wainhira asesibilidade ba fatin projetu laiha maka comunidade sira precija prioritija uluk iha tinan ida ne'e, loke/hari'i asesibilidade ba fatin projetu, hafoin iha tinan tuir mai maka foin kontinua hari projetu refere. Ida ne'e ho objectivu atu evita asesibilidade ba fatin projetu sai hanesan kauza ida projetu refere labele implementa/atrazu tuir tempu ne'be determina ona.

LPA ne'e sei haruka hikas ba Xefe Suku nunez membru konsellu Suku halo aprovasaun iha konsellu liu husi reuniaun iha semana dahuluk fulan Marsu hodi decide Lista Prioridade Suku (LPS) nian ba tinan oin, ba tinan actual karik seidauk iha. Estrutura Suku PNDS sei entrega LPS ba SLPDL. Servisu Lokal Planeamentu no Dezenvolvimentu Local Postu Administrativu halo analiza no preparasaun kandidatura proposta prioridade suku antes submete ba Administrador Postu. Prosesu ida nee sei akontese iha semana dahuluk fulan Marsu kada tinan.

Assembleia Postu sei halao reuniaun iha semana daruak fulan Marsu atu fó pareser no halo aprovasaun ba proposta projetus PNDS Suku. Hafoin sei entrega hikas ba Diretor Servisu Munisipal Apoiu PNDS atu elabora informasaun teknika no entrega ba AA, PAM.

Iha semana datoluk fulan Marsu kada tinan, Konsellu Konsultivu Munisipal (KKM) sei halao reuniaun atu fó pareser no votasaun konaba projetu PNDS. Dokumentus aprovalu hirak nee sei entrega ba PAM hodi apresenta ba Konsellu Koordenasaun Munisipal.

Iha semana dahaat fulan Marsu kontinua kedan reuniaun entre membru Konsellu Koordenasaun Munisipal (KKorM) lidera husi PAM no apresenta ba membru sira konaba deliberaun Konsellu Konsultivu Munisipal. Konsellu Koordenasaun ida nee sei halo aprovasaun, no haruka ba Sekretariu Ezekutivu PNDS atu elabora informasaun konaba konformidade ho alinamentu ba projetu, no apresenta ba Ministru Administrasaun Estatal.

Ministru Administrasaun Estatal mak desidi autorizasaun ho outorga kontratus konsesaun ba subvensaun publika sira no iha kompetensia tuir DL No. 4/2025, 22 Janeiru atu bele determina inkluaun ba projetu adisionais iha lista projetu PNDS suku. Iha nivel Suku FPA sira sei kontinua fó asisténsia ba ES hodi halo levantamento dados tékniku no prepara POI ba prioridade ne'ebé decide ona atu dezenvolve ba iha PPK. Nune'e mós iha nivel Munisípiu DSMA PNDS no ekipa sira kontinua koordena ho ekipa Servisu Munisípiu, no delegasaun territoriál sira hodi asegura prioridade ne'ebé atu dezenvolve ba iha PPK ne'e alina ho planu investimentu Munisípiu no liña setorais sira nian. PPK ne'e sei inklui mós proposta ba atividade manutensaun nian karik Suku defini atividade manutensaun nu'udar prioridade importante ida.



Identifikasaun Prioridade iha Aldeia no Suku

1.1. Objetivu

Objetivu husi atividade ne'e mak atu comunidade sira kumpriende kona-ba menu indikativu PNDS nian hodi identifika, avalia, klasifika no prioritiza nesesidade ba dezvoltamentu infraestrutura Suku nian hodi hetan finansiamentu husi PNDS.

Ho assistensia tekniku husi FPA, EIP sei halo avaliasaun ba prioridade Suku nian hanesan volume projetu, distansia, benefisiáriu no seluk tan molok decide prioridade potenciál tolu ne'ebé bele dezvoltave ba iha Proposta Projetu Komunitade (PPK). Prosesu ne'e sei identifika nesesidade ne'ebé comunidade bele rezolve liu husi projetu eskala ki'ik ne'ebé sei inklui prioridades sira mai husi nesesidade feto no ema ho defisiénsia (EhD) sira nian no prioridades manutensaun ki'ik ba projetu anteriór PNDS nian .

1.2. Identifikasaun Prioridade Nivel Aldeia

Prosesu identifikasaun prioridade Aldeia sei akontese liu husi reuniaun Assembleia Aldeia, ne'ebé sei lidera husi Xefe Aldeia no hetan apoiu husi KPR, Ekipa Fasilitadóres (EF) no Fasilitadór Postu Administrativu (FPA), bainhira posivel.

Xefe Aldeia sei fó sai informasaun kona-ba prosesu, loron no fatin sorumutu no sei fó-hatene minimu loron rua antes ba uma-kain hotu-hotu liu husi meius oi-oin; hanesan liu husi avizu sorumutu regulár comunidade, pública iha kuadru avizu Suku nian, avizu iha igreja, fó sai konvite, telefone, SMS no seluk tan.

Métodu Konsensus

Komunidade sira tenke tuur hamutuk halo diskusaun no ho konsiénsia rasik konkorda ba malu kona-ba prioridade ida ne'ebé importante no urjente liu atu hetan finansiamentu husi PNDS.

Métodu Votasaun

Bainhira aprosimasaun konsensus la konsege defini lista prioridade, xefe aldeia no KPR bele decide atu determina liu husi prosesu votasaun. Ema ne'eb'é iha kompetensia atu bele vota mak membru assembleia hotu no membru ES sira . Prosesu votasaun ne'e, sei organiza husi Prezidente KPR no Xefe Aldeia. KPR sei kompila hamutuk prioridade Aldeia sira nian, husi prioridade feto no prioridade conjunta. Kada membru assembleia aldeia no ES ida-idak sei hili nia prioridade ba iha tinan ida nee. Ikus mai KPR mak sei tau hamutuk prioridade sira iha aldeia ne'ebé hetan votus barak liu. Prioridade ne'ebé hetan votus hanesan sei vota tan dala ida ba prioridade ne'e.

Komunidade sira ne'ebé tuir sorumutu sei hetan esplikasaun kona-ba menu indikativu PNDS nian no prosesu determina prioridade. Etapa primeiru sei envolve ezersísiu mapamentu hodi prepara mapa comunidade ne'ebé hatudu informasaun ka dados kona ba:

- Abitasaun (komunidade sira nia hela fatin).
- Infraestrutura Suku (eskola, edifisiu, estrada, irigasaun).
- Instituisaun ne'ebé dadaun eziste (edukasaun, saúde, ONG).
- Rekursu lokál (bee matan, fatin turizmu), nst.

Mapa ida-ne'e sei uza iha diskusaun kona-ba situasaun infraestrutura Suku nian iha sorumutu, ne'ebé sei hala'o uluk ho grupu feto sira de'it depois mak hala'o sorumutu conjunta entre grupu feto no mane hamutuk.

Iha kada Aldeia, sei hala'o uluk sorumutu ho grupu feto sira de'it, hodi hili prioridade ne'ebé importante liu ba feto ho métodu rua hanesan "Konsensus" ka "Votasaun". Komunidade sira bele deside utiliza uluk metodu konsensus karik la hetan desizaun ne'ebé di'ak, comunidade sira bele utiliza fali metodu votasaun, hanesan dalan ikus hodi hetan desizaun ba prioridades. Fasilitadór Suku (FS) tenke dokumenta prioridade feto nian iha FS 2.1 no hato'o proposta ne'e ba sorumutu conjuntu ne'ebé envolve mane no feto hotu.

Lista prioridade sira ne'ebé propoin ona, inklui feto sira-nian, tenke kontribui ba prosesu hamenus kiak no hadi'ak moris ba ema barak ne'ebé hela iha Aldeia, inklui feto, ema ho defisiénsia, no labarik sira.

Iha kada Aldeia, sei halao uluk sorumutu ho feto sira atu hili sira nia prioridade. Ikus liu mak sei halao sorumutu mane no feto hodi hili Aldeia nia prioridade ba projetu PNDS regulár (inklui prioridade husi feto sira nian) no prienxe iha FS 2.3 Proposta Prioridade Suku.

KPR tenke dokumenta lista prioridade Aldeia feto iha FS 2.1. Lista prioridade Aldeia Feto no prioridade conjunta ne'ebé hetan klasifikasaun importante iha FS 2.2. **Lista Prioridade Aldeia Finál rua (2)**, hodi garante transparénsia no akontabilidade.

1.3. Identifikasaun Prioridade Nivel Suku

Prosesu identifikasaun prioridade suku sei halao liu husu reuniaun membru konsellu suku lidera husi Xefe Suku. Sorumutu ne'e bele partisipa husi comunidade sira maibe laiha direitu ba votasaun. Liu husi votasaun, membru konsellu suku sira sei halo selesaun ba **prioridade suku masimu rua (2)** husi prioridade Aldeia nebee mak rekapitula iha FS 2.3. Prioridade rua husi suku hanesan lista proposta prioridade Suku nian ba implementasaun iha tinan atual. Iha tempu hanesan, ES no membru konsellu Suku mós tenke deside keda prioridade manutensaun ki'ik ba projetu anteriór PNDS nian, karik iha.

Proposta prioridade Suku finál sei prienxe iha FS 2.4 aprova husi xefe suku, no Minutas Aprovasaun aneksa ho FS 2.4 submete ba estrutura PNDS suku ho Administrador Postu Administrativu. FPA PNDS sei kompila Proposta prioridade finál husi Suku hotu-hotu iha MOP 4. Estrutura PNDS suku sei submete FS 2.4 - Lista Proposta Prioridade Final Suku ba SLPD postu administrativu.

Ba RAEOA, lista prioridade finál rua, sei prienxe iha FS 2.4 no submete ba diretor PNDS RAEOA hodi kompila hamutuk iha MOP 4 no Diretur PNDS RAEOA submete MOP 4 ba Sekretáriu Ezekutivu ST-PNDS hodi hetan verifikasaun no autorizasaun ba prosesu levantamentu dados tékniku, POI no ba objetivu koordinasaun ho setór relevante sira.

Envolvmentu ES no ekipa PNDS iha etapa 3 to'o deit identifikaun prioridade iha nivel aldeia no suku. Prosesu tuir mai SLPD-PA, APA no PAM mak sei konvoka hikas reuniaun iha nivel postu to munisipiu atu halo deliberaun no aprovasaun ba prioridade final suku nebee sei finansia husi subsidu suku liu husi programa ida nee.

1.3.1. Proposta Projeto Conjunta entre Suku sira

Iha prosesu defini prioridade Suku finál rua atu prienxe iha FS 2.4, suku sira iha mós oportunidade atu komunika ba malu hodi identifika no konkorda ba malu karik suku sira iha nesesidades ba proposta projeto conjunta ne'ebé envolve suku rua ka liu, ne'ebé sira hakarak atu implementa hamutuk (konjunta).

Proposta projeto conjunta ne'e sei aplika deit ba projeto sira hanesan irrigasaun, bee moos, estrada, ponte no kontrola de cheias ne'ebé nia volume boot liu padraun PNDS nian maibe bele fó benefisiu ba Suku barak, no kapasidade Suku ida nian la suficiente atu implementa mesak ho orsamentu PNDS. Ho nune'e, Suku sira bele tau sira nia fundu hamutuk hodi implementa projeto ida ne'ebé fó benefisiu ba sira nia comunidade hotu.

Suku sira ne'ebé atu implementa projeto hamutuk (konjunta) tenke priénxe rekezitu sira tuir mai ne'e:

1. Iha Prioridade Hanesan

Suku sira bele iha proposta prioridade hanesan maibe laos prioridade Suku hotu bele implementa hamutuk (konjunta). Prioridade ne'ebé bele implementa hamutuk mak prioridade sira ne'ebé nia volume boot no labele kobre husi orsamentu anuál Suku ida nian mesak. Bainhira Suku sira nia prioridade hanesan ho volume boot no labele kobre husi orsamentu Suku ida nian deit, Suku sira bele koordena ba malu hodi tau sira nia orsamentu anuál hamutuk hodi implementa projeto ida maibe bele fó benefisiu ba comunidade sira iha Suku sira ne'e. Ezemplu: Suku rua iha prioridade hanesan ba projeto irrigasaun ho distansia kilometru sanulu (10) ho kustu ba projeto irrigasaun ne'e mais ka menus USD 85,000. Montante ne'e boot liu ona montante subsidu anuál PNDS

nian ba Suku ida. Ho nune'e, Suku sira ne'ebé iha prioridade hanesan bele tau osan hamutuk no decide oinsa bele implementa projetu irrigasaun ne'e hamutuk.

2. Iha Benefisiu Mutuál Entre Suku Sira

Projeitu ne'ebé atu implementa hamutuk tenke fó benefisiu mutuál ba comunidade iha Suku sira ne'ebé implementa projetu hamutuk. Ezemplu hanesan projetu irrigasaun ne'ebé mensiona iha leten, rezultadu husi projetu irrigasaun ne'e tenke fó benefisiu ba agrikultór sira husi Suku rua ne'ebé implementa projetu irrigasaun hamutuk.

3. Iha Sorumutu Koordinasaun Suku

Bainhira Suku rua iha ona prioridade hanesan no bele fó benefisiu mutuál ba comunidade husi Suku rua refere, ES representa husi KPR no Konsellu Suku representa husi Xefe Suku bele organiza sorumutu koordinasaun ida entre Suku rua ne'e kona-ba oinsa bele implementa projetu irrigasaun ne'e hamutuk. Oinsa bele tau osan hamutuk, tau rekursu traballadór sira, halo dezeñu ida hodi bele implementa projetu ne'e ho efikáz no transparente.

4. Iha Alokasaun Subsídriu (Fundus)

Alokasaun fundus sai hanesan rekeztus prinsipál ida bainhira atu decide implementa projetu conjunta ida. Atu implementa projetu hamutuk entre Suku ida ho Suku seluk, ES no Konsellu Suku sira tenke garante katak Suku sira ne'ebé atu envolve iha implementasaun projetu conjunta tenke iha sira nia alokasaun subsidiu ne'ebé suficiente husi GoTL iha tinan hanesan. Karik Suku sira iha prioridade hanesan no iha ona koordinasaun di'ak entre sira maibe karik Suku ida iha subsidiu no Suku seluk seidauk hetan subsidiu anuál, projetu conjunta labele implementa.

5. Iha Levantamentu Tékniku (Preparasaun PPK)

Bainhira Suku sira decide ona prioridade hanesan, halo ona koordinasaun no garante ona iha alokasaun subsidiu anuál husi GoTL, etapa tuir mak EIP hamutuk ho FTPA sei halo levantamentu tékniku iha terenu hodi hatene lolos volume projetu, kustu projetu, benefisiáriu sira no dezeñu projetu. Objetivu husi levantamentu ne'e, atu bele hatene responsabilidade Suku sira nian no kustu projetu ba Suku ida-idak. Ho nune'e, ekipa tékniku sira bele defini knaar no responsabilidade kada Suku iha implementasaun projetu conjunta ne'e.

6. Iha Akordu Implementasaun

Maske levantamentu tékniku kompleta ona, PPK aprova ona husi KKM no membru governu responsavel husi área Administrasaun Estatál, molok atu hahú implementasaun projetu konjunta ida, Suku sira presiza asina Akordu Implementasaun Projetu Konjunta entre sira hodi kesi sira no regula lala'ok projetu konjunta ne'e.

1.3.2. Prioridade ba Manutensaun Projetu PNDS

Iha sorumutu determinasaun prioridade Suku no Aldeia, comunidade no konsellu Suku (liu-liu membru Assembleia Aldeia) sira bele identifika mós lista prioridade Suku nian ba projetu PNDS ne'ebé konstrui ona tinan rua ba kotuk no presiza halo manutensaun periódiku ka manutensaun emergjensia ruma ne'ebé ninia kustu la bele kobre rasik husi comunidade. Maibe prioridade ba manutensaun projetu PNDS anteriór sira sei la kobre manutensaun regulár sira hanesan, serbisu hamoos tanke, serbisu hamoos drainajen, hamoos du'ut no servisu kaman seluk tan.

Ba prosesu ida ne'e, iha sorumutu determinasaun prioridade nivel Suku, assembleia Aldeia no Xefe EIP mak sei propoin ba Prezidente KPR no Xefe Suku hodi bele inklui iha lista prioridade Suku nian ba manutensaun kada tinan. Ba Suku sira ne'ebé karik PNDS konstrui ona sistema bee moos no karik sira nia grupu GMF estabesidu ona, membru GMF sira mós bele propoin proposta manutensaun bee moos bainhira komuniade no GMF sira la iha kbiit natoon atu halo manutensaun periódiku no emergjensia rasik.

Rekezipu ba projetu manutensaun sira mak hanesan tuir mai ne'e:

- Kustu másimu 15% husi fundu infraestrutura Suku nian iha tinan atuál.
- Tenke projetu ne'ebé konstrui husi PNDS tinan rua ba kotuk, esepu iha kazu esesional ruma hanesan dezastre naturais.
- Manutensaun periódiku ka emergjensia (manutensaun rutina la konsidera)
- Kustu projetu manutensaun ida la bele menus liu husi USD 500
- Fóku deit ba iha projetu bee moos, irrigasaun no estrada, ponte no kontrolo de cheia.
- Tenke iha vontade no komitmentu atu servisu voluntariu.
- Tenke estebelese ona grupu O&M tuir padraun setóres relevante (ezemplu: projetu bee moos tenke estabesele ona GMF).
- Projetu ida la bele hetan fundu manutensaun tinan rua tutuir malu.

Etapa 4. Prepara Proposta Projetu Komunitade (PPK)

Etapa 4 sei deskreve kona-ba atividade preparasaun ba Proposta Projetu Komunitade (PPK) ne'ebé sei prepara husi EIP ho apoiu husi FPA sira. Preparasaun ba PPK ne'e sei haree liu ba Prioridade Suku final rua no proposta ba manutensaun projetu anterior PNDS nian. EIP ho apoiu husi FPA sei prepara proposta detallu, levantamentu dadus tékniku, dezeńu no POI, bazeia ba alokasaun orsamentu anuál Suku nian. Rezultadu verifikasaun PPK kada Suku sei submete ba Munisípiu hodi kompila iha POM 5 no submete ba Presidente Autoridade Munisípiu atu lori ba diskute iha Konsellu Koordenasaun Munisípiu (KKM) hodi hetan apresiasaun no aprovasaun ba implementa iha tinan refere.

4.1. Objetivu

Atu asegura katak planu detallu ba PPK ne'e, inklui dezeńu ne'ebé tuir Padraun Konstrusaun Tékniku (PKT) PNDS nian, oráriu implementasaun, Planu Orsamentu Implementasaun (POI) no Planu Operasaun no Manutensaun (O&M). Prosesu ne'e inklui levantamentu dadus iha terenu, preparasaun no konfirmasaun ba planu sira, garante transparénsia no komunitade nia konsiénsia kona-ba desizaun no planu sira

4.2. Autór sira Prepara PPK

Autór ne'ebé envolve iha preparasaun PPK mak hanesan:

- Komisaun Planeamentu no Responsabilizasaun (KPR)
- Ekipa Implementasaun Programa (EIP)
- Ekipa Fasilitadór (EF)
- Fasilitadór Postu Administrativu (FPA)

4.3 Preparasaun Proposta Projetu Komunitade (PPK)

Preparasaun PPK tuir PNDS nia prosedimentu no regulamentu, maka hanesan tuir mai ne'e:

- a. Prepara Proposta ka Deskrisaun Badak kona-ba Projetu (Padronizadu)

EIP ho fiskalizaun husi KPR no asisténsia husi FPA, finaliza deskrisaun badak kona-ba proposta projetu komunitade Suku nian, ho informasaun detallu (FT 6.1.1) sira hanesan:

- Deskrisaun projetu, inklui fatin projetu (naran Suku no Aldeia).
- Dezeńu ba projetu tuir Padraun Konstrusaun Tékniku (PKT) PNDS nian.
- Benefisiariu previstu, númeru benefisiáriu no jéneru.
- Planu Orsamentu Implementasaun (POI).

- Kontribuisaun comunidade (materiál, osan, ekipamentus, traballadór, rai, no seluk tan).
 - Deskrisaun kona-ba planu atu halo Operasaun no Manutensaun (O&M) ba projetu refere.
- b. Verifikasaun Projetu iha Terenu.

FPA sei halo verifikasaun ba PPK sira ne'ebé importante hare husi perspektiva téknika, sosiál no finanseiru no haree ba “kestaun crítica” hanesan rai, konfliktu/disputa, meu ambiente, direitu ba rai, fatin sagradu, nst.

Verifikasaun terenu husi FPA ne'e ho objetivu atu garante projetu sira ne'e:

- Iha viabilidade téknika no comunidade bele halo konstrusaun no manutensaun.
 - Iha viabilidade finanseira, tuir orsamentu PNDS no kontribuisaun comunidade.
 - Feto sira no Aldeia hotu-hotu hatene no partisipa iha prosesu planeamentu, no projetu ne'e sei fó benefisiu ba ema oin-oin iha comunidade, inklui feto, ema ho defisiénsia, labarik no/ka grupu marjinalizadu sira.
- c. EIP Prepara Proposta Projetu Komunitade (PPK).

Molok prepara Proposta Projetu Komunitade (PPK) iha pasu hirak ne'ebé EIP no FTPA tenke garante katak PPK nee dezenvolve ho transparente no inkluzivu, liu husi pasu hirak nee:

1. Levantamentu Dadus iha Terenu

EIP ho partisipasaun husi membru Konsellu Suku (KS) ho asisténsia husi FPA no Ekipa Fasilitadór (EF) no setór relevante sira, sei halo levantamentu dadus iha terenu hodi dezeña projetu, dezenvolve POI, oráriu implementasaun ba projetu no planu Operasaun no Manutensaun (O&M).

Levantamentu dadus ne'e inklui:

- Levantamentu dadus topografia

EIP no comunidade sei hetan apoiu másimu husi FTPA atu halo levantamentu dadus topografia liu husi visita terenu ka área projetu ne'ebé planeia ona atu sukat kondisaun rai hodi hatene nia kontur (kondisaun rai tun - sa'e), utiliza ekipamentus hanesan metru, Golf Rangefinder Laser Meter (GRLM), no seluk tan.

- Levantamentu presu materiál (lista fólin).

Hanesan levantamentu dadus topografia, EIP ho FTPA sei halo mós levantamentu ba presu materiál (lista fólin) iha merkadu, inklui materiál fabrikadu no materiál non-fabrikadu no mós serbisu espesífiku sira atu hatene presu kada materiál iha merkadu atu inklui iha kalkulasiun POI.

2. Prepara dezeñu projetu.

EIP no FTPA sei prepara dezeñu tékniku tuir Padraun Konstrusauan Tékniku (PKT) PNDS nian, bazeia ba informasaun no rezultadu husi levantamento dados tékniku no garante feto, mane no ema ho defisiénsia sira-nia partisipasaun.

PNDS fornese ona PKT ne'ebé autoriza ona husi setór relevante sira atu bele implementa iha projetu PNDS nian. PKT ne'ebé fornese ona inklui ba projetu bee moos (utiliza ona hanesan padraun nasional), dalan, drenajen, pasadeira, *gabion/bronjong*, ponte ki'ik, moru satan rai, irrigasaun, edifisiu hanesan rezidensia pesoál saúde, rezidensia ba professores, no Fatin Halimar (FH).

Bainhira hala'o levantamento dados, EIP no FTPA sira presiza fó atensaun ba asuntu sira tuir mai ne'e:

- Se karik husi levantamento dados katak dezeñu projetu ne'ebé propoin husi comunidade la tuir PKT, entaun FTPA no Enjeñeiru Munisípiu (EM) tenke halo komunikasaun ho Enjeñeiru Nasionál (EN) kona-ba asuntu ne'e.
- Sekarik EN husu ba FTPA no EM atu propoin revizaun ba dezeñu ká modifika PKT, entaun FTPA no EM tenke prepara revizaun dezeñu ne'e molok implementa.
- Revizaun dezeñu nee mós tenke komunika ho setór relevante sira iha Munisípiu atu garante prosesu desenvolvimentu dezeñu ne'e konsulta ona ho setór seluk.
- Revizaun dezeñu ká modifikasaun PKT ne'e labele implementa iha terenu bainhira seidauk hetan aprovasaun husi EN.
- Bainhira EN aprova ona revizaun dezeñu ne'e, FTPA no EM bele prepara ona POI no kontinua ba implementasaun.

3. Preparasaun Planu Orsamentu Implementasaun (POI)

Fasilitadór Tékniku no Finansas iha nivel Postu Administrativu suporta EIP hodi prepara POI. Kalkulasaun POI bazeia ba presu materiál sira husi rezultadu levantamento presu atual iha merkadu, tuir kategoria hirak tuir mai ne'e:

- Presu materiál fabrikadu.
- Presu materiál non-fabrikadu.
- Presu ekipamentus.
- Insentivu maun de obra.
- Kustu transporte.

Kalkulasaun POI sei utiliza métodu kalkulasaun analiza koefisien presu unidade atu bele hetan kuantidade totál (m, m², m³, kg, lolon, unidade, nsst) tuir nesesidade materiál ida-idak ne'ebé presiza no mós totál insentivu ba traballadór babain no badaen sira.

Hafóin kalkulasaun volume ba kategoria hotu finaliza ona, valór kada volume ba kategoria sira iha leten (materiál fabrikadu/non-fabrikadu, ekipamentus, maun de obra & transporte) sei multiplika ba kada presu unidade husi kategoria hotu atu nune'e bele hetan totál presu projetu nian. Presu kada kategoria ne'ebé estipula ona iha POI sei sai hanesan bazeia ba presu kada kategoria ba planu aprovizionamentu.

Atu hafasil FTPA ho FFPA iha planu aprovizionamentu, maka presu hotu-hotu iha kategoria iha leten sei halo ligasaun (link) automatika ho formatu aprovizionamentu FF 16 ho objetivu atu labele redus ká aumenta deskrisaun iha item valór orsamentu ne'ebé dekreve iha POI, no mós atu halo servisu fasil no efikáz hodi defini valór no métodu aprovizionamentu no mós preparasaun pedidu kotasaun (FF 18).

4. Konsulta Tékniku ho Ajénsia Relevante sira

Bainhira iha projetu infraestrutura ne'ebé dalaruma presiza tratamentu espesiál, FPA sira tenke konsulta ho ministériu/ajénsia relevante ba kestaun ne'ebé espesífiku ba setór ne'e no kona-ba asisténsia ne'ebé dalaruma comunidade presiza. Reprezentante sira husi setór relevante hetan konvite atu partisipa no tenke konsulta ho sira kona-ba kestaun ne'ebé relasiona ho PKT no ligasaun ho projetu infraestrutura boot liu ne'ebé eziste ka planeadu. Karik projetu bee moos (konstrusaun foun ka manutensaun), FPA tenke koordena ho SMASA, hodi hetan komentariu (input) ruma liga ba kestaun tékniku bee moos nian.

5. Kontribuisaun Komunidade

Komunidade sei deside kontribuisaun saida mak sira bele fó ba projetu ne'e, hanesan materiál, oras serbisu (traballadór), rai, osan no seluk tan ne'ebé disponivel iha terenu. Kontribuisaun hirak-ne'e tenke kalkula iha orsamentu no dokumenta iha planu dezeńu no POI. Totál kontribuisaun comunidade sira nian sei tulun redus totál orsamentu husi PNDS. Ezemplu, total volume materiál ba sementi ne'ebé presiza ba projetu ida mak saku 200. Karik iha kontribuisaun comunidade sementi saku 10, entaun kalkulasaun ba POI tenke rekorda katak sementi saku 10 no saku 190 mak mai husi PNDS.

6. Estabelese no Dezenvolve Planu O&M

Tuir lei lideransa komunitária (lei Suku nú. 9/2016) Konsellu Suku sira nia kompetensia ida mak atu responsabiliza no tau matan ba patrimoniu Suku nian. Fasilidade infraestrutura sira hanesan sistema bee moos, dalan no ponte sira kategoriza nu'udar patrimonia Suku nia, ne'e duni konsellu Suku tenke tau matan ba

fasilidade sira ne'e liu husi halo operasaun no manutensaun regulár ba obra sira nee. Iha prosesu implementasaun PNDS, EIP sei servisu hamutuk ho konsellu Suku hodi estabesele grupu O&M (ezemplu bee moos "GMF") ho apoiu husi FPA PNDS no setór relevante sira hanesan SMASA hodi organiza sorumutu ho comunidade dezenvolve Planu O&M molok projetu fináliza no entrega ba comunidade. Karik Suku iha ona projetu bee moos maibe seidauk estabesele GMF, konsellu Suku ho apoiu husi FPA PNDS no SMASA sei estabesele GMF hodi halo operasaun no manutensaun ba sistema refere.

4.4 Finalizasaun Proposta Projetu Komunitade (PPK)

Bainhira detallu kona-ba Proposta Projetu Komunitade no Proposta Manutensaun Projetu anteriór (karik iha) fináliza ona, FTPA no EM sei kompila hamutuk iha MOP 5.

Lista Proposta Projetu Munisípiu no anexa hamutuk ho dokumentu sira hanesan:

1. Deskrisaun projetu
2. Lista verifikasaun projetu
3. Lista levantamentu
4. Dezeñu
5. POI, no
6. Akta fornimentu rai (karik presiza).

hodi submete ba ekipa PNDS Munisípiu atu kontinua submete ba PAM/KKM hodi hetan deliberaun no aprovasaun antes submete ba ministru MAE ba autorizasaun no outorga kontratu konsesaun subvensaun publiku.

Prosedimentu submisaun dokumentu sira iha leten ne'e, sei la'o hanesan tuir mai:

- EIP no FTPA submete PPK ba Diretór SMA/Xefe delegasaun Teritorial PNDS RAEOA hodi nune'e EM bele halo verifikasaun ba POI.
- Hafoin verifikasaun, Diretór SMA/Xefe delegasaun Teritorial PNDS RAEOA, sei kompila iha POM 5 no entrega ba PAM atu hetan apresiasaun no aprovasaun husi Konsellu Koordinasaun Munisípiu (KKM).
- Hafoin hetan ona apresiasaun no aprovasaun husi KKM, lista PPK refere sei submete fali ba ST- PNDS Nasionál hodi halo kompilasaun iha POM 6 no submete ba Ministériu responsavel husi área administrasaun Estatál ka MAE.

Etapas 5. Selebra Kontratu Subvensaun Públiku (KSP) & Asina Akordu Implementasaun Projetu (AIP)

Wainhira iha ona outorga ba kontratu subvensaun publika maka Servisu Munisipal Apoiu PNDS sira prepara ona Kontratu Subvensaun Publika (KSP) no Akordu Implementasaun Projetu (AIP) entre Estrutura Suku PNDS ho Presidente Autoridade Munisipiu. Estrutura Suku PNDS sei representa husi Presidente KPR.

5.1 Objetivu

Objetivu husi etapas 5 mak liu husi asina kontratu konsesaun subvensaun publiku no asina akordo implementasaun projetu, permiti ona prosesu transferensia subsidiu suku ba konta Estrutura Suku PNDS atu nunee membru ES bele loke ona prosesu aprovizionamentu suku ba fornecedor sira atu fornese material, no comunidade sira bele hahuu ona implementasaun/konstrusaun ba projetu PNDS iha suku refere.

Iha kazu esesional no razaun fundamentál balun, membru governu responsavel husi área Administrasaun Estatál/MAE iha kompetensia atu propoin projetu adisionál ba Suku balun atu implementa tan (fora husi proposta ne'ebé Suku deside ona), no prosesu finalizasaun ba projetu adisionál ne'e sei la presiza liu husi prosedimentu normál ne'ebé hatuur ona iha MOP-PNDS. Tipu atividade ba projetu adisionál sira sei limita bazeia ba menu indikativu PNDS, no montante masimu nebee bele finansia liu husi programa PNDS.

Etapas 6. Mobiliza Trabalhador, Aprovizionamentu no Hahú Konstrusaun

Bainhira selebra ona KSP no AIP, fundu subsidiu Suku transfere ona ba konta bankária Suku, molok hahú konstrusaun ES no Konsellu Suku tenke organiza uluk sorumutu mobilizasaun trabalhador no sorumutu aprovizionamentu comunidade, hodi garante katak bainhira hahú konstrusaun fundu subsidiu Suku nian sei utiliza tuir prinsipiu transparansia no akontabilidade. Iha sorumutu refere EIP ho apoiu FPA ka Munisipiu tenke esplika ho detallu no klaru kona-ba objetivu mobilizasaun trabalhador, prosesu aprovizionamentu no espetativa partisipasaun comunidade nian iha konstrusaun.

Sorumutu mobiliza comunidade ne'e atu esplika no diskute ho comunidade kona-ba: Tipu Projetu ne'ebé atu halo, trabalhador ne'ebé presiza, loron servisu iha kada semana, opsaun insentivu ne'ebé propoin atu selu ba trabalhador sira, métodu servisu, pagamentu no sansaun bainhira trabalhador sira la tama serbisu.

Nune'e mós sorumutu aprovizionamentu comunidade atu esplika ba comunidade no kompania ka fornecedor sira kona-ba prosesu aprovizionamentu. Prosesu ne'e atu define valór no métodu aprovizionamentu, tipu

pakote materiál, identifika kandidatu fórneseedor elizível, selesaun ba fórneseedor manan nain no selebra kontratu ho forneseedor.

Hafóin finaliza prosesu sorumutu mobilizasaun traballadór no prosesu sorumutu aprovizionamentu comunidade, FPA kontinua apoiu ES hahú planu implementasaun projetu, inklui submete pedidu fornese/kompras materiál, fórneseментu materiál, simu no verifika materiál, halo pagamentu no hahú konstrusaun. Komunidade nia envolvimentu no partisipasaun iha proseu ne'e importante tebes no obrigatóriu, ne'eduni tenke envolve ema barak, bainhira posível. Importante mós garante partisipasaun feto sira, enkoraza ema ho defisiénsia sira nia familia no marjinalizadu (kiak tebes) iha comunidade atu mai partisipa mós iha sorumutu ne'e.

6.1. Objetivu

- a. Sorumutu Mobilizasaun Traballadór.
 - Atu identifika traballadór (feto, mane no EHD) ne'ebé hakarak sai traballadór ba projetu Suku.
 - Halo konkordansia kona ba-insentivu ba traballadór sira no
 - Halo konkordansia ho traballadór sira kona-ba métode servisu ne'ebé atu aplika no métodu pagamentu traballadór nian.
- b. Sorumutu Aprovizionamentu Komunidade.
 - Atu prepara planu aprovizionamentu hodi defini pakote materiál, metodu aprovizionamentu no defini fórneseedor atu fornese materiál konstrusaun.
 - Atu prepara planu sosa materiál konstrusaun no fornese materiál konstrusaun ba projetu molok hahú konstrusaun.
 - Atu identifika no dokumenta kontribuisaun comunidade.

6.2. Autór no Fasilitadór Sira

Autór no fasilitador iha sorumutu mobizasaun traballadór no prosesu aprovizionamentu mak ES, Konsellu Suku, grupu O&M (karik iha), Komunidade no Ekipa PNDS Postu no Munisípiu no mós kandidatu kompania forneseedor sira.

6.3. Sorumutu mobilizasaun traballadór

Fasilitadór Suku organiza fatin sorumutu ne'ebé sentru no fasil ba ema hotu atu atende. Karik projetu ne'ebé propoin ona fó benefisiu deit Aldeia ida ka rua, organiza sorumutu besik ba Aldeia hirak ne'e no tenke fó konvite ba ema hotu iha Aldeia hirak ne'e nia laran. Maske nune'e, sorumutu ida ne'e nakloke ba ema hotu iha Suku laran tomak atu mai atende, karik sira interesadu. Intensaun ida husi mobilizasaun traballadór mak atu garante

katak kada ema husi uma-kain hotu hetan loron balun hanesan traballadór ho pagamentu insentivu ne'ebé hanesan ho ema seluk durante implementa konstrusaun.

6.4. Rejistu kandidatu traballadór sira

Sorumutu ida ne'e hanesan oportunidade ba EIP atu identifika no rejestu membru comunidade sira ne'ebé hakarak sai kandidatu traballadór no hakarak atu servisu iha konstrusaun projetu PNDS. Kada projetu sei presiza tipu traballadór rua:

1. Traballadór bai-bain ne'ebé la iha abilidade tékniku espesífiku.
2. Traballadór ne'ebé iha abilidade tékniku espesífiku, hanesan badaen, ne'ebé sei sai mós hanesan kordenador ba traballadór sira hodi garante kualidade projetu.

Karik membru husi Grupu O&M mak interesadu atu sai traballadór iha projetu atu kapasita an, EIP sei fó preferensia ba sira atu nune'e sira bele iha kapasidade adekuaudu atu halo O&M tuir planu depois de projetu remata. EIP sei rejesta traballadór sira iha Lista Fórmuláriu Kandidatu ba Serbisu ne'ebé inklui (Naran, Idade, Jeneru, sira nia abilidade no Defisiénsia ka lae). Selesaun ba traballadór sira ne'ebé la iha abilidade tékniku espesífiku hanesan traballadór bai-bain sei identifika husi EIP, la'os Xefe boron ka lider grupu.

Rezultadu ikus husi prosesu ne'e mak sei produz lista traballadór ho abilidade (badaen) no traballadór la iha abilidade/bain-bain ne'ebé inklui traballadór mane, feto, ema ho defisiénsia iha abilidade ka sira nia familia no garante kada uma kain iha membru ida iha lista kandidatu traballadór.

Karik badaen laiha iha Suku laran, EIP bele uza badaen husi Suku seluk bainhira konkorda hamutuk ona iha sorumutu Suku nian no inklui ona iha planu serbisu.

Projetu manutensaun ne'ebé laiha insentivu EIP hamutuk ho konsellu Suku no grupu O&M ne'ebé iha sei mobiliza komuindade atu servisu tuir planu. Karik konsellu Suku ruma iha kbiit no hakarak atu fornese insentivu ba traballadór projetu manutensaun ninian grupu O&M bele apoiu jere prosesu.

6.5. Determinasaun insentivu traballadór no métodu pagamentu

Hafóin hetan ona lista kandidatu traballadór sira ba projetu konstrusaun ka rehabilitasaun (projetu manutensaun laiha insentivu), tuir mai iha sorumutu traballadór ne'e moos, EIP ho apoiu husi FPA no ekipa PNDS Postu Administrativu no Munisípiu sei halo ánaliza no kalkulasaun bazeia ba POI hodi halo konkordansia kona-ba insentivu ba traballadór badaen no traballadór bain-bain.

Molok atu desidi kona-ba taxa-insentivu EIP prezisa ható'o ba comunidade no kandidatu traballadór sira (badaen no non-badaen) katak incentivu traballadór sira iha projetu PNDS sei menus liu kompara ho traballadór sira serbisu iha projetu seluk.

Hafóin esplika mós regra kona-ba incentivu nian:

- Pagamentu sei estabese lokálmente, bazeia ba konkordansia ho comunidade durante sorumutu ne'e.
- Kordenador no badaen bele hetan pagamentu ne'ebé áss oituan kompara ho traballadór seluk ne'ebé laiha abilidade.
- Mane no feto sira sei hetan pagamentu incentivu ne'ebé hanesan, inklui ema ho defisiénsia. Ezemplu se feto ida tein ba traballadór sira, sira sei simu incentivu ne'ebé hanesan (montante ne'ebé hanesan ba tempu ne'ebé sira gasta hodi serbisu).
- Pagamentu tenke halo direktamente ba kada traballadór individual – sei la permite atu halo pagamentu liu husi kordenador ka kordenador ekipa.
- Tenke halo pagamentu iha públiku ho mazumenus sasin na'in rua, inklui membru KPR ida.
- Traballadór badaen sei hetan pagamentu bainhira sira kompleta ona servisu tuir kontratu
- Xefe EIP sei verifika katak serbisu ne'ebé kompleta ona tuir padraun ne'ebé iha.

6.6. Métopu Serbisu no Pagamentu

Implementasaun projetu PNDS iha terenu utiliza métopu serbisu rua mak hanesan:

1. Métopu Serbisu loron-loron

Serbisu ne'ebé comunidade sira konkorda hamutuk atu halo serbisu loron-loron no pagamentu (selu) hala'o bazeia ba totál loron serbisu ne'ebé traballadór ne'e ezerse. Ezemplu, traballadór serbisu loron lima, pagamentu halo ba loron lima deit, la preokupa serbisu ne'e hotu ka la hotu.

2. Métopu Servisu borongan (pakote)

Serbisu ne'ebé comunidade sira konkorda hamutuk atu halo serbisu tuir pakote kontratu no pagamentu (selu) halo bainhira traballadór sira finaliza ona pakote serbisu ne'ebé estipula iha kontratu. Ezemplu, pakote serbisu hatete pagamentu halo bainhira finaliza konstrusaun 100%, la preokupa serbisu loron hira importante mak konstrusaun hotu.

Bazeia ba métopu serbisu rua ne'ebé hatete ona iha leten, EIP ho apoiu husi Ekipa PNDS Postu (FPA) halo konkordansia ho traballadór sira atu bele hili métopu serbisu ida ne'ebé mak di'ak no efikáz liu.

6.7. Prosesu Aprovizionamentu

ES ho apoiu husi Ekipa PNDS Postu no Munisípiu sei halo prosesu sorumutu aprovizionamentu comunidade tuir prosesu hotu hatete ona iha matadalan aprovizionamentu nian. Prosesu ne'e atu define valór no métodu aprovizionamentu, tipu pakote materiál, identifika kandidatu fórnecedor elizivel, hili fórnecedor manan nian no asina kontratu. Importante mak tenke bazeia nafatin ba Prinsípiu fundamentál husi aprovizionamentu bainhira uza fundu PNDS.

6.7.1. Objetivu husi prosesu aprovizionamentu iha nivel Suku

- Halo fasil ES sira hetan fórnecedor ne'ebé mak fornese materiál ho kualidade no efikáz hodi aselera prosesu implementasaun.
- Garante fórnementu materiál ne'ebé ho kualidade di'ak tuir espesifikasaun ne'ebé estipula iha kontratu no garante transportasaun materiál bele to'o iha fatin projetu tuir tempu ne'ebé determinadu no ho kualidade no fólin di'ak.
- Hafórsa independénsia no responsabilizasaun husi membru konselu Suku, ES no comunidade.
- Harii kapasidade no abilidade membru konsellu Suku, ES no Komunitade sira ba halo prosesu aprovizionamentu.
- Prevene korupsaun, koluzau, nepotizmu liu husi implementasaun ne'ebé transparente no responsavel

6.7.2. Partisipante iha prosesu aprovizionamentu.

Partisipantes iha prosesu aprovizionamentu mak membru Konsellu Suku sira, Fórnecedor ká kompañia sira ba projetu PNDS, no mós ajénsia tutela sira seluk.

6.7.3. Etapa Aprovizionamentu.

Etapa aprovizionamentu deskreve hanesan iha kraik nee:

a. Planu Aprovizionamentu.

Iha planu aprovizionamentu FTPA no FFPA sei apoiu EIP hodi prepara POI, presu materiál ba item sira iha kada pakote, fabrikado, non fabrikado no espesifiku ne'ebé koloka ona iha POI sei halo ligasaun (link) automatika ho formatu planu aprovizionamentu FF 16 ho objetivu atu hafasil EIP hodi defini valór no métodu aprovizionamentu (to'o USD 10,000 no boot liu USD 10,000) no preparasaun pedidu kotasaun (FF18).

b. Anunsiu Infórmasaun.

Atividade anunsiu informasaun hahú depois FF 18 ba kada pakote finaliza ona. Atividade ne'e lidera husi EIP no apoiu husi Ekipa Munisípiu no Postu Administrativu. Objetivu atu fó informasaun públiku kona-ba loke

oportunidade ba fórneseedor sira atu rejistu hodi kompete ba tenderizasaun iha fórneseamentu sasan no servisu spesifiku sira iha PNDS.

c. Rejistu Kandidatu Fórneseedor.

Atividade rejistu Fórneseedor ká kompañia sira iha prosesu aprovizionamentu nu'udar pasu importante ida, liliu ba valór no metodu aprovizionamentu solisitasaun kotasaun. Sei lidera husi Xefe EIP no hetan apoiu husi Diretór SMA-PNDS, Enjineru/a Munisípiu no FTPA. Objetivu husi etapa ne'e mak atu halo selesaun administrasaun ba dokumentu husi kada fórneseedor no hetan rezultadu lista rejistu Fórneseedor ká kompañia sira ne'ebé kualifikadu atu kompete.

d. Sorumutu Fórneseedor iha nivel Munisípiu ká Postu Administrativu (PA).

Sorumutu Fórneseedor iha nivel Munisípiu/Postu hala'o entre ES ho Fórneseedor ká kompañia sira ne'ebé kualifikadu. Xefe EIP tenke marka prezensa atu bele fahe informasaun detallu kona-ba kondisaun fatin projetu no distribui kotasaun. Atividade ne'e fasilita husi Ekipa PNDS Munisípiu no Postu Administrativu.

Objetivu husi etapa ida ne'e:

- Fórneseedor ká kompañia sira bele komprende kona-ba prosesu aprovizionamentu no kondisaun fatin projetu iha Suku.
- Enkoraja Fórneseedor ká kompañia sira atu partisipa iha prosesu aprovizionamentu nivel Suku.

e. Distribui, simu/kolekta kotasaun.

Prosesu submete no simu kotasaun lidera husi Xefe EIP/ES no akompañia husi FPA. Funsionariu PNDS la bele no la autoriza atu simu kotasaun.

Objetivu husi etapa ida ne'e:

- Fórneseedor sira bele submete kotasaun husi kada pakote bazeia ba planu/oráriu kada Suku.
- Xefe EIP/ES fasil atu simu, halo lista no rai kotasaun husi Fórneseedor ká kompañia sira.

f. Loke no avalia kotasaun ká lista levantamentu no fó sai rezultadu

Prosesu sorumutu avaliasaun no fó sai rezultadu lidera husi KPR, fasilita husi fasilitador postu administrativu no apoiu husi ekipa munisípiu. Importante tebes molok fó sai rezultadu FPA no munisípiu prezisa apoiu halo verifikasaun ba kada kotasaun ba total presu horizontal no moos vertikal. Garante evita influénsia opiniaun pesoál lider lokál ká parte seluk ne'ebé ho intensaun ba parte ruma ká atu dezvia prosesu transparansia, justu no responsavel.

g. Asina Kontratu.

Atividade asina kontratu husi prosesu aprovizionamentu ne'e lidera husi Prezidente KPR, apoiu husi Sekretáriu/a KPR, EIP, EF no Fasilitadór Postu Administrativu. Tipu kontratu iha prosesu aprovizionamentu:

- FF 20 (Kontratu aprovizionamentu), ba pakote 1, 2 no 3;
- FF 21 (Kontratu aprovizionamentu) ba pakote 3 – atividade perfurasaun no instalasaun makina bomba.

Notas: Detallu kona-baprocesuaprovizionamentu refere ba Kapitulu 3. Prosesu Aprovizionamentu no Matadalan Aprovizionamentu Komunitade.

h. Hahú konstrusaun.

FTPÁ sei suporta EIP hahú prepara planu kompras no fornese materiál kada projetu ba Suku ne'ebé prosesu aprovizionamentu finaliza ona no submete ba fórneseedor ká kompras direta bazeia ba métodu aprovizionamentu kada pakote, nune'e fórneseedor bele fornese sasan ba fatin projetu hodi hahú konstrusaun.

Atu hahú implementa konstrusaun, sei hala'o tuir prosesu hirak tuir mai ne'e:

- Submete pedidu kompras ba fórneseedor.

EIP ho apoiu husi FTPÁ sei prepara planu pedidu, hodi halo kompras no fornese materiál bazeia ba oráriu ka planu servisu (utiliza fórmatu FT 9.1.3 ká FT 9.1.4) no priénxe item materiál/sasan sira ne'ebé presiza iha kada faze konstrusaun hodi submete ba iha Munisípiu. Enjineiru Munisípiu no Kontabilista Munisípiu sei verifica espesifikasaun, kuantidade no presu materiál bazeia ba kotasaun no lista levantamentu.

- Fórneseimentu materiál.

Hafóin lista pedidu materiál verifica ona katak los, EIP ho akompañamentu husi FTPÁ sei lori pedidu refere ba fórneseedor "manan nain" hodi esplika dala ida tan ba fórneseedor kona-ba pedidu materiál bazeia ba Lista pedidu (FT 9.1.3/FT 9.1.4). Ho nune'e, fórneseedor entende didi'ak kona-ba espesifikasaun materiál, kuantidade no diresaun ka fatin projetu, atu nune'e bele fornese materiál konstrusaun tuir espesifikasaun no kuantidade ne'ebé estipula ona iha karta pedidu forneseimentu materiál.

- Simu no verifica materiál no Pagamentu fórneseedor.

Fórneseedor sei distribui/fornese materiál ba fatin projetu bazeia ba lista pedidu materiál. FTPÁ no EIP presiza iha fatin projetu atu simu no verifica materiál sira ne'e hodi garante materiál sira ne'e bazeia ba lista pedidu. Karik iha materiál balun la tuir pedidu EIP presiza toma nota ká hato'o fila fali ba fórneseedor hodi troka fali. Iha tempo hanesan fórneseedor presiza lori/submete kedas resibu/invoice ba Tezoreiru EIP, hodi bele verifica no bainhira verifikadu ona no tuir ona kuantidade no espesifikasaun sira estipula iha pedidu, FFPA sei apoiu

Tezoreiru hodi prepara planu (FF6), kupon autorizasaun no KPR sei aprova hodi submete ba Munisípiu halo verifikasaun ikus no prosesu pagamentu tranferensia ba konta banakaria fórnecedor.

FFPA no KM garante katak pagamentu ba utilizaun fundus infraestrutura dahuluk la bele liu husi 50%. EIP sei rai materiál, facilidades no ekipamentu projetu nian besik fatin konstrusaun no asegura katak sasán hirak ne'e seguru. Karik nesesáriu sira sei harí armazen ida iha fatin konstrusaun ka uza facilidades seluk husi comunidade (ezemplu: eskola ka uma comunidade no seluk tan).

- Hahú Konstrusaun.

EIP hahú koordena ho FTPA ba planu servisu no hahú konstrusaun. Durante konstrusaun ne'e la'o, EIP ho assisténsia husi FTPA presiza halo fiskalizasaun atu hatene kada faze konstrusaun ne'e hala'o ho di'ak no utiliza materiál ne'ebé los. Autór sira seluk hanesan FPA, Kontabilista Munisípiu no Enjeñeiru Munisípiu mós sei tau matan ba konstrusaun no relatóriu finansas, liu husi vizita régular hodi oferese suporta tékniku no superviziona implementasaun projetu bazeia ba dezeńu no orsamentu ne'ebé aprova ona. Fasilitadór Sosiál tulun KPR superviziona implementasaun atu asegura partisipasaun másimu husi comunidade hotu, tulun rezolve keixa, hato'o relatóriu, no seluk tan.

Etapu 7. Sertifikasaun no Sorumutu Responsabilizasaun Dahuluk (SRD)

Etapu ida ne'e mak atu verifika progresu konstrusaun no atu hare prosedimentu no gastus sira husi subsidiu Suku ba ezekeusaun 50% dahuluk, la'o tuir mata-dalan no regras PNDS nian no sei hato'o ba comunidade liu husi Sorumutu Responsabilizasaun Dahuluk (SRD). KPR, FTPA no FFPA sei halo uluk sertifikasaun ba progresu fíziku mínimu 30% no gastus atinji entre 35% - 50% aprovalu.

KPR sei organiza sorumutu akontabilidade comunidade hodi apresenta ba públiku kona-ba relatóriu progresu husi EIP, hanesan levantamento osan husi banku, gastus ne'ebé simu no utiliza ona inklui rezultadu progresu fíziku. Sorumutu ne'e nakloke ba ema hotu no enkoraja fetu sira atu atende, inklui sira ne'ebé iha fatin projetu no sira ne'ebé mak serbisu ba projetu. KPR hodi comunidade nia naran simu no aprova relatóriu husi EIP kona-ba fundus ne'ebé gasta ona to'o agora no progresu serbisu fíziku, hodi kontinua utilizasa fundus infraestrutura ba kompleta konstrusaun.

7.1. Objetivu

Objetivu Sorumutu Responsabilizasaun Dahuluk (SRD), katak:

- Atu asegura katak Ekipa PNDS Postu Administrativu (FPA) halo verifikasaun ba relatóriu finansas no avaliasaun kualidade konstrusaun tuir padraun PNDS no fó sai Sertifikadu Aseitasaun.
- Atu asegura katak ES relata rezultadu utilizaun fundus infraestrutura la liu husi 50% (Gastus kontra progresu orsamentu no progresu fiziku) inklui partisipasaun no kontribuisaun comunidade.
- Aseitasaun comunidade, hodi bele utiliza fundus Infraestrutura ba finaliza konstrusaun.

7.2. Autór no Fasilitadór sira iha Sertifikasaun finál no Sorumutu Akontabilidade Ikus

Autór ne'ebé envolver iha prosesu ne'e mak: ES, Konsellu Suku, grupu O&M (karik iha), Komunitade no Ekipa PNDS Postu Administrativu, Munisípiu no parte interesante seluk.

7.3. Sertifikasaun Dahuluk

FTPA no FFPA hamutuk ho KPR, sei ezamina no sertifika progresu projetu Suku no fundus ne'ebé gasta ona, sei utiliza fórmatu sertifikadu aseitasaun (FT 10.3.1). Ida ne'e ho intensaun atu verifika EIP nia relatóriu kona-ba gastus kontra progresu orsamentu no progresu fiziku. Ho nune'e, prosesu sertifikasaun sei tau atensaun ho kondisaun tolu, hanesan tuir mai ne'e:

- Utilizasaun osan atinji ona 35% - 50% husi fundus infraestrutura (FF 14)
- Progresu fiziku mínimu atinji ona 30% (TF 10.3.1).
- FSPA moos sei apoiu Prezidenti KPR nia relatóriu monitorizasaun durante prosesu implementasaun ne'ebé konsentra ba partisipasaun/kontribuisaun comunidade, kestaun sosiál, koordenaun setór no seluk tan (Lista partisipante, SF 6.1/6.2/6.3)

Tuir mai haktuir prosesu sertifikasaun finansas no Tékniku ne'ebé sei hala'o husi FFPA no FTPA. FFPA hamutuk ho KPR sei verifika relatóriu finansas no utiliza fórmatu monitorizasaun jestaun finanseiru (FF 14) atu hare pontus monitorizasaun hanesan:

- Politika finanseiru no aprovizionamentu (planu no mekinizmu hasai fundus no política aprovizionamentu).
- Sistema kontabilidade (kupon pagamentu, resibu/invoice, prence livru osan no banku han malu, no inkuli dokumentu suporta seluk tenke arkivu).
- Sistema aprovizionamentu, (planu aprovizionamentu (FF 16), pedidu kotasaun (FF 18) no kontratu (FF 20 no FF 21) bazeia prosesu aprovizionamentu no arkivu iha Suku).
- Transparansia, (FF 12 prepara kada fulan no arkivu iha Suku. Komunitade ne'ebé hakarak hatene bele haree iha kuadru avizu ka arkivu Suku).

Bainhira KPR no FFPA finaliza ona sertifikasaun ba relatóriu finansas, ikus sei fó avaliasaun ba relatóriu finansas ho kategoria satisfatoriu, moderadu no la satisfatoriu inklui rekomendasaun ká notas balun presiza hadia ká kompleta molok hala'o SRD.

FTPAA hamutuk ho KPR sei halo prosesu sertifikasaun no "check list" padraun ba konstrusaun hanesan tuir mai ne'e:

- EIP notifika ba KPR no FTPAA kona-ba progresu konstrusaun.
- FTPAA hamutuk ho KPR utiliza fórmata FT.9.3. Revista Qualidade Konstrusaun (RKK) ba inspeksaun konstrusaun (FT 9.3.1 – FT 9.3.9).
- Lori ho dezeńu projetu bainhira ba halo sertifikasaun hodi bele refere ba dezeńu ho projetu atuál.
- Karik deskobre defeitu ruma, sei fó sai FT. 11.2.3. Lista Defeitu hodi bele hadiak.
- Mesmu iha lista defeitu, sorumutu bele la'o nafatin no lista defeitu ne'e sei hadia depois sorumutu dahuluk ne'e.

Relatóriu finanseiru verifika los ona, inspeksaun konstrusaun hala'o ona no laiha kestaun sosiál ruma ne'ebé afeta projetu, FPA sei fó sai Sertifikadu Aseitasaun (SA) FT.10.3.1 no ES bele planeia Sorumutu Responsabilizasaun Dahuluk (SRD).

7.4. Sorumutu Responsabilizasaun Dahuluk (SRD)

EIP organiza Sorumutu Akontabilidade iha Suku ho membru KPR no membru Konsellu Suku sira. Sorumutu ne'e sei lidera husi Prezidente KPR no nakloke ba ema hotu ne'ebé iha vontade atu atende inklui feto, mane no EhD sira. Konsidera distansia, KPR bele sujere ba EIP atu organiza sorumutu akontabilidade iha fatin ne'ebé sentru ka Aldeia ne'ebé besik ba fatin konstrusaun infraestrutura atu nune'e, ema hotu iha Suku refere bele atende ka partisipa. EIP sei relata relatóriu gastus no progresu qualidade konstrusaun ne'ebé hetan aseitasaun ona husi comunidade. KPR sei aprova relatóriu EIP ne'e iha Sorumutu Akontabilidade Dahuluk, hodi sai hanesan kondisaun ba kontinua utilizasaun subsídiu Suku hodi finaliza konstrusaun projetu ba tinan refere.

Hanesan mensiona iha leten katak minutas husi sorumutu akontabilidade no sertifikasaun sei rekorda, arkiva no públika iha kuadru avizu comunidade nian.

Ojetivu husi Sorumutu Responsabilizasaun Dahuluk (SRD) mak:

- Apresenta saida mak EIP atinzi ona no sira nia dezempeñu durante siklu implementasaun projetu.
- Apresenta rezultadu monitorizasaun KPR nian – hanesan progresu konstrusaun, jestaun finanseira inklui fraude/mal jestaun, partisipasaun comunidade no seluk tan.

- Fó oportunidade ba comunidade atu ható'o sira nia hanoin kona-ba konstrusaun, krítiku ruma no fó sujestaun kona-ba dalan atu hadi'ak jestaun konstrusaun.
- Fó oportunidade ba comunidade atu avallia sira nia satisfasaun ho rezultadu konstrusaun, inklui mudansa ba métodu implementasaun (karik iha).
- Dokumenta aseitasaun husi comunidade ba utilizaun fundu no rezultadu konstrusaun.

7.5. Prepara no apresenta relatóriu akontabilidade

Molok data sorumutu responsabilizasaun, FPA tenki apoiu membru ES sira hodi prepara apresentasaun sira inklui fasilita no fó treinu ba apresentador sira. FFPA sei tulun tezoreiru EIP prepara relatóriu finansas (gastu Operasionál no Infraestrutura) iha fórmatu FS 4.5. FTPA sei apoiu Xefe EIP prepara sumáriu relatóriu responsabilidade (SAR) iha fórmatu FS 4.2, no KPR ho apoiu husi FSPA prepara relatóriu fiskalizaun no monitorizasaun FS 4.4 liga ba partisipasaun, kontirbuisaun comunidade, koordinasaun ho lider lokál no formasaun ba ES. Ikus liu presiza prepara ajenda no hasai konvite kona-ba data, fatin no dokumentus seluk ne'ebé presiza ba sorumutu ne'e.

7.6. Hala'o Sorumutu Responsabilizasaun Dahuluk (SRD)

Prezidente KPR sei lidera sorumutu SRD, hamutuk ho estrutura ES seluk no Konsellu Suku no grupu O&M (karik iha) hodi relata rezultadu servisu ne'ebé atinji ona, no Tezoreiro EIP, Xefe EIP no KPR sei apresenta relatóriu ne'ebé prepara ona. Enkoraza partisipante sira atu husu pergunta ka klarifikasaun liu tan ka fó komentáriu, liu-liu feto no ema ho defisiénsia sira. Iha diskusaun KPR no Xefe Suku tenke garante katak sei la iha hakilar malu, ofende malu, dun malu no labele utiliza linguazen ka lia fuan ne'ebé la respeitu malu durante apresentasaun no diskusaun. Prosesu tomak sei la'o tuir ajenda sorumutu nian, presiza hakerek no dokumenta iha minutas sorumutu akontabilidade (FS 4.1).

7.7. Aseitasaun Minutas Sorumutu

Hafóin Sorumutu akontabilidade remata, ikus liu Prezidenti KPR ka EF sei husu aseitasaun comunidade ba relatóriu finansas, tékniku no sosiál, karik aseita KPR sei aprova minuta sorumutu ho kuñesimentu husi Xefe Suku iha minutas FS.4.1. Hafóin sorumutu akontabilidade remata, ikus liu Prezidenti KPR ka EF sei husu aseitasaun comunidade ba relatóriu finansas, tékniku no sosiál, karik aseita KPR sei aprova minuta sorumutu ho kuñesimentu husi Xefe Suku iha minutas FS.4.1. EF sira sei publika rezultadu sorumutu nian hotu iha kuadru notifikasaun públiku, no haruka FS 4.1 no FS. 1.1 ba MIS hodi hatama iha sistema IDA, *scan* no manda dokumentu sira ne'e ba ekipa Sosiál Nasionál hodi arkiva.

Kontinua utiliza fundu infraestrutura daruak hodi kompleta konstrusaun ho monitorizasaun regulár husi KPR, FPA no mós ekipa PNDS Munisípiu.

Etapa 8. Sertifikasaun no Sorumutu Responsabilizasaun Ikus (SRI)

Nudar etapa ikus husi prosesu hotu iha siklu implementasaun PNDS, iha ne'ebé ES sei konklui sira nia servisu durante siklu implementasaun ida no entrega obra ba comunidade/benefisiariu. Tuir prosedimentu mata-dalan no regulamentu PNDS, bainhira progresu konstrusaun kompleta ona 100% ekipa EM no KM sei ezamina no sertifika progresu fíziku projetu no utilizasaun subsídiu Suku (gastus Operasionál no Infraestrutura).

Ho aseitasaun husi comunidade, KPR simu no aprova relatóriu husi EIP kona-ba fundus ne'ebé gasta ona to'o agora no projetu fíziku atinji 100% ho kualidade tuir padraun. Hafóin entrega obra ba iha comunidade/benefisiariu no planu Operasaun & Manuntesaun (O&M) husi konsellu Suku no comunidade beneficiariu facilidades.

Ba projetu bee moos, ekipa GMF sei simu sira nia knaar hodi foti responsabilidade másimu ba jestaun facilidade bee moos nian, inklui halo atividade treinamentu, administrasaun, mobilizasaun comunidade ba operasaun no manutensaun facilidade.

8.1. Objetivu

- Ekipa PNDS Munisípiu (EM no KM) verifica relatóriu finansas no avaliasaun kualidade konstrusaun tuir padraun PNDS. Fó sai Sertifikadu Kompletasaun no Aseitasaun (FT 11).
- Hala'o Sorumutu Akontabilidade Ikus, ES relata rezultadu utilizasaun fundus (Gastus kontra Progresu Orsamentu no progresu fíziku) inklui partisipasaun no kontribuisaun comunidade.
- Aseitasaun comunidade, entrega obra no planu operasaun no manutensaun.

8.2. Autór no fasilitador iha SRI

Autór ne'ebé envolve iha prosesu SRI maka ES, Konsellu Suku, Komunidade no Ekipa PNDS Postu, Munisípiu no setór relevante sira seluk.

8.3. Sertifikasaun Finál

Enjineiru Munisípiu no Kontabilista Munisípiu no akompana husi FPA, sei verifica no sertifika progresu projetu Suku no utilizasaun fundus bainhira konstrusaun kompleta ona 100%, utiliza fórmatu sertifikasaun, kompletasaun no aseitasaun (FT 11.2.2). Ide ne'e ho intensaun atu verifica relatóriu EIP nian ba gastus kontra

Progresu Orsamentu no progresu fiziku. KPR nia monitorizasaun kona-ba prosesu implemetasaun konsentra ba partisipasaun/kontribuisaun komidade, kestaun sosiál, koordenasaun setór no seluk tan.

Tuir mai haktuir prosesu sertifikasaun finansas no Tékniku ne'ebé sei hala'o husi EM no KM.

- a. KM hamutuk FFPA sei verifika relatóriu finansas no utiliza fórmatu monitorizasaun jestaun finanseiru (FF 14) atu verifika pontus monitorizasaun hanesan:
 - Politika finanseiru no aprovizionamentu (planu no mekanizmu hasai fundus no política aprovizionamentu).
 - Sistema Kontabilidade (kupon pagamentu, resibu/invoice, prienxe livru osan no livru banku tenki hatudu balansu hanesan, no inklui dokumentu suporta seluk tenke arkivu).
 - Sistema Aprovizionamentu, (planu aprovizionamentu (FF 16), pedidu kotasaun (FF 18) no kontratu (FF 20 no FF 21) bazeia ba prosesu aprovizionamentu no arkivu iha Suku).
 - Transparansia (FF 12 prepara kada fulan no arkivu iha Suku. Komidade ne'ebé hakarak hatene bele haree iha kuadru avizu ka arkivu Suku).

Kontabilista Munisípiu (KM) remata sertifikasaun ba relatóriu finansas, tuir mai sei fó avaliasaun ba relatóriu finansas ho kategoria satisfatoriu. Karik menus husi satisfatoriu sei inklui ho rekomendasaun ká notas kona-ba asuntu ne'ebé presiza hadiak ká kompleta molok hala'o Sorumutu Responsabilidade Ikus.

- b. EM hamutuk ho KPR sei halo prosesu sertifikasaun no lista revista padraun ba konstrusaun hanesan tuir mai.
 - EIP ho FTPA sei notifika ba EM kona-ba progresu konstrusaun finál.
 - EM hamutuk ho FTPA, utiliza FT.9.3. Revista Kualidade Konstrusaun (RKK) ba inspesaun konstrusaun (FT 9.3.1 – FT. 9.3.9).
 - Lori ho dezeńu projetu bainhira ba halo sertifikasaun hodi bele refere ba dezeńu ho projetu atuál.
 - Durante verifikasaun projetu tuir padraun PNDS no la iha lista defeitu EM bele fó sai ona sertifikadu kompletasaun no aseitasaun (FT 11.2.2).
 - Wainhira deskobre defeitu ruma, sei fó sai lista defeitu hodi bele hadiak. Uza FT. 11.2.3 no sei la'o tuir diagrama lista defeitu no hetan fila fali aseitasaun.
 - Halo ona inspeksaun finál ba konstrusaun no verifiksaun finál ba relatóriu finanseira, verifika katak Projetu konstrusaun KOMPLETA ONA ho kualidade ASEITAVEL no relatóriu finanseira VERIFIKA no APROVA ona. EM no KM sei fó sai Sertifikadu Kompletasaun no Aseitasaun (SKA) FT 11.2.2 no ES bele planeia Sorumutu Responsabilizasaun Ikus (SRI).

8.4. Sorumutu Responsabilizasaun Ikus (SRI)

EIP organiza Sorumutu Akontabilidade iha Suku ho membrus KPR feto no mane sira, membru Konsellu Suku, fórnecedor inklui membrus seluk husi comunidade. Sorumutu sei lidera husi Prezidente KPR no nakloke ba ema hotu ne'ebé iha vontade atu atende, ba feto no mane sira. KPR konsidera distansia no asesibilidade, bele sujere EIP atu organiza sorumutu akontabilidade iha fatin sentru ka sede Suku atu nune'e ema hotu bele partisipa. EIP sei relata relatóriu finál gastus no progresu kualidade kontruksaun ne'ebé atinji 100%, inklui observaun no monitorizasaun KPR ba partisipasaun, kontribuisaun comunidade, formasaun ba ES no kordenasaun. KPR loke diskusaun hodi fó oportunidade ba comunidade, benefisiáriu, membru konsellu Suku, grupu O&M no parte seluk sira nia komentariu, apresiasaun ba relatóriu EIP no monitorizasaun KPR.

KPR hodi comunidade nia naran simu no aprova relatóriu husi EIP kona-ba fundus ne'ebé gasta ona to'o agora no kualidade no progresu fíziku 100%.

Objetivu Sorumutu Responsabilizasaun Ikus (SRI) mak:

- Apresenta saida mak EIP atinzi ona no sira nia dezempeñu durante siklu projetu.
- Apresenta rezultadu monitorizasaun KPR nian – hanesan oinsa lala'ok konstrusaun, jestaun finanseira – iha fraudas/mal jestaun ruma? Rezultadu?
- Fó oportunidade ba comunidade atu hatu'o sira nia hanoin kona-ba konstrusaun, krítiku ruma no fó sujestaun implementasaun iha futuru.
- Fó oportunidade ba comunidade atu avallia sira nia satisfasaun ho rezultadu konstrusaun.
- Dokumenta aseitasaun husi comunidade ba utilizasaun fundu no rezultadu konstrusaun.

8.5. Prepara no apresenta relatóriu akontabilidade

Molok data sorumutu responsabilizasaun, FPA mantein apoiu membru ES sira iha preparasaun apresentasaun kada ekipa inklui fasilita no treinu apresentador sira. FFPA sei tulun tezoreiru prepara relatóriu finansas (gastu Operasionál no Infraestrutura) iha fórmatu FS 4.5. FTPA sei apoiu Xefe EIP prepara sumáriu relatóriu responsabilizasaun (SAR) iha fórmatu FS 4.2, no KPR ho apoiu husi FSPA prepara relatóriu fiskalizasaun no monitorizasaun liga ba partisipasaun, kontribuisaun comunidade, koordenasaun lider lokál no formasaun ES. Ikus liu presiza prepara ajenda no hasai konvite kona-ba data, fatin no dokumentus seluk ne'ebé presiza iha sorumutu.

8.6. Hala'o Sorumutu Responsabilizasaun Ikus (SRI)

Prezidente KPR sei lidera sorumutu ne'e hamutuk ho estrutura ES seluk hodi relata rezultadu servisu ne'ebé atinji ona, no kada estrutura (Tezoreiru, Xefe EIP no KPR) sei apresenta relatóriu ne'ebé prepara ona. Enkoraza partisipante sira atu husu pergunta ka klarifikasaun liu tan ka fó komentáriu, liu- liu feto sira no ema ho kondisaun defisienti no garante moos sei laiha hakilar, hotar malu, hahalok sarkastiku no lia fuan ne'ebé la respeitu ema durante apresentasaun no diskusaun. Prosesu tomak sei la'o tuir ajenda sorumutu nian no presiza hakerek no dokumenta iha minutas (FS 4.1).

8.7. Aseitasaun minutas sorumutu

Hafóin Sorumutu responsabilizasaun remata, ikus liu Prezidente KPR ka EF sei husu aseitasaun comunidade ba relatóriu finansas, tékniku no sosiál. Hafóin Sorumutu responsabilizasaun remata, ikus liu Prezidente KPR ka EF sei husu aseitasaun comunidade ba relatóriu finansas, tékniku no sosiál. Karik aseita ona, KPR sei aprova minuta sorumutu ho kuñesimentu husi Xefe Suku iha minutas FS.4. EF sira sei taka rezultadu sorumutu nian hotu iha kuadru notifikasaun públiku. Haruka FS 4.1 no FS. 1.1 ba MIS hodi hatama ba iha sistema, *scan* no manda dokumentu sira ne'e ba ekipa sosiál iha ST-PNDS iha Munisípiu atu bele arkivu.

8.8. Entrega Fasilidade ba konsellu Suku no benefisiáriu (komunidade ka setór relevante sira)

Ikus liu, husi atividade SRI mak KPR sei fasilita entrega fasilidade sira husi EIP ba Konsellu Suku, benefisiáriu no setór relevante hodi kontinua halo operasaun no manutensaun ba facilidades refere.

8.9. Hala'o Planu Operasaun & Manuntesaun (O&M) husi Konsellu Suku (KS) no comunidade benefisiáriu facilidades hala'o Planu Operasaun & Manutensaun (O&M) husi Konsellu Suku (KS) no comunidade benefisiáriu facilidades.

Bainhira konstrusaun remata ona, KPR sei koordena ho grupu O&M (ezemplu, GMF ba bee) atu hala'o servisu tuir planu O&M ne'ebé determina ona no koordena moos ho comunidade atu tuir ona regulamentus ne'ebé uluk konkorda ona (ezemplu: comunidade benefisiaru ne'ebé hemu bee husi sistema bee tenke hatama kontribuisaun tarefas O&M ba GMF). Momentu entrega responsabilidade O&M ba GOM ho comunidade di'ak liu konsellu Suku ka KPR konvida setór relevantes (ezemplu, SMASA ba bee moos) atu sai sasin. EIP ho Ekipa Postu Administrativu sei koordena ho Kontabilista Munisípiu/Nasionál hodi prepara dokumentu FF. 15, hodi blokeia temporariamente Suku nia konta bankária infraestrutura, lora 7 (hitu) bainhira SRI remata.

KAPITULU 4

JESTAUN FINANSEIRU KOMUNIDADE

4.1. Alokasaun Subsídium Suku

Tuir Dekretu-Lei nu. 8/2013, 26 Juñu, ne'ebé aprova Rejime Jerál Programa Nasionál Dezenvolvimentu Suku (PNDS) ho nia alterasaun sira inklui alterasaun da ne'en Dekretu-Lei nu. 4/2025, 22 Janeiro, Governu Timor-Leste liu husi Orsamentu Jerál Estadu (OJE) sei aloka subsidiu ho montante hahu husi \$40,000 to'o \$70,000 dolar amerikanu ba 466 suku kada tinan hodi responde nesesidade ba dezenvolvimentu infraestrutura bazika. Maibe montante ne'e bele liu bainhira membru governu responsavel husi area Adminisrasaun Estatal deside atu fo tan apoiu adisional ba suku iha kazu esesional ka fundamaental balun. Suku bele hetan mós fundu adisional ruma liu husi kontribuisaun comunidade ka husi parte eksternal no parseirus dezenvolvimentu sira. GoTL deside atu comunidade suku mós bele utiliza subsidiu infraestrutura suku nian masímu persentazen sanulu resin lima (15%) hodi responde ba problema manutensaun ki'ik ba projetu PNDS anterior sira ne'ebé konstrusaun liu ona tinan rua ba leten.

Sekretariadu Tekniku PNDS sei halo sosializasaun iha nivel Munisípiu kada tinan bainhira Presidente da Republica promulga ona OJE no publika ona iha Journal da Republica, hodi asegura comunidade no parseiru xave sira hetan informasaun loloos kona-ba montante subsidiu suku kada tinan. Subsídium Suku fahe ba parte rua: Fundu Operasionál no Fundu Infrastrutura. Fundu Operasional utiliza hodi finansia atividade sira hanesan enkontru comunidade, formasaun, insentivu ba Estrutura Suco PNDS no kustu administrasaun projetu. Fundu Infrastrutura utiliza hodi finansia no implementa projetu infraestrutura ki'ik hodi responde ba nesesidade dezenvolvimentu suku ne'ebé comunidade identifika hanesan prioridade no teknikamente fasil ba comunidade atu implementa rasik. Bainhira persija, subsidiu ne'e mós bele utiliza hodi sosa ekipamentu ka pesa ba efeitu konservasaun, manutensaun ka reparasaun ba infraestrutura sira ne'ebé harii ona ho finansiamentu PNDS.

4.2. Kalkulasaun Subsídium Suku

Montante subsidiu ne'ebé kada suku atu simu determina liu husi fatór rua hanesan número populasaun no kondisaun remotas ka distánsia suku husi sira nia kapitál Munisípiu. Persentajen 10 -14% husi total alokasaun subsidiu suku sei aloka hanesan fundu operacional suku.

Formula atu kalkula alokasaun subsidiu suku bele haree iha Tabela Kalkulu iha okos ne'e:

Populasaun Suku	Distánsia husi Suku ba Kapitál Munisípiu			
	La Remota	Remota	Remota Tebes	Extremamente Remota
	<10 km	10 – 30 km	30 – 55 km	>55 km
Menus husi 2,000 Totál Subsídium	\$40,000	\$45,000	\$50,000	\$55,000
Operasionál Másimu	\$ 5,000	\$ 5,500	\$ 6,000	\$ 6,500
Infrastrutura Másimu	\$35,000	\$39,500	\$44,000	\$48,500
2,000 to'o 4,500 Totál Subsídium	\$45,000	\$50,000	\$55,000	\$60,000
Operasionál Másimu	\$ 5,250	\$ 5,750	\$ 6,250	\$ 6,750
Infrastrutura Másimu	\$ 39,750	\$44,250	\$48,750	\$53,250
4,500 to'o 7,500 Totál Subsídium	\$50,000	\$55,000	\$60,000	\$65,000
Operasionál Másimu	\$ 5,500	\$ 6,000	\$ 6,500	\$ 7,000
Infrastrutura Másimu	\$44,500	\$49,000	\$53,500	\$58,000
Liu 7,500 Totál Subsídium	\$55,000	\$60,000	\$65,000	\$70,000
Operasionál Másimu	\$ 5,750	\$ 6,250	\$ 6,750	\$7,250
Infrastrutura Másimu	\$49,250	\$53,750	\$58,250	\$62,750

Komunidade mós bele fó kontribuisaun ba servisu PND nian liu husi forma hanesan fornese hahán ka hemu iha enkontru, kontribui ba kustu transporte no kustu infraestrutur sira liu husi forma hanesan kontribui rai, materiál lokál no ka sira nia servisu voluntáriu. Kontribuisaun hirak-ne'e sei sura no inklui iha Planu Orsamentu Implementasaun (POI) no relata iha sorumutu akontabilidade komunidade nian. Suku presiza estabelese Grupu Operasaun no Manutensaun (GOM) ka utiliza grupu seluk ruma ne'ebé estabele sidu ona husi komunidade hodi tau matan ba Operasaun no Manutensaun, no inklui jere fundu ne'ebé halibur husi komunidade ka autoridade komunitáriu sira liu husi taxa utilizadór ka husi uma-kain sira ba objetivu servisu O&M nian.

4.3. Hapara no hamenus subsídiu suku

Governu bele hapara no hamenus alokasaun orsamentu bainhira suku la dezempeñu ho di'ak hanesan:

- Suku la kumpre obrigasaun legál tuir kontratu no akordu sira ne'ebe iha. *Ezemplu: La kumpre kondisaun sira hatur ona iha KSP no AIP, utiliza osamentu la transparente no la iha akontabilidade.*
- Fornese informasaun falsa no la fahe informasaun kona-ba ezelesaun PNDS. *Ezemplu: La publika informasaun, la halo enkontru SRD no SRI, la submete relatoriu mensal*
- Utiliza subsídiu suku la tuir matadalan. *Ezemplu: Osan operasioni Suku uza fali ba infra, fo impresta osan ba ema, la tuir menu indikativu*
- Konstrusaun la konklui tuir siklus implementasaun PNDS. *Ezemplu: Konstrusaun projetu lao tarde, liu tiha tinan ida ho balun*
- La ezelesa ka la implementa projetu prioridade suku tuir matadalan no prosedementu programa nian. *Ezemplu: La ezelesa subsidu Suku ne'ebe iha. Desizaun ne'e sei haforsa ho provas husi rezultadu relatoriu finanseiru, aktividade konstrusaun, monitorizasaun, investigasaun no rezultadu auditoria.*

4.4. Transferénsia Subsidu Suku no nia rekeztus sira

Transferénsia subsidu suku (Fundu Operasional no Infrastrutura) ba konta bankária suku sei hala'o dala ida de'it ka 100% bazeia ba montante ne'ebé mensiona ona iha Kontratu Subvensaun Publiku (KSP) no Akordu Implementasaun Projeitu (AIP) ba kada suku. Rekeztu sira ba transferénsia subsidu suku hanesan tuir mai:

A. Fundu Operasional

Etapa & atividade	Dokumentus
Formasaun ES-PNDS, Estabeleste Ekipa Foun tuir nia tempu ka Reestrutur no Determina Prioridade Suku (Etapa 1)	Minutas Enkontru, Lista Prioridade Final Husi Aldeia, Lista Final Husi Suku
Survey Prioridade, Registu Fornesedor, Enkontru, Formasaun ba ES-PNDS ho Fornesedor inklui Distribui Kotasaun (Etapa 2)	Minutas Enkontru, Formatu Teknik, Lista Fornesedor Elejibel, Materia Formasaun
SRD, Relatoriu Gastus SRD (Etapa 3)	Minutas Enkontru, Dokumentus Financas, Dadus Prezentsaun Gastus
SRI, Relatoriu Gastus SRI, Sertifikasaun Ikus husi Ekipa Munisipiu, Entrega Projeitu ba Benefisiarius (Etapa 4)	Minutas Enkontru, Dokumentus Financas, Dadus Prezentsaun Gastus, Dokumentus Sosial, Lista Aprovasaun husi Munisipiu
Assina Akordu Implementasaun Programa	Kopia ba CPV (sei tau iha Nivel Munisipiu no Nasional)

B. Fundu Infrastrutura

Etapa & atividade	Dokumentus
Survey Prioridade (Etapa 1)	Lista Prioridade Suku Aprova ona (FS 2.4)
Prepara proposta projetu comunidade/PPK (Etapa 2)	Lista Sumario Proposta Prioridade Suku (MOP 4) submete ba Munisípiu hodi halo rekapitulasiun intrega ba PAM
Prosesu Aprovizionamentu (Etapa 3)	KKM hetan aprovasaun (MOP 5)
Hahu Kontrusaun (Etapa 4)	Akordu Implementasaun Projetu (AIP) no Pedidu Transferensia Asina ona (FF.1)
Submete AIP, Pedidu Transferensia, Lista aprovasaun husi KKM sei submete ba ST-PNDS Nasional hodi hetan aprovasaun husi Ministru MAE (MOP 6)	Kopia estratu Konta Bankaria fundu Infraestrutur
Transferensia ba Konta Suku	Kopia ba CPV (sei tau iha Nivel Nasional)

C. Asina Kontratu/Akordu no Pedidu Transferénsia Subsidiu Suku, Asina Kontratu Subvensaun Publiku (KSP)

1. Ba Administrasaun no Autoridade Munisípiu sira asina husi Ministru Administrasaun Estatál ou bele delega ba Prezidente Autoridade Munisipál ho Prezidente Komite Planeamento e Responsabilizasaun (KPR).
2. Ba Autoridade Administrativa de Atauro sei asina husi Prezidente Autoridade Administrativa Atauro ho Prezidente Komite Planeamento e Responsabilizasaun (KPR).
3. Ba RAEOA asina husi Ministru Administrasaun Estatál ou bele delega ba Sekretáriu Ezekutivu PNDS ho Prezidente Komite Planeamento e Responsabilizasaun (KPR).

Asina Akordu Implementasaun Projectu (AIP)

1. Ba Administrasaun no Autoridade Munisipál sira asina husi Prezidente Autoridade Munisipál ho representa Estrutura Suku PNDS Prezidente KPR.
2. Ba Autoridade Administrativa de Atauro sei asina husi presidente Autoridade Administrativa Atauro ho representa Estrutura Suku PNDS Prezidente KPR.

3. Ba RAEOA asina husi Sekretáriu Ezekutivu PNDS ou bele delega ba Diretor Delegasaun Teritorial Oecusse Ambeno ST-PNDS ho representa Estrutura Suku PNDS Presidente KPR.

Asina Pedidu Transferénsia Subsidiu Suku

1. Ba Administrasaun no Autoridade Munisípal sira asina husi Diretor Servisu Munisipál Apoiu PNDS ho Presidente KPR
2. Ba Autoridade Administrativa de Atauro sei asina husi Diretor Agencia Planeamento Atauro ho Presidente KPR
3. Ba RAEOA asina husi Sekretáriu Ezekutivu PNDS nian ou bele delega ba Xefe delegasaun Oecusse Ambeno SE-PNDS ho Presidente KPR

Kontratu Subvensaun Publiku (KSP) no Akordu Implementasaun Projetu (AIP) sei asina tan bainhira hetan fundu adisionál ruma husi governu no parseiru dezvoltamentu ka parte esternal seluk.

Kontratu sira hanesan KSP, AIP no Pedidu Presidente KPR sei uja karimbo Estrutura Suku (ES-PNDS).

4.4.1. Tipu atividade ne'ebe bele finansia (menu indikativu)

Tipu atividade sira ne'ebé bele finansia husi PNDS mak facilidade (Infraestrutura) publiku tuir kritéria sira ne'ebé mak deskreve no atividade sira ne'ebé mensiona iha alterasaun.

Setór no asaun ne'ebé elegível ba finansamentu publiku iha Programa Nasional Desenvolvementu

Suku (PNDS), DM Nu.7/2016 alterasaun dahuluk DM Nu.61/2024,2 Outobru

SETÓRES (Kodigu)	ATIVIDADES	NOTAS
SAUDE (001)	Rehabilitasaun ka ekstensaun Postu Saúde, Sentru Saúde Komunitaria ka Klínka Saúde Maternidade.	Mobiliarius (meza, kadeira, armariu) tenki inklui iha POI. Ba edifisiu tenki iha ona linha eletrisidade, bee mos & saneamentu basiku.
	Konstrusaun, rehabilitasaun ka estensaun ba Rezidência Pesoál Saúde.	
	Konstrusaun ka reparasaun moru ba fatin hirak ne'ebé funsiona daudaun klínikas.	
BEE MOS & SANEAMENTU (002)	Konstrusaun, rehabilitasaun ka konservasaun sistema bee moos.	Gravitasaun, makina bomba (submersible/sentrifugal),

		tanke bee, <i>Hand Pump</i>, kanu distribuisaun, posu, tanke kaptasaun, protesaun bee-matan, torneira públiku.
	Konstrusaun, rehabilitasaun ka konservasaun sintina públiku.	Tenke parte husi instalasaun públika hanesan eskola, klínika, merkadu, ka sentru saude komunitariu.
	Konstrusaun, rehabilitasaun ka konservasaun abastamento Be'e mos.	Ba Munisipiu Dili konstrusaun sira ne'e implementa iha deit area rurais.
	Konstrusaun, rehabilitasaun ka konservasaun fasilidade lavandaria públiku.	
	Instalasaun painel solar ba fasilidade públiku.	
	Konstrusaun, rehabilitasaun ka konservasaun fatin lixu públiku.	
EDUKASAUN (003)	Rehabilitasaun, estensaun Eskola Primeiru Siklu & Segundu Siklu.	Mobíliarius (meza, kadeira, armariu), tenki inklui iha POI. Ba edificiu tenki iha ona linha eletrisidade, bee mos & saneamentu basiku.
	Konstrusaun, rehabilitasaun ka estensaun ba Eskola Pré-Primaria.	
	Konstrusaun, rehabilitasaun ka halo estensaun ba jardim infantil / fatin halimar ba labarik sira.	
	Konstrusaun, rehabilitasaun ka estensaun ba rezidência ba professores.	
	Konstrusaun, reparasaun ka estensaun muru ba fatin hirak ne'ebé funsiona daudaun hanesan Pre - Escolar.	

	Konstrusaun ka rehabilitasaun kintal eskola (Playground).	
	Konstrusaun, rehabilitasaun ka estensaun dapur eskola no aula atendentu merenda eskola.	Ba edifisiu tenki iha ona linha eletricidade, bee mos & saneamentu basiku.
	Konstrusaun ka rehabilitasaun kampu multi funsaun ba pre-eskolar.	
	Canopy ba eskola Pre-eskolar.	
AGRIKULTURA & PESKAS (004)	Konstrusaun ka rehabilitasaun sistema irigasaun no barrajen (taka-bee) agrikultura nian.	Inklui bee kanál, odamatan ba bee, bareiras no satan rai.
	Konstrusaun ka rehabilitasaun mini merkadu.	Ba edifisiu tenki iha ona linha eletricidade, bee mos & saneamentu basiku.
	Reflorestasaun ba áreas desflorestada.	
	Konstrusaun ka Rehabilitasaun Uma ba Extensionista Agricolas.	Ba edifisiu tenki iha ona linha eletricidade, bee mos & saneamentu basiku.
	Portu Peskas.	
OBRAS PUBLIKAS (005)	Konstrusaun ka rehabilitasaun baki hirak ne'ebé proteje raimonu.	Inklui bareiras (tembok penahan) – betaun / hada fatuk, satan rai (bronjong), galeria kuadradu, galeria pipa, plat deker.
	Konstrusaun ka rehabilitasaun estrada rurais.	Inklui estrada rai, britas, betaun, Telford.
	Konstrusaun ka rehabilitasaun trotoar/passeio.	Inklui mos eskada betaun / eskada passeio.
	Konstrusaun ka rehabilitasaun pontes hodimensaun kiik.	Ponte betaun, ponte Ai (la belenaruk liu 4 metrus). Wainhira liu 4 metrus presiza aprovasaun dezenhu husi ST-PNDS.

	Konstrusaun ka rehabilitasaun sistema drenajen.	Drenazen hada fatuk, betaun, pasadera
	Rehabilitasaun Sede Aldeia.	Ba edifisiu tenki iha ona linha eletrisidade, bee mos & saneamentu basiku.
	Konstrusaun ka rehabilitasaun ka Konservasaun ba Infraestrutura sira ne'ebe hetan Dezastres Naturais	Aplika deit ba Estrada & Edifisiu Publiku.
SETÓRES SELUK (006)	Instalasaun painel solar ba facilidade públiku.	Nu'udar parte husi instalasaun públika hanesan eskola, klínika, merkadu ka sentru komunitariu. Bele mos ba estrada publiku iha area rural.
	Konstrusaun ka rehabilitasaun rampa ba facilidade públiku.	
	Konstrusaun ka rehabilitasaun eskada ba facilidade públiku.	
	Konstrusaun ka rehabilitasaun fatin Uma Mahon	Tenki iha ona Jestaun/Jestor wainhira utiliza. Ba edifisiu tenki iha ona linha eletrisidade, bee mos & saneamentu basiku.
	Konstrusaun ka rehabilitasaun jardim infantil / fatin halimar públiku ba labarik sira.	
	Konstrusaun ka Rehabilitasaun edifisiu ba Orfanato (<i>Panti Asuhan</i>).	Tenki iha ona Jestaun/Jestor wainhira utiliza. Ba edifisiu tenki iha ona linha eletrisidade, bee mos & saneamentu basiku.
	Konstrusaun ka rehabilitasaun Lugares de Culto (<i>Tempat Ibadah</i>).	Ba edifisiu tenki iha ona linha eletrisidade, bee mos & saneamentu basiku.

4.4.2. Tipu atividade ne'ebé la bele finansia (lista negativu)

Atividades sira ne'ebé la bele finansia husi PNDS mak hanesan:

- Buat hotu-hotu ne'ebé mak kontra lei nasaun nian.
- Buat hotu-hotu ne'ebé iha ligasaun ho kilat, drogas, tabaku, asbestos ou buat seluk tan ne'ebé bele halo aat saúde ema nian.
- Atividades sira ne'ebé mak uza rai ne'ebé ema hadau malu hela ka envolve ema deslokadus.
- Pagamentu ba kompensasaun ka aluga atu uza rai.
- Atividades sira ne'ebé bele estraga meu ambiente.
- Pagamentu ba insentivu funsionáriu governu nian.
- Kualkér finansiamentu ba partidu polítikus, atividades polítiku, kampaña, nsst.
- Kustus rekorente (porezemplu, suratan no lapizeira ba eskola).
- Konstrusaun eskola foun, klínika no facilidade médika foun, ne'ebé Ministériu Nasionál mak aloka ema para serbisu no fornese ekipamentus (reabilitasaun hodi reabilita fali funsaun infraestrutura sira ne'ebé eziste ona iha Suku laran bele finansia maibé tenke iha koordenasaun ne'ebé diak ho Ministériu relevante).
- Atividades sira ne'ebé konsidera boot tebetebes ka komplexu ba comunidade sira atu implementa.

4.5. Konta Bankária Suku

Suku ida-idak tenke loke konta bankária rua (2) hodi jere subsidiu ka fundu suku husi PNDS, ida ba Fundu Operasionál no ida seluk ba Fundu Infraestrutura. Diresaun Jerál Tezouru Ministériu Finanzas nian sei transfere subsidiu suku diretamente ba konta bankária suku nian husi. Konta Bankária sira-nia naran mak:

“Suku nia Naran” Konta Operasionál Estrutura Suku PNDS.

“Suku nia Naran” Konta Infraestrutura Estrutura Suku PNDS.

4.5.1. Administra konta Bankária Suku

Diretor Servisu Munisípiu Apoiu (DSMA) PNDS no Kontabilista Munisípiu PNDS mak iha responsabilidade atu asegura qualidade jestaun finanseiru comunidade nian. Ho nune'e sira iha kompeténsia atu halao knaar sira hanesan:

- Loke konta bankária foun ba suku foun (karik sei iha).
- Blokea temporáriu no reativa konta bankária suku tuir politika no prosedementu PNDS nian.
- Troka assinatura membru Estrutura Suku (ES-PNDS) ne'ebé asesu ba konta bankária bainhira iha re-estruturasaun.

- Hetan estrada banku husi banku suku kada fulan iha semana dahuluk.

Maibe sira (Diretor SMA-PNDS no Kontabilista Munisípiu PNDS) la iha kompeténsia atu halo levantamentou fundus ka dada osan suku nian husi konta bankária.

Diretor SMA-PNDS no Kontabilista Munisípiu PNDS bele blokia temporaria konta bankária suku bainhira:

1. Iha alegasaun kona-ba uza la loos fundu ka la kumpre PNDS nia política, prosedimentu no prosesu sira (hodi hein investigasaun kle'an liu husi PNDS no autoridade competente).
2. Progresu fiziku 100% no hala'o ona sorumutu responsabilidade ikus (SRI)
3. Deskonfia comunidade la kumpre política no regra jestaun fundu PNDS.

Pedidu atu blokeia konta bankária temporáriu tenke entrega ba banku no kópia ida tenke haruka ba Departamento Finanzas Suku iha Sekretariadu Tekniku PNDS Nasional. Kondisaun atu reativa konta bankaria suku hanesan tuir mai:

- Bainhira tinan fiskál ba PNDS hahú fila fali
- Depois de rezolve kazu tuir PNDS nia prosidementu Responde ba Fraude,
- Iha atividade espesífiku tuir Programa nia nesesidade

4.5.2. Prosesu Loke Konta ba Suku Foun

Iha Prosesu ne'e, Estrutura Suku PNDS tenki iha ona maka DSMA hato'o karta ba PAM iha Sekretariu Finanzas Munisipiu para bele husu autorizasaun ba Ministeriu Finanzas parte Tezoru hodi hetan kodiku Vendor ba suku foun sira ne'e. Iha fatin hanesan Estrutura Suku PNDS mos bele loke ona konta Suku nian iha banku BNCTL iha kada Munisipiu ne'ebe hetan karta akompañamentu husi DSMA PNDS, prosesu loke konta ba nia kustu administrativu sei responsabeliza husi PNDS Munisipiu.

4.5.3. Asesu ba Subsídiu Suku iha Banku

Komite Planeamento e Responsabilisasaun (KPR) maka fo autorizasaun ba Ekipa Implementasaun Programa (EIP) hodi halo movimentasaun no levantamentou fundus ka dada osan husi konta bankária suku. Refere ba deskrisaun detailu iha tabela kraik ne'e:

Ekipa	Asinatura husi
EIP	Tezoureiru I
EIP	Tezoureiru II

4.5.4. Rekeзитus Levantamentu Fundus ka dada osan husi banku

Fundu Infrastrutura no Fundu Operasional sei transfere husi (50 -100%) ba konta bankária suku bainhira suku kompleta ona rekeзитus nesesariu hanesan mensiona ona iha leten (pontus 2.4). Ezekusaun fundus sei halao bazeia ba planu levantamentu. Bainhira gastus atinji ona 40% husi total husi osan POI, tenke realiza sorumutu akontabilidade dahuluk (SRD) no hetan aseitasaun ba utilizasaun osan/balansu tuir mai.

Rekeзитus levantamentu osan husi banku bazeia ba kada etapa no dokumentus hanesan tabela tuir mai:

LEVANTAMENTU FUNDU HUSI BANKU		
Fundu Operasional	Fundu infraestrutura	
Bainhira Projeitu implementasaun hahú Relatóriu finansas submete ona	50%	Proposta suku kompleta no hetan ona aprovasaun (Prioridade suku define no POI finaliza) Mobiliza traballadór(á) kompleta Prosesu aprovizionamentu hala'o ona Hahu ona konstrusaun Simu invoice/resibu husi fornecedor
	100%	Realiza ona sertifikasaun no SRD Minutas inkontru SRI Relatóriu Finansas submete ona Simu ona invoice/resibu husi fornecedor. Sertifika ona husi Ekipa PNDS Munisipiu

4.6. Utilizasaun Osan

Pagamentu hotu-hotu tenke halo iha públiku (ema barak nia oin) lista nebe'e Presidente KPR halo ona aprovasaun no utiliza kupón pagamentu ho pelumenu sasin na'in rua, inklui membru ida husi KPR. Regras kona-ba utilizasaun osan husi fundu infraestrutura no operacional hanesan deskreve tuir mai:

4.6.1. Utilizasaun Fundu Operasional (DM 66/2024,23 Outobru,Rev.Anexu 2)

Fundu Operasional sei fahe tuir percentagem ida – idak hodi utiliza ba atividade enkontru comunidade, formasaun, kustu administrasaun no insentivu ba ES-PNDS. Deskrisaun detallu konaba utilizasaun fundu operacional bele haree tuir mai:

Tabela refere ho nu.01 husi artigu 10, kona ba despezas relativus subsidius operacional

Descrisaun	Persentazem (%) ba alokasaun subsidiu
Enkontru Komunitade	10% husi osan operacional
Formasaun	10% husi osan operacional
Kustu Administrasaun	20% husi osan operacional
Insentivu ES-PNDS	60% husi osan operacional

Enkontru Komunitade:

Enkontru sei uja **10%** hodi halibur comunidade no Konselu Suku hodi koalia kona-ba planeamentu no implementasaun PNDS hanesan, prepara proposta comunidade, mobiliza traballadór, enkontru aprovizionamentu, SRD, SRI inklui estabelese Grupu Operasaun Manutensaun (GOM) no Extra-Ordenario sira

Formasaun:

Atividade formasaun sei uja **10%** husi osan operacional hodi hasa'e ES-PNDS nia kapasidade hanesan treinamentu sira módulu PNDS nian, atividade suku vizita malu iha Munisípiu laran ne'ebé liga ba implementasaun PNDS.

Kustu Administrasaun:

Kustu Administrasaun uja **20%** hodi kobre kustu sira relasiona ho transporte no alojamentu ba membru ES-PNDS Suku sira, sosa estasionariu, levantamentu dados, komunikasaun/pulsa no sel-seluk tan ne'ebé iha ligasaun ho administrasaun ba implementasaun PNDS.

Insentivu ba ES-PNDS:

Estrutura Suku (ES-PNDS) sei servisu voluntariu maibe sei simu insentivu husi osan operacional **60%** nudar kompensasaun ba sira nia tempu tuir progresu (rezultadu) servisu bazeia ba etapa implementasaun ne'ebé iha PNDS. Pagamentu insentivu sei selu de'it ba membru ES-PNDS ne'ebé ativu (**exemptu Tezoreiro I**) bazeia ba rezultadu servisu/tuir etapa implementasaun PNDS. Montante insentivu ne'ebe kada membru ES-PNDS atu simu tuir sira nia pozisaun nebe hatu'ur iha DM nu.73/2024, 11 Dezembru, Art. 23 :

- Presidente KPR sei simu 15%
- Secretariu KPR sei simu 12%
- Xefe EIP sei simu 23%
- Tezoreira II EIP sei simu 20%
- Ekipa Fasilitador Feto no Mane sei simu 15% (kada ema)

Utilizasaun Fundu Infrastrutura

Fundu Infrastrutura utiliza ba materiál fábrikadu, materiál non-fábrikadu, servisu espesífiku, ekipamentus, transportasaun no insentivu ba traballadór konstrusaun, rehabilitasaun, estensaun, konservasaun, manutensaun ka reparasaun infraestrutur ki'ik sira iha nivel suku.

Kustu materiál:

Kustu materiál kobre tipu rua hanesan materiál fabrikadu no materiál non fabrikadu ba implementasaun projetu.

- Materiál fabrikadu mak materiál ne'ebé prodús liu husi fábrica ho métodu no prosedimentu espesífiku hodi muda ninia modelu, funsaun no valór tuir padraun kada fábrica. Ezemplu sementi, kanu, besi betaun, kaleen, pregu, bloku no sel-seluk tan.
- Materiál non-fabrikadu mak materiál ne'ebé mai husi natureza no la liu husi fábrica. Ezemplu rai-henek, fatuk, no sel-seluk tan.

Kustu Servisu Espesífiku :

Kustu selu ba servisu espesífiku ne'ebé comunidade sira la iha kapasidade atu halo mesak. Ezemplu halo perfurasaun, instalasaun bomba, instalasaun solar painél, instalasaun eletrisidade no ekipamentus pesadu, arus janela, arus odamatan no sel-seluk.

Kustu Ekipamentus:

Kustu atu sosa ekipamentus hodi fasilita traballadór no badaen sira implementa projetu ho di'ak no efikáz. Ezemplu martelu, karrosa, kadó, furadór, grinda no sel-seluk tan.

Kustu Transportasaun:

Kustu transporte mak kustu ne'ebé selu ba transportasaun hodi mobiliza materiál fabrikadu, materiál non-fabrikadu no ekipamentus ba implementasaun projetu. Ezemplu tula rai-henek, fatuk, sementi, besi no sel-seluk tan.

Kustu Insentivu ba Traballadór:

Kustu insentivu ba traballadór mak kustu ne'ebé hodi selu ba comunidade ka ema sira ne'ebé servisu nu'udar traballadór hodi implementa projetu PNDS.

Ba projetu konservasaun, manutensaun ka reparasaun ne'ebé harii ona husi PNDS, comunidade sei servisu nu'udar traballadór voluntáriu maibé bele selu insentivu ba tékniku espesífiku bainhira presiza (ezemplu: tékniku hadia bomba).

Métodu pagamentu insentivu iha rua, métodu loron-loron no métodu boron (pakote). Ba selu insentivu traballu ho sistema loron-loron tezoureiru II tenke selu ba traballadór ida-idak kada loron bazeia ba totál loron serbisu. Ba selu insentivu ho Sistema boron ou pakote, tezoureiru II bele selu ba traballadór ida-idak kada ema ka liu husi Xefe Badaen maibé kada traballadór tenke asina pagamentu ne'ebé nia simu. Atu selu insentivu ba Traballadór Komunidade ho métodu loron-loron ka métodu boron ou pakote tenke uza ka aneksu formuláriu sira kona-ba pagamentu traballadór.

Estrutura Suku PNDS (ES-PNDS) la bele halo pagamentu adiantamentu ba Fornesedor ne'ebé manan hodi fornese material fabrikadu, ekipamentus, material non-fabrikadu no transporte.

4.7. Jestaun Osan-ihá liman

Montante osan iha liman ne'ebé ES-PNDS bele rai iha temporariamente iha kofre suku durante semana ida, ho montante másimu \$1,000 (dolar amerikanu rihun ida), montante ne'e inklui ona fundu operasionál no fundu Infrastrutura.

Tezoureiru II EIP mak responsabiliza hodi jere osan ne'e ho supervizaun husi Tezoureiru I, Chefe EIP no Presidente KPR. Tezoureiru II tenke garante katak osan iha liman rejistadu no disponivel hodi halo kontajen/verifikasaun husi Presidente KPR, ofisiál Postu Administrativu (FFPA), Munisípiu (KM) no Kontabelista Nasionál (KN) durante vizita monitorizasaun PNDS nian.

Osan iha liman la bele fó-empresta ba ema ruma, ba kualkér razaun. Modul Jestaun Finanseiru Komunidade (MJFK) PNDS esplika prosedimentu detalladu kona-ba jestaun osan iha liman.

4.8. Jestaun Osan Restu PNDS

Osan restu mak balansu ikus husi subsídiu suku fundu operacional no infrastrutura tantu iha liman no iha konta bankária suku depois implementasaun Siklu PNDS nian remata ka progresu fíziku atinji 100% ona. Osan restu iha liman tenke depózita fali ba konta bankária suku depois Sorumutu Responsabilidade Ikus (SRI).

4.8.1. Osan Restu Fundu Operasional no Infrastrutura

- Osan Restu fundu operacional sei dada fila ba kofre do estado iha fulan ikus 31 de dezembru kada tinan
- Subsidiu sira ne'ebe lagasta husi ES-PNDS to'o remata periodu ne'ebe hatu'ur iha kontratu nia laran, sei fo fila ba Tezouru iha prazu loron tolunulu (30) nia laran. (DM No.66/2024, 23 Outubru, Art 6).

Dokumentus hotu-hotu tenke haruka ba Diretor SMA PNDS/Diretur Regional Oecusse Ambeno hodi halo karta acompanhamento ba Presidente Autoridade halo aprovasaun no fo kopia ba ST-PNDS Nasionál hodi atualiza

dadus kona-ba deskrisaun projetu no relatóriu finansas iha sistema baze dé dadús nebe'e ST-PNDS iha ka Sistema Jestaun Informasaun PNDS.

Prosesu hodi utiliza osan restu Infrastrutura katak konstrusaun prinsipal tenke atinji ona fiziku minimu 100% iha semana ikus fulan da tolu tuir horariu planu implementasaun, no tenke finaliza tuir planu dahuluk. Karik konstrusaun liu tia data ne'ebe asina ona maka osan sira ne'e sei fo fila maske konstrusaun seidauk remata.

4.9. Relatóriu Jestaun Financeiru Komunidade

Tuir Dekretu-Lei no 4/2025, 22 Janeiro, PNDS, utilizaun fundu hotu-hotu tenke jere ho transparénsia no akontabilidade. Ho nune'e Sekretariadu Tékniku PNDS kria sistema relatóriu utilizaun fundu operacional no fundu infraestrutura ne'ebé deskreve detallu iha Modul Jestaun Financeiru Komunidade (MJFK).

4.9.1. Relatóriu Finansas Komunidade

Relatóriu finansas nivel suku kona-ba fundu hotu-hotu ne'ebé simu husi PNDS no nia utilizaun ba implementasaun programa sei hatu'o ka submete ba komunidade no Sekretariadu Tékniku PNDS. **(DM Nu.66/2024, 23 Outobru, Art.12)**

Relatóriu ba komunidade sei hatu'o liu husi meius hanesan publika iha kuadru avizu (FF11 kada fulan fulan) , Sorumutu Resposabilidade Dahuluk (SRD) no Sorumutu Respondabilidade Ikus (SRI). Meius hatu'o relatóriu sira presiza fo atensaun ba komunidade nia kapasidade lee, hakerek no konta número hodi asegura ema hotu-hotu iha asesu no komprende informasaun.

Relatóriu sei hatu'o tuir orariu hanesan, *dia 01 kada fulan* Chefe do Suku simu relatoriu husi Presidente KPR, Chefe do Suku sei relata relatoriu ba DSMA PNDS iha *dia 05 kada fulan* no iha *dia 07 kada fulan* DSMA PNDS sei hatu'o relatorio ba PAM no SE PNDS inklui (Sistema Jestaun Informasaun PNDS).

4.9.2. Arkivu Relatóriu Finansas Komunidade

Relatóriu finansas no dokumentus suporta orijinál seluk tenke rai ka arkivu ho seguru iha sede suku. FFPA maka Kopia relatóriu finansas no dokumentus importante seluk tenke submete no arkivu ho seguru iha nivel Postu Administrativu no Kontabelistan Munisípiu mos kopia no arkivu iha Munisipiu.

4.10. Monitorizasaun no Auditoria Finansas

Sistema kontrolu jestaun financeiru PNDS nian sei haforsa liu husi monitorizasaun no auditoria finansas hodi garante fundu operacional no fundu infraestrutura utiliza tuir matadalan jestaun financeiru PNDS.

4.10.1. Monitorizasaun

Monitorizasaun jestaun finansas PNDS iha nivel suku fahe ba kategoria rua mak hanesan:

a. Monitorizasaun Regular

Monitorizasaun regulár importante tanba atividade ida ne'e atu garante tranzasaun finanseiru hotu-hotu rejistu ho di'ak, relata ho di'ak no kumpre matadalan PNDS nian. KPR no Fasilitadór Finansas Postu Administrativu halo monitorizasaun (kada) *semana-semana* ba livru suku, Kontabilista Munisípiu sei halo monitorin ba kada suku fulan-fulan dala 2 ho Supreza sira, Kontabilista Nasional PNDS sei halo monitorizasaun (bele mos halo inspeksaun internal) trimesteral, Supreza sira iha Municipiu to ba Suku, no prienxe formatu monitorizasaun finansas nian.

b. Monitorizasaun Konjunta

Sekretariadu Tekniku PNDS sei halo monitorizasaun finansas konjunta iha nivel suku hamutuk ho MAE, Ministeriu das Finanzas no parseiru relevante seluk. Objetivu husi atividade ida ne'e atu haforsa qualidade jestaun finanseiru PNDS nian iha nivel Suku, asegura qualidade implementasaun matadalan jestaun finanseiru ho loloos tuir prinsipiu transparénsia, akontabilidade no hametin koordinasaun ho ministeriu relevantes no parseiru relevante sira.

4.10.2. Auditoria

Inspesaun-Jerál Administrasaun Estatál nian husi Ministériu Administrasaun Estatál mak sai nu'udar responsavel ba auditoria iha ámbitu PNDS nian, maibé la prejudika kompeténsia husi Inspesaun-Jerál Estadu no Kámara Kontas Tribunál Superiór Administrativu, PNDS mos bee simu auditoria externa tuir despacho Ministru Administrasaun Estatal. (*Dekretu Lei No. 4/2025, 22 de Outubru Art 2*)

4.11. Projetu Adisional husi Membru Governo ba PNDS

Alokasaun Subsídium Adisional Dekretu Lei No. 4/2025, 22 de Outubru, alterasaun da ne'en husi Dekretu-Lei nu. 8/2013, 26 Juñu, art 13-A no 7, art 17 no 4 alinea c, ne'ebé aprova Rejime Jerál Programa Nasionál Dezenvolvimentu Suku (PNDS) ho nia alterasaun sira inklui alterasaun dalima Dekretu-Lei nu. 02/2024, 17 Janeiro art 13-A no 7, art 17 no 4 alinea c, Membru Governo liu husi Ministru Administrasaun ESTATAL bele determina inkluziun projetu adisional iha lista projetu sira ne'ebe aprova ona, sein nesesidade ba formalidade adisional liu liu ba ezekusaun kontratu administrativu interorganiku ida ne'ebe fo husi membro governo seluk ne'ebe responsabel ba ministeriu ka sekretariu estadu, projetu adisional sira ne'e tenki iha objetivu konstrusaun, rehabilitasaun, reparasaun, konservasaun ka manutensaun ba infraestutura kiik ne'ebe importante ba comunidade sira, liu husi PNDS.

Subsídriu adisional fahe ba parte rua: Fundu Operasionál no Fundu Infrastrutura. Fundu Operasional utiliza hodi finansia atividade sira hanesan *enkontru comunidade* no *insentivus ES-PNDS*. Fundu Infrastrutura hodi finansia implementa projetu infraestrutura ki'ik iha suku ida nia laran (tuir menu indikativu PNDS, Matadalan Jestaun Finanseiro Komunidade no Prosesu Aprovisionamentu Komunitaria PNDS nian hodi responde ba nesesidade dezvoltamentu suku ne'e.

KAPITULU 5

PROSESU APROVIZIONAMENTU KOMUNIDADE

3.1. Introdusaun

Prosesu aprovizionamentu komunidade iha PNDS regula liu husi Dekretu-Lei nu.8/2013, 26 Junu, ho nia alterasaun dane'en DL no 4/2025, 22 de Janeiro.

Prosesu aprovizionamentu hanesan etapa importante ida iha siklu implementasaun PNDS hodi haforsa no asegura prinsipiu transparénsia no akontabilidade ba prosesu selesaun fornese dór hodi fornese materiál no servisu espesífiku ba konstrusaun, estensaun, rehabilitasaun, manutensaun no konservasaun infraestrutura ki'ik iha nivel komunidade liu husi sistema kompetisaun bazeia ba kualidade materiál, presu baratu, tempu entrega sasán, kapasidade finanseiru no reputasaun fornese dór nian.

3.2. Prinsípiu prosesu aprovizionamentu komunidade.

Prosesu Aprovizionamentu komunidade orientadu husi prinsipiu sira hanesan:

- Valór ba osan – sosa sasán ho kualidade no folin di'ak
- Kompetitivu no justu – nakloke ba ema hotu atu partisipa no kompete hodi sai hanesan fornese dór ho prosesu ne'ebé loloos.
- Tratamentu iguál - fó tratamentu hanesan ba kandidatu fornese dór sira no la iha tendénsia atu fó lukru ba parte ida ho maneira no razaun saida de'it.
- Uza rekursu ho efisiente, efikás no étiku - uza rekursu PNDS nian ho loloos no tuir matadalan ne'ebé iha.
- Responsavel no transparente - iha responsabilidade atu fó informasaun ne'ebé akuradu, justu no kompletu kona-ba prosesu aprovizionamentu iha nivel suku ba komunidade sira hotu.

3.3. Objetivu prosesu aprovizionamentu

Objetivu prosesu aprovizionamentu iha nivel suku mak atu:

- Garante fornese mentu materiál, ekipamentu, transportasaun no servisu espesífiku ho seguru, kualidade, folin di'ak no tuir tempu.
- Haforsa kapasidade no abilidadade membru konselu Suku, ES-PNDS no komunidade sira atu bele hala'o rasik prosesu kompras materiál no servisu espesífiku sira ho transparénte no responsavel.
- Haforsa ekonomia komunidade.
- Prevene korrupsaun, koluzsaun no nepotizmu.

3.4. Autor, Fasilitadór no Partisipante sira iha prosesu aprovizionamentu

Autór prinsipál sira iha prosesu aprovizionamentu comunidade mak KPR, EIP no EF. Partisipantes sira iha prosesu aprovizionamentu mak membru konselu suku, comunidade, no fornecedor sira ba projetu PNDS. Prosesu aprovizionamentu facilita husi ekipa PNDS Posto Administrativu no Munisípiu.

Ekipa ida-idak nia knar mak hanesan tuir mai:

- Komite Planeamento e Responsabilidade (KPR) mak autoriza, planeamentu, loke prosedementu aprozionamentu, aprova, decide adjudikasaun direita, asina kontratu, akordu.
- Ekipa Implementasaun Programa (EIP) hetan delegasaun husi KPR hodi anúnsia informasaun, rejistu kandidatu fornecedor, distribui no simu kotasaun.
- Ekipa Fasilitador (EF) hetan delegasaun husi KPR hodi publika informasaun, facilita enkontru.
- Konselu do Suku participa no observa prosesu aprovizionamentu tuir nesesidade.
- Ekipa PNDS Posto Administrativu mak sei apoiu KPR, EIP no EF iha prosesu aprovizionamentu.
- Ekipa PNDS Munisípiu mak suporta ekipa PNDS Posto Administrativu durante fo fasilitasaun ba KPR no EIP iha prosesu aprovizionamentu bazeia ba nesidade.

3.5. Pakote aprovizionamentu

Aprovizionamentu comunidade fahe ba pakote tolu (3) mak hanesan:

1. Pakote 1: Materiais fabrikadu, ekipamentus inklui transportasaun.
2. Pakote 2: Materiais non fabrikadu inklui transportasaun.
3. Pakote 3: Servisu espesífiku no karpintaria inklui transportasaun.

Prosesu aprovizionamentu comunidade aplika sistema pakote ho rasaun mak hanesan:

- Fasil ba ES-PNDS no ekipa PNDS atu kontrola no organiza prosesu aprovizionamentu.
- Fasil atu hetan fornecedor ba materiál fabrikadu, materiál non fabrikadu no servisu espesífiku.
- Fo oportunidade ba fornecedor sira atu kompete tuir lisensa negósiu ne'ebé iha (pakote 1 & 3).
- Fo oportunidade ba comunidade sira atu kompete iha fornecimentu material non fabrikadu (pakote 2).

3.6. Individu sira ne'ebe labele sai fornecedor

Atu evita konfliktu interese iha prosesu aprovisionamentu comunidade, Governu desidi katak individu sira tuir mai ne'e labele sai hanesan fornecedor:

- Funsionario governu nian hanesan funsionario públiku, agente, kazuais no kontratadu sira.
- Funsionario públiku, agente, kazuais no kontratadu sira iha PNDS ho sira nia familia direta (inan, aman, fen, laen no oan).

- Xefe Suku ho nia familia direta (inan, aman, fen, laen no oan) iha sira nia *suku rasik*.
- Ekipa Jestaun Suku ho nia familia direta (inan, aman, fen, laen no oan) iha sira nia suku rasik.
- Ekipa parseiru ne'ebé involve direta iha implementasaun PNDS ho nia familia direta (inan, aman, fen, laen no oan).

3.7. Prosedimentu Aprovizionamentu Komunitade

Etapa detallu no dokumentus rekeзитus ba prosesu aprovizionamentu deskreve ona iha matadalan aprovizionamentu komunitade nian.

Prosedimentu aprovizionamentu PNDS nian iha tipu rua (2), hanesan deskreve iha tabela tuir mai:

VALÓR APROVIZIONAMENTU (USD)	MÉTODU APROVIZIONAMENTU NE'EBÉ PERMITIDU
Menus Husi US\$ 10,000	• Ajudikasaun direta
Hanesan ou liu $\geq$ US\$ 10,000	• Solisitasaun kotasaun.


Bazeia ba Rejime Juridico dé Aprovizionamentu, *Dekretu Lei 22/2022, 11 de Maio*

Bainhira ES-PNDS uza métodu aprovizionamentu solitasaun kotasaun maibé fornecedor ne'ebé partisipa la prianxe kritéria, ES-PNDS bele uza :

Artigu 42 no:1 alínea E Bainhira iha prosidimentu uluk nian liu husi konkursu ka pedido kotasaun laiha kandidatu ida maka apresenta nia aan, laiha kompetitor ida maka apresenta nia proposta, proposta hotu apresenta esklui tiha ona.

Artigu 42 no:2 alínea A, karik iha fornecedor ida deit, laiha alternativa seluk, substituisaun razuavel ou laiha kompetisaun tamba razaun tekniku. ES-PNDS bele uza métodu prosesu aprovizionamentu ajudika direta maibé dokumentus konkursu sira labele altera. Prosesu ajudikasaun direta ne'e ho kondisaun :

- Minutas enkontru justifikasaun
- Dokumentus konkursu labele altera
- Persiza lista survey presu
- Ajudika ba fornecedor seluk (fornecedor ida deit)
- Asina kontratu



3.8. Prosesu Aprovizionamentu Komunitade

Etapu prosesu aprovizionamentu komunitade fahe ba tipu rua bazeia valór aprovizionamentu (to'o \$10,000.00 no boot liu \$10,000.00) hanesan tuir mai:

1. Etapa valór aprovizionamentu to'o \$10,000.00 (Ajudika Direta)

Ba valór aprovizionamentu to'o \$10,000.00 tenke halo tuir etapa sira tuir mai:

a. Planeamentu

Lidera husi Xefe EIP no akompaña husi ekipa PNDS Posto Administrativu ho kondisaun tuir mai:

- Prosesu aprovizionamentu entre PNDS regular
- ES-PNDS prepara formatu planu aprovizionamentu bazeia ba POI husi kada projetu, atividade, aldeia ka suku.

b. Enkontru ES-PNDS

Lidera husi Presidente KPR no membru ES-PNDS tenki marka prezensa kompletu. Rezultadu husi enkontru ne'e:

- Deside atu sosa materiál, ekipamentus ka servisu espesífiku husi forneseidór ida ka liu husi forneseidór ida ka iha fatin ne'ebé diferente no hetan aprovasaun husi Presidente KPR.
- Halo ka prepara pedidu sosa materiál no planu utilizasaun orsamentu

2. Etapa ba valór aprovizionamentu bo'ot liu \$10,000.00 (solisitasaun kotasaun)

Ba valór aprovizionamentu boot liu \$10,000.00, tenke halo tuir etapa sira tuir mai:

a. Planeamentu no Aprovisiunamentu

Lidera husi Presidente KPR no akompaña husi ekipa PNDS Posto Administrativu ho kondisaun tuir mai:

- Prosesu aprovisiunamentu PNDS regular nian
- ES-PNDS prepara formatu planu aprovisiunamentu bazeia formatu FF16

b. Anunsiu Informasaun

Anunsiu husi Presidente KPR no apoiu husi ekipa PNDS Posto Administrativu no Munisípiu, Presidente KPR halo anúnsiu informasaun kona-ba loka oportunidade ba fornecedor sira atu partisipa iha prosesu aprovisiunamentu comunidade ho mínimu deskreve kona-ba dokumentus rekeztus, padraun tékniku konstrusaun, data no fatin entrega, wainhira formatu FF16 remata ona

c. Registu Fornecedor sira ne'ebe Elejibel

ES-PNDS liu husi chefe EIP sei registu Kompanha sira ne'ebe hakarak fornese no sai fornecedor ba projetu PNDS tuir regras ne'ebe iha ona (FF17) no hetan apoiu husi FPA PNDS. Kriteira ba Fornecedor sira maka hanesan ;

- | | |
|---------------------------------------|-------------------------------|
| ▪ Dokumentus Serve tuir nia kategoria | ▪ Konta Banku Fornecedor nian |
| ▪ Dokumentus Transporte | ▪ Dokumentus Pesoa |

d. Enkontru ho Kandidatu Fornecedor, inklui Distribui Kotasaun

Enkontru ho kandidatu fornecedor iha nivel munisipiu ka postu halao husi ES-PNDS sira no hetan apoiu husi Ekipa PNDS sira husi Posto no Munisipiu hodi fahe informasaun kona-ba regras sira (FF18 A/B) inklui iha loron ne'e mos sei distribui ona kotasaun ba fornecedor sira ne'ebe elejibel husi registu.

e. Loke no Avalia Kotasaun, Anunsiu Rezultadu Kotasaun, Asina Kontratu Serbisu

Presidente KPR sei lidera prosesu loke, avalia, verifika no aprova ba lista FF19 ba manan nain no iha tempu ne'e keda manna nain sei halo akordu ho ES-PNDS uza formatu FF20 tuir regras PNDS nian. Sansaun sei hapara kontratu ho fornecedor, karik fornecedor sira la kumpri iha tempu implementaun, mak hanesan ;

- Hatama material la tuir spesifiku ne'ebe iha kotasaun
- Muda valor osan kotasaun
- La kumpri tempu ne'ebe determina ona
- Hatama material la tuir planu ne'ebe iha

f. Intrega Planu ba Fornesedor

Planu Fornese Material (PFM) ba Solisitasaun Kotasaun; Planu ne'e sei intrega ba fornecedor wainhira iha ona akordu husi fornecedor ho ES-PNDS, no fornecedor sei kompleta material sira ne'e iha lokasi bazeia ba PFM no FF18.

Fornesimentu sasan hirak ne'e mos ES-PNDS hamutuk ho Konselu do Suku sei priense iha formatu FT9.1.1, no pagamentu sei halao wainhira ES-PNDS sei halo verifikasaun ba formatu FF18, FF20, FT 9.1.1, PFM no FF7

Planu Sosa Material (PSM) ba Ajusta Direito; Planu ida ne'e sei presija FF18 presu minimu 3, ne'ebe maka sei foti husi ES-PNDS liu husi chefe EIP ba loja ka kompanha sira nia presu (FF18) no FF20.

KAPITULU 6

ENKUADRAMENTU MONITORIZASAUN NO AVALIASAUN

6.1. Introdusaun

PNDS nia Sistema Monitorizasaun no Avaliasaun iha objetivu atu fó evidénsia krédível hodi ajuda Governu no sidadaun sira iha Timor-Leste atu:

- Sukat progresu implementasaun programa no responsabiliza ba gastu públiku;
- Identifika susesu no dezafiu kona-ba implementasaun ho objetivu atu halo adaptasaun ba programa hodi hadi'ak dezempeñu;
- Avalia alternativu sira iha dezeńu programa hodi dezempeñu di'ak liu tan;
- Sukat programa nia dezempeñu globál bazeia ba rezultadu xave iha programa nia rohan.

Globalmente, objetivu husi Sistema Monitorizasaun no Avaliasaun mak atu fó apoiu ba aprendizajen kontínua kona-ba programa, iha governu laran no mós iha sosiedade Timor-Leste. Bainhira posível, Sistema Monitorizasaun no Avaliasaun sei fo apoiu ba avaliasaun independente kona-ba programa, liuliu husi comunidade sira. Sistema Monitorizasaun no Avaliasaun sei uza enkuadramentu abranjente kona-ba rezultadu xave hodi orienta avaliasaun ba programa nia progresu no susesu.

Sistema Monitorizasaun no Avaliasaun sei halibur informasaun husi autór programa, monitórizasaun husi parte externu, membru comunidade, no liu husi estudu/avaliasaun espesífiku sira. Sistema Monitorizasaun no Avaliasaun sei fó relatóriu mensál, trimestrál, semestrál no anuál ba governu no ba partes relevantes sira, no input kontínuo ba jestór sira hodi fó apoiu atu hadi'ak no adapta programa husi tempu ba tempu.

6.2. Metas PNDS no Resultado Xave

Sesaun ida ne'e esplika kona-ba objetivu programa nian no rezultadu xave ne'ebé PNDS atu alkansa iha tempu mediu (tinan 3-5) no iha tempu naruk.

Metas PNDS

"Hadi'ak kondisaun sósiu-ekonómiku no governasaun lokál ba mane, feto no ema ho difisiensia sira iha Suku laran iha Timor-Leste liu husi infraestrutura ne'ebé comunidade mak jere rasik".

Rezultadu xave

Atu bele realiza objetivu boot iha leten, PNDS presiza asegura hodi realiza rezultadu xave haat iha mediu prazo nia laran, entre tinan tolu to'o lima (3-5) nia laran. Rezultadu xave sira ne'e hanaran hanesan 'outcomes' iha matadalan ida ne'e.

Rezultadu xave lima sira ne'e mak hanesan:

Rezultadu xave (Outcome) 1 - Hametin PNDS nia sistema, prosesu no prosedimentu hodi fó apoiu implementasaun direta ba comunidade

Rezultadu xave (Outcome) 2 - Hasae comunidade nia partisipasaun no kapasidade hodi halo planeamentu no jere infraestrutura lokál

Rezultadu xave (Outcome) 3 - Infraestrutura ho kualidade di'ak harii no mantein ona husi comunidade sir

Rezultadu xave (Outcome) 4 – Planeamentu, koordinasaun no komunikasaun hodi hamosu implementasaun programa ne'ebe efetivu no kualidade diak.

Rezultadu xave (Outcome) 5 - Jéneru & Inklusaun Sosiál no protesaun ambientál integradu ona iha PNDS nia estratéjia sira no planu servisu unidade sira, departmentu no individual sira nian

PNDS sei produz relatóriu mensál, trimestrál, semestrál no anuál kona-ba progresu atividade programa nian hodi informa kona-ba progresu indikator ba kada rezultadu. Relatóriu sira ne'e sei ajuda tebes ekipa jestór PNDS iha kada nivel hodi hadi'ak d liu tan kualidade implementasaun PNDS.

Sekretariadu PNDS sei koordena hodi envolve parte avaliador independente hodi halo avaliasaun kona-ba progresu rezultadu xave sira ne'e. Avaliasaun kona-ba rezultadu xave sira ne'e sei hala'o kada tinan tolu.

6.3. Sistema Monitorizasaun no Avaliasaun nia Elementu Xave sira

Sistema Monitorizasaun no Avaliasaun fornese orientasaun, prosedimentu no instrumentu hodi garante buat hirak tuir mai:

- Sistema Jestaun Informasaun no estrutura relasionadu halo relatóriu no halibur informasaun kona-ba progresu programa.
- Monitorizasaun programa, liu husi mekanizmu internu programa nian (n.e. supervizaun regulár, monitorizasaun espesífiku no komentáriu husi comunidade) no fonte externa (liu husi OSS sira no autór independente sira seluk).
- Métodu sira hodi dezenvolve no avalia adaptasaun ba dezeńu programa, bainhira nesesáriu;

- Apoiu no fleksibilidade hodi halo estudu espesifiku, hodi komprende aspetu partikulár husi programa.
- Avaliasaun ba rezultadu no impaktu, uza estudu kona-ba situasaun inisiál, situasaun média no situasaun finál, no uza métodu kualitativu no kuantitativu sira.
- Apoiu ba levantamentou dados kona-ba infraestrutura rurál ne'ebé fó informasaun kona-ba situasaun inisiál hodi hatene oinsá bele hadi'ak asesu.
- Apoiu ba avaliasaun ne'ebé envolve comunidade no monitorizasaun kontínua, liu husi fasilitadór sira.

6.4. Monitorizasaun

Monitorizasaun entendidu hanesan prosesu sistemátiku ho natureza observasionál hodi akompaña no rejista regularmente atividades realizadu durante ezelesaun ka implementasaun projetu (progresu konstrusaun projetu no obstákulu ka dezafius sira enfrentadu), hodi asegura implementasaun atividades sira aliñadu ho objetivu programa nian ne'ebé trasa ona. Mantein kontrollu kona ba progresu no verifika kualidade projetu ou programa relativamente ho kritérius definidu sira no padraun estabesidu. Informasoens sira kolletadu iha prosesu monitorizasaun ajuda hodi analiza no avalia kada aspetu projetu nune'e bele mellora efisiênsia husi implementasaun programa. Monitorizasaun konsideradu hanesan atividades nível operacional ne'ebé ezelektadu husi supervisor programa nian ka ekipa sira ne'ebé envolvidu diretamente iha prosesu implementasaun.

6.4.1. Monitorizasaun Interna/Supervizaun Regular husi Governu

Funisionariu PNDS ho nia superior sira ne'ebé apoiu implementasaun PNDS nu'udar parte husi sira nia knaar, iha responsabilidade atu halo monitorizasaun no fiskalizasaun ba programa ne'e iha kada nivel, hanesan deskreve iha okos.

6.4.1.1. Postu Administrativu

Fasilitadór Postu Administrativu PNDS (FPA) sei monitoriza progresu implementasaun iha nivel Suku liu husi vizita regulár ba terenu, diskusaun ho membru comunidade mane, feto ho EhD sira no Estrutura Suku sira (KPR, EIP no EF) hodi verifika comunidade nia dados. Sira sei avalia progresu bazeia ba planu servisu sira no identifika problema ruma.

FPA sei organiza enkontru koordenasaun regulár kada fulan ho parseiru importante sira, inklui representante husi Konsellu Suku sira, KPR sira, EIP sira no Ekipa Fasilitadór, hodi revee progresu no diskute solusaun ba kestaun ka dezafius sira ne'ebé relasiona ho implementasaun.

6.4.1.2. Munisípiu

DSMA PNDS, Enjeñeiru Munisípiu no Kontabilista Munisípiu halo vizita regulár ba terenu iha nivel Suku hodi monitoriza progresu. Sira sei verifika dadus husi ekipa PNDS Postu Administrativu sira no avalia progresu bazeia ba oráriu atividade, fó atensaun espesiál ba Suku sira ne'ebé implementasaun la'o tarde no kestaun sosiál, tékniku ka finansas ne'ebé mak iha. Sira mós sei avalia progresu globál PNDS nia iha nivel Munisípiu, inklui taxa konkluzaun globál, kumprimentu ho padraun tékniku no finanseiru, partisipasaun comunidade no jestaun ba keixa sira husi Komite Planeamentu no Responsabilizasaun. Rezultadu husi monitorizasaun iha terenu konsideradu hanesan referencia hodi deskute iha nivel municipal hodi halo melloramentu durante periodu implementasaun, nune'e mos hodi hadia dezempenu programa nian iha futuru.

6.4.1.3. Nasionál

Sekretariadu Tékniku PNDS iha responsabilidade atu asegura koordenasaun globál no kualidade implementasaun programa liu husi:

- Halo monitorizasaun kona-ba output ka rezultadu xave husi programa.
- Halo análise kona-ba progresu bazeia ba rezultadu Xave ba Dezempeñu PNDS.
- Identifika kestaun ka obstákulu sira ne'ebé bele hamoosu implikasaun estratéjiku iha nivel Nasionál ba GoTL.

Sekretariadu Tékniku PNDS halo monitorizasaun regulár ba nivel Suku, Postu Administrativu no Munisípiu, no prepara relatóriu terenu nian ne'ebé dokumenta konkluzaun xave no kestaun sira. Sekretariadu Tékniku PNDS mós koordena estudu espesífiku no atividade monitorizasaun no avaliasaun seluseluk tuir nesesidade

6.4.2. Monitorizasaun husi Parte Externa

Aleinde informasaun monitorizasaun ne'ebé halibur liu husi estrutura projetu, importante atu hetan mós komprensaun independente kona-ba oinsá projetu nia prosesu no estrutura sira funciona, inklui oinsá atu kontínua halo ligasaun ho instituisaun comunidade sira. Objetivu husi prosesu monitorizasaun ne'e atu fornese informasaun kona-ba tanba sá projetu funciona ka la funciona iha faze partikulár. Rezultadu husi monitorizasaun ne'e bele uza hodi hadi'ak dezeńu ka halo modifikasaun programa ne'e ba oin.

Monitorizasaun ida ne'e mós diferente ho supervizaun regulár programa nian, tanba parte datoluk mak sei halo monitorizasaun ne'e. Sira sei koordena ho Ekipa Apoiu Implementasaun bainhira nesesáriu, no monitoriza implementasaun programa bazeia ba POM.

Lisaun husi prosesu monitorizasaun ne'e sei fahe ba governu kada fulan rua, liu husi workshop aprendizajen nu'udar parte husi enkontru koordenasau DSMA PNDS sira nian. Sei utiliza mós dados SJI no relatóriu supervizaun nian iha enkontru kordenasaun sira ne'e hodi fó informasaun kona-ba implementasaun programa ba ekipa implementasaun no governu. Aleinde ida-ne'e, prosesu monitorizasaun ne'e mós sei sai referensia importante ba revizaun dezeńu programa nian ba oin.

Parte sira ne'ebé bele halo monitorizasaun independente mak hanesan:

- Parseiru dezvoltimentu sira;
- OSS sira seluk, liu liu sira ne'ebé asosiadu ho FONGTIL, ne'ebé asina ona Memorandu-Entendimentu ho PNDS.

Monitorizasaun husi parte parseiru dezvoltimentu no OSS sei define iha Memorando de Intendimento entre instituisaun hirak ne'e ho ST-PNDS.

6.5. Planu kona-ba Avaliasaun

6.5.1. Objetivu

Planu Avaliasaun nia objetivu mak atu avalia impaktu globál husi intervensaun programa no atu avalia to'o iha ne'ebé ona PNDS alkansa objetivu sira ho maneira ne'ebé iha kustu efetivu. Bazeia ba metas no rezultadu xave sira mensiona iha leten, avaliasaun sira sei konsidera karik PNDS fó rezultadu ho maneira ne'ebé apropriadu tuir objetivu programa ne'e, ka karik iha fatór seluk ne'ebé influénsia implementasaun programa ka kontrola rezultadu. Nune'e mós, planu ida-ne'e inklui mekanizmu sira hodi modifika programa no avalia impaktu husi dezeńu programa oin-oin. Planu ne'e inklui atividade avaliasaun oin-oin durante siklu programa inklui buat hirak tuir mai:

- Estudu sira kona-ba impaktu husi dezeńu programa oin-oin.
- Estudu sira kona-ba programa nia efeito ba kondisaun sósiu-ekonómiku, comunidade nia kapasidade atu rezolve problema, no governasaun (partisipasaun, transparénsia no responsabilizasaun).
- Estudu infraestrutura ida ne'ebé sei fasilita komprensaun kona-ba oinsá PNDS no mekanizmu dezvoltimentu seluk hanesan PDIM kontribui ba dezvoltimentu Nasionál.
- Estudu ida kona-ba mekanizmu no kanál sira ne'ebé fó mudansa ekonómiku ne'ebé pozitivu ba uma-kain sira ne'ebé hetan benefisiu husi infraestrutura PNDS.
- Estudu espesial sira ne'ebé fasilita esplorasau ba tema xave sira, inklui jéneru.

Avaliasaun interna husi autores sira programa nian bele hala'o anuál ka kada tinan. Avaliasaun kona-ba progresu rezultadu xave sira sei hala'o kada tinan tolu to'o tinan lima husi parseiru dezvoltimentu ka instituisaun independente sira.

6.5.2. Avaliasaun sira ba Programa

Avaliasaun iha nível programa hala'o ho konsiderasaun ba fatores sira hotu relasionadu ho comunidade nia moris nune'e bele liga impaktu programa nian. Avaliasaun ne'e hala'o tenke kompara rezultadu sira iha fatin ne'ebé PNDS iha, no fatin sira ne'ebé PNDS laiha.

Avaliasaun sira bele fó informasaun importante kona-ba oinsá infraestrutura PNDS muda sidadaun Timor-oan sira-nia moris lor-loron, relasiona ho atividade ekonómika ka asesu ba servisu sira, no mós relasiona ho oinsá sira nia envolvimentu no relasaun ho governu lokál. Aleinde ida-ne'e, informasaun ne'ebé halibur ona liu husi instrumentu balu sei fó klarifikasaun kona-ba PNDS nia pozisaun relasiona ho dezvoltimentu globál ne'ebé akontese iha Timor-Leste. Ida-ne'e sei inklui to'o iha ne'ebé PNDS prienxe nesiedade infraestrutura ne'ebé 'objetiva' no to'o iha ne'ebé programa dezvoltimentu seluk hanesan PDIM no PNDS komplementa malu. Ida-ne'e sei fó mós oportunidade hodi konsidera PNDS nia knaar hodi influénsia governasaun lokál iha Timor-Leste, iha jerál.

Bazeia ba informasaun ne'ebé mai husi esperiénsia programa nian no/ka prosesu monitorizasaun ne'ebé deskreve iha leten, PNDS, sei identifika área sira ne'ebé programa bele hadi'ak rezultadu xave, no servisu hodi dezeña abordajen ka solusaun alternativa.

6.5.3. Estudu Espesiál sira

PNDS no parseiru oin-oin sei halo estudu espesiál sira durante programa nia durasaun tomak. Estudu hirak-ne'e jeralmente sei foka ba tema espesífiku no bele haree ba:

- Karakterístika sira husi sociedade urbana ne'ebé fó impaktu ba implementasaun Programa Dezenvolvimentu kondúz husi Komunitade/*Community Driven Development*.
- Inklusaun sosiál no jéneru iha estrutura governasaun comunidade.
- Feto sira-nia envolvimentu no lideransa iha Programa Dezenvolvimentu ne'ebé kondúz husi Komunitade/ CDD.
- Komparaun kustu dezvoltimentu infraestrutura lokál husi comunidade sira ho setór privadu.
- Koordinasaun setorál no apoiu iha PNDS.

Estudu hirak-ne'e bele hetan apoiu husi parseiru dezenvolvimentu sira hodi hala'o independentlye, estudu sira sei koordena husi Sekretariadu Tékniku PNDS hodi garante katak iha relevánsia ba programa no mós la iha duplikasaun ho servisu seluk. Aleinde ida-ne'e, Sekretariadu Tékniku PNDS sei jere orsamentu ba estudu sira ne'ebé sira konsidera nesesáriu. Ekipa peskizadór internasionál no Nasionál ka organizaun peskiza sei hala'o estudu sira.

6.6. Koordenasaun Setorál

Sekretariadu Tékniku PNDS iha knaar importante atu asegura koordenasaun no jestaun globál implementasaun PNDS iha territóriu tomak. Sekretariadu Tékniku PNDS lidera husi Sekretáriu Ezekutivu ida no hetan apoiu husi Diresaun Nasional hat no kada diresaun sei dirije husi Diretór Nasional. Iha nivel Munisípiu PNDS eziste hanesan Servisu Munisipal ba Apoiu PNDS no lidera husi Diretór Munisipal ida, no iha nivel Postu Administrativu PNDS eziste Ekipa Fasilitador Postu Administrativu hodi apoiu implementasaun. Iha kontekstu ida ne'e importante tebes ba PNDS atu haforsa no hametin nia komunikaun no koordenasaun servisu ho liña setoraís no ajensia relevantes sira iha kada nivel hodi asegura kualidade implementasaun atividade PNDS

6.6.1. Postu Administrativu

Bazeia ba Dekretu-Lei N.º 84/2023 lora 23 novembru alterasaun dalimak husi Dekretu-Lei N.º 16/2016 lora 16 Marsu, ne'ebé aprova Estatutu Administrasaun Munisípiu no Autoridade Munisípiu no Grupu Tékniku Interministerial ba Desentralizasaun Administrativa, Kompeténsia ida husi Assembleia Postu Administrativu mak atu fó pareser ba proposta projetu ne'ebé hetan finansiamentu liu husi PNDS no relasionadu ho ezekeusaun física no finanseira. Tamba ne'e ekipa PNDS Postu Administrativu liu husi servisu lokal sira estabelecidu iha nivel postu administrative hodi partisipa iha Assembleia Postu Administrativu ne'ebé hatur ona Dekretu-Lei ida ne'e. Ekipa PNDS Postu Administrativu mos organiza enkontru koordenasaun regulár ho autoridade sira, setór no ajensia relevante sira iha nivel Postu Administrativu tuir nesesidade bazeia ba etapa krítiku sira iha síklu implementasaun programa. Hetan apoiu husi DSMA PNDS tuir nesesidade, hodi fó explikasaun badak regulár kona-ba progresu programa ba Administradór Postu Administrativu no Assembleia Postu Administrativu.

6.6.2. Munisípiu

Iha nível munisipal Presidente Autoridade mak organiza sorumutu Konsellu Koordenasaun Munisipal (KKM), hanesan órgaun apoiu ba Presidente Autoridade Munisipal iha koordenasaun atividades sira órgaun nian no servisu administrasaun lokal no avaliaun periódika ba atividade realizadu husi órgaun ne'e. Kompete ba

KKM hodi aprova proposta projetu ne'ebé subsidiadu husi PNDS iha área munisípiu nian. Iha sorumutu ne'e DSMA PNDS sei apresenta Lista Proposta Projetu ne'ebé hetan finansiamentu husi PNDS, apresenta mós progresu ezekusaun fíziku no finanseira no diskute kestaun ruma kona-ba koordinasaun ho setór sira iha enkontru ne'e.

DSMA PNDS iha responsabilidade atu fó esplikasaun badak regulár ba Prezidente Autoridade kona-ba lalaok no progresu implementasaun PNDS pelumenus fulan ida dala ida, maibé bele mós liu bainhira nesesáriu. Aleinde ida-ne'e, DSMA PNDS sei hala'o enkontru ho ekipa setór no funsióariu/a sira tuir nesesidade, bazeia ba etapa krítiku sira iha siklu implementasaun programa.

6.6.3. Nasionál

Sekretariadu Tékniku PNDS (ST-PNDS) nudar servisu sentráal husi Ministériu Administrasaun Estatál (MAE) ne'ebé asegura apoiu tékniku no administrativu ba órgauns departamentu governamental ida ne'e iha âmbito implementasaun PNDS, nomeadamente ninia planeamentu, implementasaun, jestaun no koordinasaun.

Nune'e ST-PNDS iha responsabilidade hodi asegura sorumutu koordinasaun regular iha nível nasionál, sorumutu koordinasaun iha nível external ho setores relevante sira hodi asegura planementu, koordinasaun no komunikasaun hodi hamosu implementasaun programa ne'ebé efetivu no kualidade diak. ST-PNDS partisipa mós iha sorumutu konsellu konsultivu no konsellu koordinasaun territorial (KKT) ne'ebé organiza husi MAE hodi apresenta matéria sira iha âmbito implementasaun programa PNDS no apresenta mós progresu ezekusaun fíziku projetu no finanseiru inklui asuntos relevante sira relasionadu ho implementasaun PNDS.

6.7. Sistema Jestaun Informasaun (SJI)

Responsabilidade ida husi ST-PNDS mak kria, dezenvolve no tau matan ba Sistema Jestaun Informasaun (SJI) ne'ebé permite hodi rekolla, analiza no dizemina dados no informasoens sira ne'ebé relativu ho PNDS. Kuaze dados hotu-hotu sei arkiva iha nivel Suku, hodi dokumenta informasaun detallu xave kona-ba implementasaun programa. Sei halibur iha hotu-hotu nivel autores sira programa nian nomeadamente nivel suku, Postu Administrativu no Munisípiu no Nasionál. Informasaun detallu kona-ba halibur dados iha kada nivel bele haree iha okos ne'e, inklui deskrisaun kona-ba estrutura atu halo relatóriu no oráriu sira. Dados hirak ne'e sei halibur dados bazeia ba modelu padronizadu atu halo relatóriu no halibur dados iha manuál sira terenu nian tuir formatu ka prosedimentu sira ne'ebé estabelese ona.

Prosesu preparasaun, elaborasaun no submisaun relatóriu PNDS tenki kumpre kalendaru ne'ebe previstu ona iha Art. 12.º husi Diploma Ministerial N.º 66 /2024 Loron 23 Outubru:

- Estrutura Suku PNDS ható'o ba Xefe Suku to'o loron 1 kada fulan kona ba kondisaun projetu ezeikutadu, relatóriu jestaun finanseira kona-ba subsídiu operacional no infraestruturá.
- Xefe Suku ható'o ba Diretor Servisu Munisipal Apoiu ba Programa Nacional Dezenvolvimentu Suku (DSMA) to'o loron 5 kada fulan, relatóriu jestaun finanseira kona-ba subsídiu operacional no infraestruturá.
- Diretor Servisu Munisipal Apoiu ba Programa Nasional Dezenvolvimentu ható'o to'o loron 7 kada fulan, relatóriu jestaun finanseira kona-ba subsídiu operacional no infraestruturá, ba Prezidente Autoridade Munisipal no ba Sekretáriu Ezeutivu Sekretariadu Tékniku PNDS.

Atu prepara relatoriu jestaun finanseira tenki utuliza formulariu sira ne'ebe aprovalu husi despaxu Ministru Administrasaun Estatal. Dokumentus no relatoriu jestaun finanseira hotu tenki rai no halo arkivu tamba bele utiliza ba atividade monitorizasaun no auditoria.

6.7.1. Autores sira SJI

6.7.1.1. Nível Suku

Komite Planeamentu no Responsabilizasaun (KPR) iha responsabilidade hodi monitoriza progresu globál implementasaun, transparénsia no responsabilizasaun, no asegura katak buat hotu la'o tuir regra no prosedimentu programa nian. Ekipa Implementasaun Programa (EIP) iha responsabilidade prinsipál hodi halo relatóriu kona-ba implementasaun konstrusaun, qualidade téknika no fundu sira ne'ebé uza ona.

Dadus ne'ebé tenke halibur iha nivel Suku mak hanesan:

- Fundu ne'ebé simu no uza ona, saldu iha banku no osan iha liman.
- Progresu fiziku kompara ho planu servisu sira.
- Mane no feto sira-nia partisipasaun iha etapa implementasaun hotu-hotu iha programa (inklui enkontru comunidade, formasaun no serbisu).
- Atividade O&M (inklui partisipasaun comunidade no kontribuisaun husi comunidade no taxa utilizador)
- Asuntus seluk nesesariu relativamente ho implementasaun programa iha terenu.

Estrutura Suku sira uza dadus refere hodi fó informasaun atualizadu kona-ba progresu ba comunidade sira liu husi enkontru akontabilidade iha nivel Aldeia no Suku, no pública informasaun importante sira iha Kuadru Avizu Komunitade nian.

Sei halibur dados iha nivel Suku fula-fulan, liu husi EIP nia relatóriu sira. EIP sei fó esbosu relatóriu ba Fasilitadór Postu Administrativu atu verifika molok KPR aprova no submete ba Xefe Suku, to'o loron 1 kada fulan. Relatoriu ne'e sei submete mós ba FPA hodi rekapitula iha nivel postu administrativu. Informasaun importante husi relatóriu ne'e sei pública mós iha Kuadru Avizu Komunidade.

Wainhira Xefe Suku simu tiha relatoriu husi ES-PNDS (Prezidente KPR), Xefe Suku sei fó pareser, apresiasaun no aprovasaun ba relatoriu ne'e hodi sumete ba DSMA PNDS to'o loron 5 kada fulan.

6.7.1.2. Postu Administrativu

Wainhira Fasilitador Postu Administrativu PNDS (FPA) simu relatoriu husi ES-PNDS sira sei haree no verifika informasaun importante husi nivel Suku. Bazeia ba relatóriu sira husi Suku, FPA prepara relatóriu mensál kona-ba progresu no entrega relatóriu ne'e ba DSMA PNDS, no entrega mós kópia ida ba Assembleia Postu Administrativu /Administradór Postu Administrativu. Relatóriu ne'e fornese informasaun atualizadu kona-ba progresu kontra planu serbisu husi Suku hotu-hotu iha Postu Administrativu, fornese dados sira no inklui subliña kestaun xave ka dezafius sira ne'ebé mak hasoru. FPA sei prepara relatóriu mensál ho apoiu no kontribuisaun husi Fasilitadór Postu Administrativu Sosiál, Tékniku no Finansas nian, no sei entrega relatóriu ne'e ba DSMA PNDS iha momentu hala'o enkontru mensál kona-ba koordenasaun PNDS iha nivel Munisípiu (até loron 5 kada fulan).

Dados ne'ebé relata husi nivel Postu Administrativu inklui:

- Mane no feto sira-nia partisipasaun iha etapa implementasaun hotu-hotu iha programa (inklui enkontru comunidade, formasaun no serbisu).
- Fundu ne'ebé simu no uza ona, saldu iha banku no osan iha liman.
- Progresu fiziku ne'ebé kompara ho planu serbisu sira.
- Progresu iha siklu implementasaun no rezultadu prinsipál sira,
- Atividade O&M (inklui partisipasaun comunidade no kontribuisaun husi comunidade no mekanizmu sira atu buka fundu hodi hala'o O&M).
- Keixa foun sira ne'ebé simu, progresu rezolusaun keixa atuál sira no keixa sira ne'ebé rezolve ona.

6.7.1.3. Munisípiu

Bainhira simu relatóriu husi Xefe Suku no husi nivel Postu Administrativu, DSMA PNDS tenke asegura dados husi relatóriu Postu sira ne'e hetan verifikasaun husi Kontabilidas no Enjeneiru Munisípiu no submete tuir tempu determinadu hodi hatama ba iha SJI. Prosesu verifikasaun no hatama dados iha SJI tenke kompleta

ona iha loron 7 kada fulan. Ofisiál SJI iha nivel Munisípiu arkiva mós kópia ida husi relatóriu fula-fulan ne'ebé mai husi FPA.

Bazeia ba dados ne'ebé hatama ona iha SJI, Diretór SMA-PNDS sira sei prepara relatóriu konsolidadu mensál nian ne'ebé sei inklui:

- Dados agregadu iha nivel Suku.
- Relatóriu finanseiru mensál ho dados dezagregadu.
- Komentáriu kona-ba prosesu koordenaun Munisípiu
- Keixa sira no nia progresu rezolusaun
- Kestaun importante seluk ruma.

Relatóriu Munisípiu tenke prepara no haruka ba Prezidente Autoridade no ba Sekretáriu Ezekutivu Sekretariadu Tékniku PNDS to'o loron 7 kadan fulan. Informasaun no dados husi relatóriu kada Postu Administrativu nian tenke apresenta mós iha enkontru regulár PNDS Munisípiu nian hodi nune'e hotu hotu informadu, no bele konvida representante sira husi setór relevante sira atu partisipa mós enkontru ne'e.


6.7.1.4. Nasionál

Bazeia ba relatóriu konsolidadu mensál husi PNDS Munisípiu, Sekretariadu Tékniku PNDS sei prepara relatóriu konsolidadu Nasionál ida no haruka ba Ministériu Administrasaun Estatál (MAE) to'o loron 10 kada fulan.

Sekretariadu Tékniku PNDS sei prepara relatóriu báziku fula-fulan kona-ba dados sira iha SJI hodi ajuda hala'o monitorizasaun regulár sira. Aleinde ida-ne'e, sei jere relatóriu finanseiru no 'tradús' relatóriu sira iha free balance ba Ministériu Finansas. Sei prodúz mós relatóriu trimestrál. Relatóriu trimestrál sei suplementa ho atividade iha nivel Nasionál, dados husi estudu espesífiku ruma no fotografia. Relatóriu ne'e sei haruka ba Ministériu responsavel husi área administrassaun Estatál.

Sekretariadu Tékniku PNDS sei prepara mós relatóriu anuál relasiona ho programa tomak nia progresu, rezultadu no impaktu, kestaun polítika no rekomendasaun sira. Relatóriu ne'e sei disponibiliza Ministeriu Administrasaun Estatal no instituisaun relevante sira tuir nesesidade.

Diagrama 6.1. Diagrama submisaun Relatóriu & SJJ



6.8. Sistema Atendimentu Keixa

6.8.1. Objetivu

Sistema Atendimentu ba Keixa (SAK) nudar ferramenta ida hodi ajuda halo atendimentu, fó resposta no solusaun ba comunidade ka kliente sira nia preokupasaun ka problema nebe apresentadu relativamente ho prestasaun servisu programa nian ka asuntu sira seluk ne'ebe nakait ho objetivu no prinsipiu programa nian. Sistema ne'e atu harii konfiansa, transparansia no hametin governasaun diak nune'e implementasaun programa bele atinji nia objetivu no rezultadu xave sira programa nian.

Sistema ne'e nia efektividade sei depende ba autór PNDS sira nia komprensaun di'ak kona-ba parseiru hotu-hotu nia direitu no responsabilidade sira, no komprensaun klara kona-ba sistema no prosesu PNDS.

Prinsípiu no objetivu husi SAK:

- Prinsípiu justisa no imparcialidade: hodi garante atendimentu no tratamentu ho forma justa no imparcial
- Prinsípiu boa-fé: hala'o atividade administrativu iha forma no faze sira hotu tenke atua tuir regras sira boa-fé nian hodi promove konfiansa no respeito entre ema, no atu garante justisa ne ebé justu no efetivu.

- Harii kapasidade atu komprende no halo tuir prinsípiu sira kona-ba transparensia no governasaun di'ak.
- Garante parte hotu hodi dezempeña funsoens tuir normas no regras vigoradu.
- Hametin konfiansa no kredibilidade públiku ba programa
- Bele responde ba pergunta/konfuzaun kona-ba PNDS nia prosedimentu
- Garante justisa liu husi sansaun no asaun legál hasoru infratór sira.

SAK orienta husi prinsípiu respeitu ba mekanizmu baibain ne'ebé comunidade uza hodi rezolve disputa, konfidensiáldade, inklusaun, halo rezolusaun iha fatin ne'ebé besik comunidade, verifikasaun, transparénsia, no iha tempu adekuadu.

6.8.2. Kategoria Keixa

Keixa ne'ebé Relasiona ho Polítika, Regras no Prosedimentu, Sistema no Prinsípiu Programa

- Falta transparénsia ka exklui ema ka grupu balu iha prosesu, inklui prosesu rekruta traballadór sira.
- Atividade Infraestrutura ho mal jestaun fundu
- Falta partisipasaun comunidade
- Iha restrisaun ba comunidade atu uza infraestrutura ne'ebé harii ona.
- Problema sosiál ka disputa rai.
- Jestaun la loos husi PNDS/funionáriu/a governu hodi apoia Suku sira ba atividade PNDS.

Keixa ne'ebé Relasiona ho Konstrusaun Projetu

- Kualidade konstrusaun nian ne'ebé mak kobre materiál, feramenta/ekipamentus, maun de obra, traballadór, nsst.
- Tarde tamba dezempeñu la dia'k.
- Tarde tamba natureza (udan, bee-sa'e) no razaun razoavel sira seluk (seguransa, selebrasaun, disponibilidade ba traballadór/materiál).
- Volume/kustu ne'ebé mak la razoavel.
- Ponte ka sub-projetu ne'ebé mak nakfera/aat tamba falta dezeñu no laiha kualidade.
- Mudansa ka modifikasaun ba dezeñu/planu infraestrutura sein comunidade nia koñesimentu /aprovasaun.
- Ameasa ka estragu ba infraestrutura.

Keixa ne'ebé Relasiona ho Fraude (Mal Jestaun Finanseiru) no Abuzo de Poder

- Uza sala programa nia fundu
- Fó insentivu ba autór sira PNDS nian
- Falsifika pagamentu ba traballadór comunidade sira ka simu subornu
- Xefe Suku ka Fasilitadór Suku sira obriga comunidade atu simu atividade ruma nu'udar Suku nia prioridade.
- Jestaun la los ba konta bankária (n.e. halo levantamentu falsu).Jestaun osan-kontadu iha nivel banku (n.e. na'ok osan).
- La kumpre regras aprovizionamentu hanesan falsifika dokumentu, favorese fornecedor ka hasa'e folin hodi hetan lukru.
- Fornecedor ida viola akordu kona-ba fornecimentu sasán ka servisu.
- Koluzau entre ofisial governu, ofisial banku no/ka representante comunidade.
- Falsifika reseita Pagamentu ba traballadór comunidade ka simu subornu.
- Uza propriedade ka material comunidade ba objetivu seluk ne'ebé la'ós parte husi projetu PNDS ne'ebé aprovalu.
- "Empresta" ka "fó-empresta" fundu ka material projetu.
- Uza fundu operasionál ba objetivu sira ne'ebé la aprovalu tuir orientasaun PNDS.

6.8.3. Prosedimentu Hato'o Keixa

Mekanizmu oin-oin sei disponivel ba ema hotu atu bele hatu'o keixa ho maneira konfidensial (segredu) no la sente ta'uk, hanesan bele hatama keixa eskrita, bele liu husi prienxe livru rejistu keixa ne'ebe disponivel iha eskritoriu PNDS Postu, Munisipiu no ST-PNDS, bele kontaktu direta no SMS ka bele liu husi media sosial. Nune'e keixa sira ne'ebe hatama ka hatu'o livremente ba entidade sira hanesan:

Nivel Suku

- Estrutura Suku PNDS (KPR, EIP no EF)
- Xefe Suku no Membrus konsellu Suku

Nivel Postu Administrativu

- Administrador Postu
- Servisu Lokal Planeamentu no Dezenvolvimentu Lokal no Funsionarius PNDS Postu Administrativu
- Servisu Lokal Planeamentu no Dezenvolvimentu Lokal

Nivel Munisipiu

- Prezidente Autoridade
- Servisu Munisipal Apoiu PNDS (SMA-PNDS)
- Ajénsia Fiskalizaun Munisipal
- Funsionáriu PNDS Munisípiu

Nivel Nasional

- ST- PNDS
- Gabinete Inspesaun-Jeral no Auditoria MAE

Instituisaun ka entidade sira ne'ebe iha responsabilidade legal hodi promove no hametin padraun

Boa-Governasaun:


- Komisaun Funsun Públika
- Inspetór-Jeral Estadu
- Komisaun Anti korupsaun
- PDHJ
- Ministériu Públiku

Organizasaun sosiedade sivil

- ONG sira sira ne'ebé asosiadu ho FONGTIL)

Keixa ne'ebe tama sei rejista liu husi kanál ne'ebé mensiona iha matadalan atendimentu keixa no SAK sei garante konfidensialidasde ba keixa hotu-hotu ne'ebe tama. Mekanizmu sira ba rezolusaun keixa nian sei kumpre ba kompetensia autor sira programa nian iha nivel suku, postu administrative, munisipiu no nasional.

Diagrama 6.2. Sistema Atendimentu ba Keixa



1. Nivel Suku

Wainhira keixa ne'ebe hato'o husi ema ruma, membru comunidade ka organizasaun sosiedade sivil ba Estrutura Suku PNDS (ES-PNDS), Sekretariu KPR sei rejista keixa ne'e iha livru rejistu keixa no sei halo

kategoria no verifika tuir tipu keixa. Keixa ne'ebe kompete ba KPR nia kompetensia bele rezolve imediatamente ho durasaun loron 15. Keixa balun ne'ebe tuir kompetensia autoridade komunitariu nian bele resolve keixa refere. Ba keixa ne'ebe la konsege rezolve tuir tempu determinadu KPR sei relata relatoriu evolusaun keixa ba Administrasaun Postu Administrativu no instituisaun relevante sira hodi kontinua prosesa tuir lei haruka relasionadu ho kategoria keixa ne'ebe apresentadu. Keixa ne'ebe laos kompetensia KPR nian atu rezolve sei hato'o ba parte estrutura relasionadu iha Sistema atendimentu keixa nian.

Membru comunidade sei simu informasaun regulár husi KPR ka Fasilitadór Postu Administrativu sira kona-ba keixa ruma ne'ebé rejista ona no asaun sira ne'ebé foti ona, iha tempu hanesan proteje nafatin keixa-na'in nia konfidentiáldade. Membru comunidade bele mós envolve atu rezolve keixa no/ka problema ne'ebé normalmente hetan rezolusaun liu husi mekanizmu comunidade, hanesan kustume rezolve disputa.

2. Nivel Postu

Wainhira keixa ne'ebe hatu'o husi ema ruma, membru comunidade ka organizasaun sosiedade sivil ba Administrasaun Postu, Administrador Postu sei koordena ho Servisu Lokal sira iha nivel postu administrative nomeadamente Servisu Lokal Planemaentu no Dezenvolvimentu Lokal ho Ekipa PNDS Postu Administrativu hodi identifika no verifika ba tipu keixa hodi buka nia rezolusaun imediatamente ho durasaun loron 15.

Ba keixa ne'ebe la konsege tuir tempu determinadu Administrador Postu sei relata relatoriu evolusaun keixa ba Autoridade Munisipal no instituisaun relevante sira hodi kontinua prosesa tuir lei haruka relasionadu ho kategoria keixa ne'ebe apresentadu.

Keixa ne'ebe laos kompetensia Administrador Postu hodi rezolve sei hatu'o ba parte estrutura relasionadu ne'ebe define ona iha Sistema atendimento keixa.

Ekipa PNDS Postu Administrativu, sei halo relatóriu mensál ba SMA-PNDS kona-ba keixa hotu-hotu ne'ebé relata ona, asaun no progressu sira ne'ebé KPR foti ona. Garante katak iha monitorizasaun efetiva ba prosesu (investigasaun, rezolusaun no relata fali informasaun ba comunidade sira) no fó informasaun regulár ba keixa-na'in kona-ba progresu tratamentu ba keixa sira ne'ebé sira hatu'o.

3. Nivel Munisipiu

Ho koordenasau Presidente Autoridade Munisipal, Ajensia Fiskalizasaun Munisipal no Servisu Munisipal Apoiu PNDS hodi atende no verifika keixa sira ne'ebé hatu'o husi comunidade no organizasaun sosiedade sivil hodi resolve imediatamente ho durasaun loron 15. Autoridade Munisipal mós sei atende keixa sira ne'ebe la konsege resolve ka pendente iha nivel postu no suku. Ba keixa ne'ebe la konsege tuir tempu determinadu Autoridade munisipal sei relata relatoriu evolusaun keixa parte superior hierarkiku no instituisaun relevante sira hodi kontinua prosesa tuir lei haruka relasionadu ho kategoria keixa ne'ebe apresentadu.

Ajensia Fiskalizasaun Munisipal no SMA PNDS sei prodúz relatóriu ida hodi halo rezumu ba keixa hotu-hotu ne'ebé simu ona no informasaun kona-ba progresu/rezolusaun tratamentu ba keixa sira ne'e relata ba Presidente Autoridade no Konsellu Koordenasau Munisipal. SMA PNDS mós tenke relata progresu/rezolusaun keixa nian ba Sekretariadu Tékniku PNDS hamutuk ho relatóriu mensál regulár.

4. Nivel Nasional

ST-PNDS sei fo apoiu ba servisu autoridade munisipais iha kriaun no jestaun ba Sistema monitorizasaun ba keixa ka reklamasau sira relativamente ho ezekusaun fizika ka finanseira ba projetu sira ne'ebe hetan

subsidiu husi PNDS ka kualidade obra ne'ebe ezekuta ona, nune'e mos fo resposta no solusaun sira. Nune'e ST-PNDS sei fo apoiu tekniku no administrative servisu autoridade nian liu husi Servisu Munisipal Apoiu PNDS hodi fo atendimentu ba keixa no reklamasaun sira tuir SAK ne'ebe estabesele ona PNDS no koordena ho instituisaun relevante sira hodi kontinua prosesa keixa ka reklamasaun hirak ne'e tuir baze legal sira ne'ebé vigora iha Timor-Leste. *(Refere ba Matadalan Mini ba Pratika A12 - Sistema Responde ba Keixa hodi hetan detallu liu).*